

Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.354








Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.354




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.354







Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.354































BARTHOLOMÆI FRANCI,

Weidâ - Varifci,

DISSERTATIO

*De*

ARTICULIS  
FIDEI,

*In quâ*

Eorum tùm Veritas tùm credendi  
necessitas

Succinâ & solidè evincuntur,




L I P S I Æ

Sumptibus Laurentii Sigismundi Cörneri, Bibliop.

Anno M DC LXVI.









*Bonô Fortunante!*

**F**iliū hominis cum venerit ad Iudiciū, vix fidem in terra reperturum, ipsemet satis apertè indicat emphaticā illā suā vim negandi habente interrogatione, quā Lucas commemorat c. xviii. 8. Quamvis verò non desint, qui Salvatorem locò laudatō Fidem, quam vocant homileticam, coagulum illud ac stabilimentum Societatis humanæ ac civilis, indigere contendunt; quò minus tamen verba ipsius ad Fidem, quā propriè censetur Christiani, trahamus, nihil, me quidem iudice, prohibet. Nam profectò hæc ipsa fides est, quæ extremis hisce, in quæ Deo nos reservare placuit, temporibus, indies magis ac magis deficit, & spatijs suis pro dolor! fit minor, jugiter impetita Satanæ, eò vehementius quò minus ipsi superest temporis, furentis rabie & *μεθοδεία*, veniente adhuc in partes hominum malitiā, securitate, socordia atq; ingratitude erga nobile Verbi Divini depositum, quæ vitia, si à nobis abessent, meliori profectò locò res essent nostræ non solùm Regionis, verum etiam imprimis Religionis, quam ut ludum jocumq; facerent, hinc jurata Papæ cohors, illinc Calvinī placita probans colluvies, conjurasse videntur, ita velut agmine factò ex compositò orthodoxam Religionem aggrediuntur. Ac ex parte quidem Papistarum hic concordiam, libertati, in quam per beatissimos Majores nostros, cordatissimos, ita me Deus amet, homines non sine divinā ope sumus asseri, planè internecinā meditatur ac molitur Iesuita aliquis fronte styloq; politus, vapidam interim astuto sub pectore gestans vulpem; alius pacis, quam vocat Religiosæ, auroram spargit, meris horridam tenebris; illic rabiosus aliquis apostata ingenti hiatu nos idololatrias pessimosq; hæreticos pronunciat, vertens asserum Pontificis Romani Anti-Christianismum in læsæ Majestatis crimen, quod faciunt nobile par fratrum ( si species apostata fiam

A

sta fiam



stasiam & maledicentiam) sacer medicus Schefflerus, & omni  
cognominis sui satis dissimilis Iesuita, Erbermannus. Hi omnes  
cum alijs ejusdem Religionis, se nihilo melioribus hominibus, vo-  
lunt nos frugibus inventis redire ad glandes & siliquas superstiti-  
onum Papalium, mirum in modum nobis deprædicantes Ecclesiæ  
sue splendorem, amplitudinem, gloriam atq; unitatem, quasi his  
Magistris nobis demum discendum esset, quid æra distent lupinis,  
quid Babylon Romana civitati sanctæ.

Dum illi nobis hac ex parte ita insultant, adsunt ex alterâ  
Calvinistæ, hominum genus subdolum atq; inquietum, crepantq;  
nescio quem, consensu in Fundamento fidei, *non quod Lutherano-  
rum sententijs faveant, sed ut sensim hæc Concordie illectos Specie à pro-  
pria Confessionis articulis abstractos ad se adducant*, ut non omnino  
vanè censuit Iacobus Masenius part. 3. medit. Concord. p. 8. Cõ-  
sensu illo fundæentali satis temerè ac irreligiosè præstruendõ, Fra-  
ternitatem Spiritualem assiduis penè convitijs à nobis efflagitant.  
Neq; nihil ad hoc negotium conferunt Deo hominibusq; corda-  
tis exosi Syncretismi Autores ac Fautores, qui inter nos vivunt, lu-  
cem cum tenebris, Christum cum Beliale temerariò sanè, imò  
planè improbò ausu, ipsum tandem Atheismum producturõ,  
(vid. Bald. l. 2. Cas. Consc. c. vi. cas. 3. p. 185) copulare paran-  
tes. Hæ sunt fidei Christianæ pestes, hæ sinceræ Religionis vibices  
ac maculæ.

Cogitanti autem mihi (ut sanè quemlibet Studiosum The-  
ologix hæc de re cogitare par est) de primâ mali hujus in visce-  
ribus nostræ Ecclesiæ grassantis origine, commodè occurrit gra-  
vissimum senilis ac verè Theologicæ prudentiæ plenum effatum  
magni suò meritò Theologi Dn. D. Danhaueri, inquietis: *In-  
diligentior Articulorum fidei definitio πρὸς τοὺς illud ψευδὸς est, quò syn-  
cretismus invaluit*, in stylo vindice process. Spirit. S. sect. 2. artic. 2.  
§. 6. p. 278. His verbis exstimulatus diligentiam in Articulorum  
fidei meditatione adhibui eam, quæ in hominem mediocris in-  
genij, nec sui semper juris, potest cadere, eò potissimum fine, ut  
adversus *Φλαγγέας* Syncretisticas, quib; nonnullos haud leviter  
turbatos memini, memet ipsum munirem ac confirmarem. Cũq;  
non abs re existimarem, me, deductâ in disputationem hæc ma-  
teriâ,



3  
teriâ, luculentissimè posse de multis erudiri, feci, quod factu judi-  
cabam optimum. Rogo autem, eò quo par est, studiò, Te, qui-  
cunq; futurus es hujus mei meletematis vel Lector vel Censor, si  
in re adeò difficili ac perplexâ non ubiq; rem acu tetigi, si alicubi  
propter exiguitatem ingenij aut vitio humanæ infirmitatis ce-  
spitavi, ut juxta humanitatis genium mecum agas parato meliora  
docenti patienter auscultare. errorèq; , legitimè ac comiter com-  
monstratum, promptissimè emendare. Sit jam.

Εἰς 1. Articulus Fidei ingenere, est pars doctri-  
næ cœlestis de objecto aliquo spiritali credendo qua-  
tenus in scriptura Canonica est revelatum.

Εκθεσις. §. 1. Articuli vox, quæ est diminutiva ab artus pri-  
mâ suâ impositione arctum quid, strictum, sectile, coaptatum ta-  
men significat ab arcto, arto, aut prisco artio, unde: artivit lin-  
gvam in palato. Hinc articulus, quasi arcticulus; articulata, quasi  
secta vox; suspirium articulare, est secare. Propriè significat jun-  
cturas & nodos digitorum arcto nexu invicem cohærentium.  
Per Metaphoram sic appellantur capita doctrinæ Fidei, tum quia  
sunt partes præcipuæ rerum credendarum, sive partes Christia-  
nam fidem constituentes, quemadmodum articuli partes digito-  
rum sunt, & digitos constituunt; tam quia doctrina fidei Christi-  
anæ in ea capita, ceu in articulos digitus, resolvitur. Gregorius de  
Valentia sic effert: *Articuli propriè dicuntur quædam partes inter se  
aptæ ad modum, & distinctæ; ita in proposito nominantur. Metaphoricè  
articuli fidei, sententiæ quædam principales, & quæ potissimum spectant  
ad negotium salutis. Tom. 1. disp. l. q. 1. punct. 5.* Quod verò hic non-  
nulli dicunt, indubiè primâ vocis impositione dictum esse fidei  
articulum, cum quod OMNES, qui salvari cupiunt, ad fidem fi-  
ve assensum & probationem sui ipsius obliget, tum quod ita  
creditus ad fidem salvificam necessarium momentum adferat,  
mihi equidem valdè est dubium, consideranti vocis articuli tum  
Etymologiam, tum significationem propriam omnium consen-  
su probatam, cui quomodo Metaphorica innitatur, est in apicò.  
Equidem non ignoro Richardum de S. Victore definire articulum  
fidei, *quod sit indivisibilis veritas de Deo arctans nos ad credendum;*  
sed an exinde probari possit, & quidem ita, ut nullum superfit  
dubium



dubium, primâ vocis impositione dictum esse Articulum, quod OMNES ad fidem sive assensum & probationem obliget, hoc est, de quo ego dubito. Statuo autem primâ vocis impositione dictum esse A. F. quod idem sit in negotio fidei, quod aliâs est junctura & nodus in digito, pars scilicet præcipua seu principalis, artè cum aliis nexu coherens.

§. 2. Fides, cujus articuli vocantur, hîc intelligitur non ea, QVA creditur, seu apprehenditur meritum Christi, sive fides subjectiva; Sed fides QVÆ creditur, seu fides objectiva, hoc est doctrina revelata, scripturis S. contenta, circa quam fides hominis Christiani versatur, tanquam circa suum proprium Objectum. Hinc articuli fidei rectius dicerentur articuli doctrinæ fidei, siquidem verba sunt B. Dn. Hunnii in *diaconé* cap. I. §. 51. ex doctrina fides oritur, hujus autem doctrinæ pars non protinus est pars fidei, quæ ex doctrina oritur; ideò non fidei, sed doctrinæ fidei articulus appellari merebatur. Quia verò usus Ecclesiasticus ita invaluit, parum refert, usitatum & omnibus notum terminum retinere. Idem Hunnius I. c. notat vim vocis Articuli tria potissimum inferre I. particularitatem rei, quæ illo nomine signatur, cum omnis articulus respectum inferat (α) ad totum, cujus est pars, sive articulus. (β) ad reliquas partes in toto illo comprehensas. II. Connexionem, cum non dicantur articuli, nisi in relatione cum ad articulos alios, tum & præcipuè ad totum; eam verò relationem fundari in mutua unione articulorum sine qua cesset respectus, & cum respectu appellatio. III. Distinctionem, ut enim articulos oportet connecti, sic necessarium esse eosdem distingui, ut quamvis artè cohereant, sit tamen unus extra alterum positus.

§. 3. Dicuntur aliâs A. F. etiam mysteria fidei, quod sint res abstrusæ, reconditæ, humanæ rationi imperviæ, nec nisi Revelatione divinâ patefactæ. Vide hanc appellationem prolixè explicantem Dn. D. Calovium System. Theol. Tom. I. p. 768. Appellatur etiam credenda, voce hâc strictè accepta pro iis, quæ habent aliquem in fidem salvificam influxum.

§. 4. Per doctrinam celestem intelligitur universus ambitus doctrinæ supernaturalis & Salvificæ, quæ celestis vocatur tum originaliter, quia cœlitus à patre luminum peculiari quodam modo est patefacta Matth. XVI. 17. tum objectivè & Materialiter,



5  
terialiter, quia tota est de rebus Cœlestibus, hoc est, ad cœlum seu  
felicitatem Cœlestem spectantibus; tūc deniq; effectivè & fina-  
liter. Nam ut eò fine nobis est tradita, ut ejus ope assequa-  
mur felicitatem cœlestem Joh. XX. 31. ita etiam cœlestes nos effi-  
cit, hanc quidem in vita inchoativè per spem, fidem, & charitatem,  
post hanc verò fidem consummativè per beatificam, summèq; de-  
lectabilem patris cœlestis visionem ac perfruitionem æternam  
Joh. v. 24.

§. 5. Hæc doctrina sese habet ut totum quoddam ex plu-  
ribus partibus conflatum, quarum aliæ sunt principales, aliæ mi-  
nus principales. In relatione harum partium tūc ad se invicem,  
tūc ad totum, doctrinam scilicet cœlestem, cujus partes sunt, con-  
sistit forma Articulorum fidei generica. Id obiter addo, has  
partes tam arctè inter sese cohærere, ut luxatâ vel solutâ unâ par-  
te statim convellatur ac solvatur tota fidei compages, sicuti uni-  
cò confractò annulò, tota rumpitur catena. Hinc fides dicitur  
una copulativa, & B. Lutherus in cap. v. ad Galatas, ait. *Doctrina  
cœlestis est inter instar puncti Mathematici; non igitur potest dividi, hoc  
est, neq; ademptionem, neq; additionem ferre potest. Est eadem perpe-  
tuum & rotundus aureus circulus, in nulla quo sit fissura.*

§. 6. Nomine Objecti Spiritualis intelligo objectum su-  
pernaturale, sublime atq; inevidens, supernaturaliter patefactum,  
spectans bonum supernaturale, atq; id nos ordinans; contradi-  
stinctum objecto, sive rei naturali, terrestri, corporali, spectanti  
bonum aut factum aliquod naturale ac terrestre. Ubiq; igitur  
proponitur res aliqua naturalis ac terrestris, ibi non est obje-  
ctum proprium & adæquatum fidei, & per consequens, non arti-  
culus fidei quale objectum est e. g. historia de cane Tobia, ex  
qua historia Jesuitæ in colloquio Ratisbonensi ineptissimè excul-  
pere voluerunt Articulum Fidei. Huc pertinent omnes historiae  
in sacris literis contentæ, facta corporalia narrantes, quæ talia.  
Eodem loco etiam habendæ sunt doctrinae morales, quæ pro ob-  
jecto habent vitam moresq; hominis sic vel aliter formandos.  
Nam licet hæ doctrinae indirectè circa bonum spirituale seu  
supernaturale versentur, & ad id obtinendū suò modò cooperen-  
tentur, quatenus hominem dirigunt ad vivendum vitam Deo



gratiam, cum tamen directe occupentur circa mores hominis in hanc vel illam partem flectendos, adeoque circa facienda, nos vero h. l. solliciti sumus de credendis, sive dogmatibus docentibus quid credendum, quid non credendum sit, doctrinas morales, docentes quid faciendum, quid omittendum, excludimus per adrectam vocem CREDENDO.

§. 7. CREDENDUM vi vocis significat id, quod debet credi. Cumque non debet sit alicujus necessitatis nota, necessitas vero alia indigentia, alia expedientia, alia simplex, alia *κατὰ τὴν φύσιν* talis, ex infra dicendis patefcet, quo necessitatis genere singula dogmata sint creditu necessaria. Est autem CREDERE quoad hoc negotium, nihil aliud, quam assentiri, sive assensum præbere objecto credendo, ita quidem ut inde eruat salutaris in salutis autorem Deum, fiducia. Dico igitur me per vocem CREDENDO innuere talem credendorum apprehensionem, quæ cum determinato judicio conjuncta ab intellectu remouet infidelitatem & ignorantiam, quæ æternam salutem exclusura & damnationem inductura esset: in voluntate autem fiduciam gignit salutarem. Deinde, cum assensus alius sit languidus, cumque oppositi formidine conjunctus, alius certo atque indubitato omnem oppositi formidinem excludens, quilibet videt, me intelligere h. l. posteriorem, qui à suo objecto seu motivo formali, infallibili Dei Revelantis autoritate, cui ceu fundamento innititur, item à causa efficiente principali Deo, seu Spiritu Dei, per verbum revelatum, lectum vel auditu perceptum, tanquam per causam instrumentalem, ejusmodi assensum in homine producente, aliàs vocatur assensus fidei divinæ, item, Fides divina simpliciter, ad differentiam fidei humanæ, motivo, testimoniò, vel autoritate humanâ iunctæ.

§. 8. Tanti momenti res ut eò rectius intelligatur, ex unâ parte accuratè observandum Objectum in quod tendit assensus fidei, seu cui præbetur, sive quod idem est, Objectum ejus materiale; ex altera parte notandum, sub qua ratione tendat in objectum, seu quænam sit ratio formalis & proxima tendendi in illud, sive quod idem est, quodnam sit ejus objectum formale, movens intellectum efficaciter ad præbendum objecto materiali certum & indubitatum assensum.

§. 9.



7  
§. 9. Objectum Materiale ( genericum nempe ) assensus hujus paulò ante expressi & indicavi sub appellatione objecti spiritualis seu supernaturalis. Hoc objectum, quatenus quidem assensum nostrum exposcit, cum nospiam occurrat vel inveniat, nisi in scripturâ, nos verò illi nullam aliam ob rationem præbeamus assensum, nisi, quia continetur vel revelatum est in scripturâ, adeoq; propter infallibilem scripturæ autoritatem, promptum hinc est colligere, assensus hujus objectum tum materiale, tum formale esse scripturas. Quoniam igitur res tandem omnis reedit ad scripturas Θεωπνεύσεως, propterea addidi in definitione: QVATENUS IN SCRIPTURA CANONICA est REVELATUM. Particula restrictiva QVATENUS denotat rationem ultimam sub quâ & propter quam assensum præbemus objecto credendo. Hæc a. nulla est alia, quàm autoritas Dei Revelantis, seu Revelatio in scripturâ Canonicâ positâ, seu veritas prima Revelans, nam hæc quoad rem unum & idem sunt licet differant quoad modum significandi, hinc promiscuè modò hoc, modò illud pro objecto formali fidei à Theologis allegatur.

§. 10. Vocem SCRIPTURÆ adhibeo duplicem ob causas. Primò ut excludam Pontificiorum verbum non scriptum, quod ipsi verbo scripto succenturiant, pariq; pietatis affectu suscipiendum & prosequendum seiscunt. Concil. Trid. sess. 4. decret. 1. Hinc duo Papistis rerum credendarum sunt principia: Verbum scriptum, & non-scriptum, quod posterius alias vocant verbum traditum seu traditiones, de quibus egregiè pronunciat B. D. Hülsemannus: *Traditiones, non scriptæ, (inquiens,) sive tradant objectum aliud & novum in Bibliis non expressum, sive interpretentur & exponant dogma in Bibliis jam traditum, in quantum differunt à textu, quem exponunt, non sunt objectum fidei salvificæ, nec generant fidem divinam, nec creduntur fide divinâ, nec licet eas pari pietatis affectu amplecti, quò oportet amplecti dogmata divinitus in Bibliis revelata Deut. XII. 8.* Breviar. Theol. c. 1. §. 3.

§. 11. Altera ratio est, ut excludam verbum non scriptum revelatum Enthusiatarum, qui neglectis scripturis Θεωπνεύσεως, quas debebant scrutari & solas pro unico fidei principiò, regulâ & normâ habere



habere, nescio quibus secretis cum Deo colloquijs, raptibus & revelationibus spiritus inhiant, atque ab ijs fidem suam suspendunt. Sed cum in tertium usque celum raptus Apostolus disertè dicat, anathema esse Angelum, si quis aliud annunciet Evangelium, præter id, quod annuntiatur est, *Gal. 1. 8.* nos istos novarum revelationum candidatos & assertores *πολλὰ κλαίειν* jubemus, certò persuasi, ipsorum *ἐνθουσιασμός* cum omni visionum tanto opere jactatarum choragio procedere à patre mendacii, qui ut est simia Dei, & simul hostis Dei & hominum *ἄσπονδος* se transformat in Angelum lucis, ut sub prætextu revelationum divinarum circumveniat, æternoque exitio involvat suas *μεθοδείας* nec satis callentes, neque caventes homines.

§. 12. Addo epitheton CANONICÆ, ut innuam discrimen inter libros Biblicos qui sunt in Canone, & verè *θεόπνευστοι* & qui sunt extra Canonem, dicti alios Apocryphi ab *ἀπακρύπτειν* id est occultando, vel quod sint absconditi, hoc est, originis absconditæ & occultæ, vel quod sint abscondendi, nec in Ecclesia legendi, quemadmodum hoc vocabulum explicat B. Gerhardus in Exeg. Loc. 1. c. 6. Solis libris Canonicis (strictè & propriè sic dictis) hanc vindico auctoritatē ac prærogativam, ut possint fundare articulos fidei propriè sic dictos. Libri Apocryphi, cum non sint *θεόπνευστοι*, id quod præter defectum requisitorum satis arguunt pudendi *ἀναχρονισμοὶ*, & varia cum impia superstitione conjuncta *ἑρπύσματα* in illis occurrentia, quæ absit ut in *θεοπνεύστῃς* scriptores cadere posse dicamus, non possunt generare fidem divinam, nec fundare dogma fidei divinæ credendum, nec ad illud firmiter probandum adhiberi, nisi forte in disputatione *κατ' ἀνθρώπων*.

§. 13. Hinc duplici vitio laborabat ille à Tannerò in colloquio Ratisbonensi productus articulus fidei de cane Tobia. Unum vitium tetigimus jam tum §. 6. Alterum erat quod desumptus esset ex libro Apocrypho Tobia. Sed posterius hoc fortè non fuerit vitium, si respiciamus personam proferentem. quæ credere juxta decretum Concilii Tridentini tenebatur, omnes libros Biblicos esse ejusdem ordinis atque auctoritatis. Prius autem vitium videtur ipse Tannerus agnoscere qui assertionem hanc, Tobiam habuisse canem, quam pro articulo fidei venditaverat, excusaturus *Tom.*

III.



19  
III. disp. I. de fide q. l. dub. 71. n. 197. dicit, *Articulus fidei accipi non-  
nunquam generatim, ut significet quamlibet veritatem à Deo revela-  
tam, adeòq; fide divinà credendam, & innuit, se velle hoc generalisigni-  
ficatu intellectum, quod articulum fidei dixerat, Tobiam habuisse canem.*

§. 14. Circa τὸ REVELATUM notandum, aliquid Re-  
velatum dici vel formaliter & immediatè, vel virtualiter & me-  
diatè, sive, quod eodem recidit, Revelationem aliam esse For-  
malem & immediatam, aliam Virtualem & mediatam. Revela-  
tio formalis & immediata dicitur revelatio divina, in quantum  
ut ratio assentiendi proxima sese habet ad Objectum materiale,  
idq; absq; interventu alterius propositionis revelatæ attingit. In  
quantum vero eadem revelatio, ut ratio assentiendi remota sese  
habet ad objectum materiale, idq; mediante aliâ propositione  
revelatâ attingit, dicitur Revelatio virtualis & mediata. V. g. Re-  
velatio quâ Deus revelavit se solum adorandum, & sibi soli servi-  
endum, relata ad hanc propositionem: Solus Deus est adoran-  
tus, & illi soli serviendum, est revelatio formalis & immediata;  
quia actu formaliter eam afficit, & in esse propositionis revelatæ  
constituit. Eadem verò relata ad propositionem aliam, quæ ex  
hac formaliter revelata per consequentiam deducitur, v. g. hanc:  
sancti demortui non sunt invocandi, est & dicitur ejus Revelatio  
virtualis & mediata, quia non actu & formaliter eam afficit, & in  
esse propositionis revelatæ constituit, sed potentiâ tantum, vir-  
tualiter & mediatè, in quantum afficit propositionem, in qua vir-  
tualiter sive potentia, & per consequentiam ea continetur.

§. 15. Cum igitur dico assensum fidei respicere objectum  
revelatum, τὸ REVELATUM sumo quatenus includit cum Re-  
velationem formale & immediatam, tum virtualem & mediatam,  
ita ut non minus hæc præpositio: *Sancti demortui non sunt invo-  
candi*, quæ saltem virtualiter & mediatè est revelata; quàm illa:  
*Deus est adorandus*, quæ est formaliter & immediate revelata, ex  
quâ prior per bonam consequentiam potest elici; fide divina sit  
credenda. Mea, ut clarius dicam, mens est propositionem vir-  
tualiter & mediatè tantum revelatam, non minus quàm forma-  
liter & immediatè revelatam, posse constituere ac fundare arti-  
culum fidei etiam strictè sit dictum, qui scilicet, nos directè ordinet

B

ad



ad vitam æternam, seu cujus notitia necessaria sit ad consequendam salutem æternam.

§. 16. Ut sic statuam, mover metum Christi & Apostolorum, tum priscæ Ecclesiæ praxis, tum ipsius Revelationis ratio & indoles. Nam Christus & Apostoli in probandis dogmatibus fidei provocarunt etiam ad testimonia scripturæ, quæ non expressè & formaliter, sed per consequentiam & virtualiter saltem, id quod probandum erat, testificabantur, atque sic rationem probandi doctrinam fidei eiq; assentiendi ipsò factò constituerunt in Revelatione virtuali & mediata.

§. 17. Quod ad Christum, exempli locò sit disputatio inter ipsum & Sadducæos habita de resurrectione mortuorum, dogmate maximè necessariò creditu, quodq; hoc nomine expressum in Symbolo Apostolico articulum constituit. Resurrectionem mortuorum futuram negabant Sadducei, Christus illam adstruens *Matth. XXII.* producit statim testimonium Dei ex *Exod. III. 6. Ego sum Deus Abraham, Deus Isaac, & Deus Jacob. De resurrectione mortuorum*, inquit, *non legistis quod vobis dictum est à Deo &c.* ubi ipsa statim verba de mortuorum resurrectione &c. arguunt dictum illud Dei: Ego sum Deus Abraham &c. continere testimonium de resurrectione mortuorum. Confer. *Marc. XII. 26. Luc. XX. 37.* Sed Deus in hoc dicto non est formaliter & immediatè testificatus mortuos esse resurrecturos, cum in eo nulla resurrectionis mortuorum expressa mentio fiat. Ergo virtualiter & mediatè tantum, in quantum scil. ex eâ, & alia propositione huic evidenti principio in nixa: Deus non est Deus mortuorum, sed viventium, per legitimam & validam consequentiam potest concludi. Hoc modo etiam resurrectionem exinde probatam, indicio est adversariorum silentium, stuporq; cæterorum hæc ratione in doctrinæ cœlestis admirationem raptorum auditorum, vide omninò hanc in rem *cap. XXII. Matth. à. v. 23. uq; ad 33. Confer Jansenium in Concord. Evang. c. 117. p. 73.*

§. 18. Exemplum Magistri ex revelatione virtuali & mediata probantis luculentam fidei articulum, imitati sunt discipuli, id quod constat exemplo Pauli *Act. XXVI. 22. Petri Act. X. 43. Apoll. Act. XVIII. 28.* qui quæcunq; de Jesu Nazareno credi oportebat



14  
rebat, q̄ualia erant, eum esse Christum illum, promissum mundi  
Messiam, esse passurum pro peccatis generis h̄mani, resurrectu-  
rum, remissionem peccatorum daturum omnibus in se creden-  
tibus, ex Scripturā V. T. deduxerunt, & q̄uod creditu necessaria  
essent, probarunt, ubicunq; & q̄uandocunq; opus fuit. De Jesu  
Nazareno autem determinatē spectatō nihil erat in Scripturis V.  
T. revelatum formaliter & immediatē, sed q̄uacunq; de illō re-  
velata erant, tantum virtualiter, mediatē & per consequentiam  
revelata erant, ut Scripturarum V. T. inspectio ocularis docet.

§. 19. Hinc consequitur, revelationem virtualem & me-  
diatam esse articulos fidei rationem probandi, iisq; assentiendi  
veram & propriam, utpote nixam hinc autoritate ipsius veri, sa-  
pientissimi & omniscii Dei; illinc Apostolorum ex immediata  
assistētia atq; inspiratione Spiritus S. loquentium ac scribentium,  
ut aded planē impossibile fuerit illos in probandis fidei dogma-  
tibus errare, aut illorum rationem probandi & assentiendi veram  
& propriam constituere ipsō factō in aliquo, q̄uod non esset illo-  
rum ratio probandi & assentiendi vera & propria, uti loquitur  
*Dn. D. Musæus disp. VIII. de Convers.*

§. 20. Q̄uod Christus & Apostoli fecerunt, prisca etiam  
fecit Ecclesia, modō Christi divinitatem contra Arianos, negan-  
tes Christum dici debere *ὁμοούσιον* Patri; modō Spritus S. Divini-  
tatem, contra negantes eam Macedonianos; modō alium pal-  
marium fidei articulum, contra alios eum protervè negantes  
vel impugnantes adversarios probans ex Scripturis, in quibus ille  
articulus non expressē, immediatē & formaliter, sed virtualiter  
& mediatē tantum erat revelatus. Hoc dum fecit prisca Eccle-  
sia, satis ostendit, etiam Revelationem virtualem & mediatam  
sufficere ad dogma fidei probandū, & assensū fidei fundandū. vid.  
Dallæi de fide ex Script. demonstr. tract. part. I. c. 6. Spanhei-  
mij Syntagma secund. disp. XXVI. Dn. D. Musæi disp. VIII.  
de Convers. ubi Pontificiorum objectiones & exceptiones, qui-  
bus nos fatigant, egregiè refellit.

§. 21. Si jam ipsam spectemus Revelationem, sic licet col-  
ligere: Q̄ui principium aliquod ponit, is, q̄uacunq; inde per bo-  
nam



nam consequentiam fluunt, eadem quoque operam ponit. Ut, qui dicit, nos habere quatuor Evangelia, is hoc ipso duo & duo nos habere statuit, quod hi numeri eodem, quod ipse posuit, apertissime contineantur. Ut scriptura dum ait, Christum esse hominem, simul ait, cum animam & corpore esse præditum, quod his duabus partibus omnis hominum natura constet. Itaque cum necessario vera sint ac divina, quæ tanquam principia Deus opt. Max. pro sua sapientia in Scriptura posuit, necessario quoque talia erunt, quæ ex Scriptura valide ac legitime colliguntur & per consequens fundabunt articulos fidei.

§. 22. Huic veritati tum alii Pontificii, tum præprimis VValenburchii magno conatu sese obijciunt, ac primò quidem ad praxin Christi & Apostolorum, quam ipsis opponere solemus, excipiunt, *Christum & Apostolos probasse quidem articulos fidei discursu ex revelatione virtuali & mediato deducto sufficienter, & redarguisse eos, qui contrarium sentiebant, tanquam ERRANTES in FIDE non tamen vi Revelationis virtualis & mediate, aut vi discursus inde deducti, sed vi sue supernaturalis autoritatis, quæ pollebant.* vid. Append. part. II. Method. August. q. II. n. xxvii. Quin eodem usque procedunt, ut dicant argumentum à Christo ad probandam mortuorum resurrectionem allatum, non fuisse evidens, & hoc ipso spectatum contra autoritatem Christi, sem ut ipsi loquuntur, in dependenter ab autoritate Christi supernaturali ad probandum fidei articulum insufficientis. Addunt: *Anima quidem immortalitatem immediate ac evidenter à Christo probatam fuisse, non item, quod æquè erat controversum, & quod in illo consuetu in disputationem venerat, Carnis resurrectionem; huius respectu argumentum Christi non fuisse absolute ac ad rem evidens ac necessarium, multo minus ad articulum fidei probandum sufficiens.*

§. 23. Respondeo breviter: si argumentum Christi vim suam omnem habuisset ab autoritate proponentis super naturali, quomodo illa ipsa probatione vel illatione obstruxisset os hostium suorum, qui autoritatem ipsius nec agnoscebant, nec suscipiebant. Opus itaque erat verbis à Christo allegatis inesse vim, hoc ipsum, quod probare satagebat, probandi. Imò si Christo constitutum fuisset autoritative hæc agere cum Sadducæis, non ratio-



13  
ratiocinativè, suam illis auctoritatem opposuisset, non Scripturæ  
ad probationem dogmatis ab ipsis negati. Dicere verò argu-  
mentum illud non nisi forsan per remotam, eamq; itidem ob-  
scuram consequentiam concludere id, quod erat probandum,  
est omnis sapientiæ promocondo Christo ignorantiam impin-  
gere, vel *quod dicitur*. Utrumq; verò blasphemum. *Vid. Dn. Me-  
seum. l. c. Dn. Danbaurum contra Onirocritas Batavos deliq. xi.*

§. 24. Deinde ulterius nobis obstreperunt *omnes evasivas, di-  
citantes* (1) *Conclusiones ex Revelatione per consequentiam elicitas,*  
*in quantum ita per discursum sunt elicite, non esse de fide, nec posse in*  
*illis cadere assensum fidei divine, eò quod alterutra præmissarum ple-*  
*rumq; naturalis sit, vel si utraq; sit revelata, rationem tamen inferen-*  
*di, & præmissarum dispositionem in figura & modo naturalem esse. Sed*  
*ad assensum fidei divine requiri, ut ejus ratio assentiendi sit merè divi-*  
*na & supernaturalis. Præterea dicunt: si alterutra præmissarum sit*  
*tantum certa certitudinis naturali, conclusionem etiam tantum cer-*  
*tam esse certitudine naturali, eò quod conclusio sequatur partem debi-*  
*liorem juxta tritum philosophorum axioma. Addunt, non posse nos*  
*tantò acquiescere in Conclusionem per discursum ex Revelatione deducta,*  
*ideo, quod ratio sæpè fallatur, multaq; ex quibusdam principiis infe-*  
*rat ac deducat, quæ tamen ex iis minimè sequuntur. Quin imò nobis*  
*Lutheranis ne quidem integrum esse provocare ad consequentias, cum*  
*subinde dixerimus SOLAM scripturam esse unicum ac legitimum ar-*  
*ricularum fidei principium. Quod si solam scripturam h. l. habeamus,*  
*scriptura a. nihil præter terminos expressos contineat, utiq; nos indica-*  
*re, sola illa dogmata, quæ in scripturis extant à vobis & formaliter*  
*expressa, censerì debere de fide, non item illa, quæ demum ratiocinando*  
*inde sunt eruenda.*

§. 25. Resp. ad obj. primam, principium, quo illa niti-  
tur, nimirum; *Rationem assentiendi fidei divine esse merè divinam &*  
*supernaturalem, ut planè nihil naturale includat, esse falsissimum.*  
Nam fidei divine assentiendi ratio, quæ omnium consensu est  
Revelatio Divina, includit sui apprehensionem simplicem. Mo-  
vet enim intellectum in assensum veritatis per modum mediij  
cogniti, atq; sic includit necessariò sui apprehensionem sive cog-  
nitionem simplicem. De lege ordinaria a. omnis apprehensio



simplex, juxta ipsorummet adversariorum placita, naturalis est. Ergo ratio assentiendi fidei divinæ, non est ita secundum se totam divinam & supernaturalem, ut planè nihil naturale includat. Adde, quod Revelatio formalis & immediata, quæ est ratio assentiendi fidei divinæ propria, in quantum intellectum movet in credendorum assensum supernaturalem, includat in ipsa vi & ratione motiva aliquid naturale, uti egregiè probat vir nunquam sine laude nominandus Dn. D. Musæus disp. vi. de Convers. n. 56 & disp. ix c. l. n. 4.

§. 26. Resp. ad Object. secundam. Etsi alterutra præmissarum tantum certa sit certitudine naturali, tamen si ea præmissa sit absolute & simpliciter necessaria, ita, ut nullo modo, nulliusq; intuitu aliter se habere possit, tùm conclusio erit de fide, & assensus conclusionis certus certitudine fidei per ea, quæ tradit sæpe laudatus Dn. Musæus, quorum hæc est summa: illam præmissam, quæ ex naturali ratione desumpta est, cum sit indifferens ad plures diversarum disciplinarum conclusiones, non posse conclusioni largiri esse specificum, ut vel sit, vel dici propterea mereatur naturalis, sed totum esse specificum conclusionis deductæ ex altera naturali, altera verò revelata propositione dependere à propositione revelata, tanquam principio proprio. Vid. tract. de usu princip. Rat. l. 2. c. 13. & 14. disp. ix. de convers. c. 2. confer Dn. Danhaueri polemoph. S. p. 42.

§. 27. Nec obstat, quem ceu Gorgonis caput nobis obijciunt, Canon ille Logicus: Conclusio sequitur partem debiliorem (præmissarum) Nam hoc tantum vult Canon ille, si præmissarum altera universalis fuerit, altera particularis, altera affirmans, altera negans, conclusionem sequiorem partem secuturam, hoc est particularem, non universalem; negantem, non affirmantem futuram. Breviter: Canon iste de quantitate & qualitate conclusionis est intelligendus, non de materiæ ipsius indole, adeoq; non sequitur conclusio in omnibus præmissis, sed quod effectus non omnia, quæ causæ sunt, accipiat. vid. Dn. D. Heinrichi Höpfneri Isag. ad. S. Censuram Tr. Pract. sect. 1. art. 2. cap. 1. aph. 15. can. 2. §. 5. p. 175. & Dn. D. Danhaueri polem. art. 1. §. 15. Confer Dalzi tract. de fidei ex script. demonstr. c. xiii. ubi profert egregium



15  
um locum Ambrosii Catharini, qui hanc ipsam Logicorū regula-  
lam in adversarium suum Sotum, & idem cum eo sentientes so-  
phistas VValenburchios, admodum ingeniosè retorquet, innu-  
ens, quoniam ea, quæ de fide est propositio, si captus nostri ratio ha-  
beat, minus certa, minusq; evidens, adeoq; debilior sit, quàm quæ ex  
ipsa nature luce habetur, conclusionem argumenti ex hoc ipso Diale-  
cticorum Canone de fide censendam esse, siquidem earum, ex quibus in-  
fertur, propositionum altera de fide fuerit.

§. 28. Resp. ad obj. tertiam. Ex potentiâ fallibilitatis non  
semper inferendum esse actum, non sanè magis quàm ex fallibi-  
litate visus vel auditus nostri concludimus, nihil certi nos audi-  
re vel videre posse. Nec obstat, quòd actu ipso sæpè fallamur.  
Nam sæpè non est semper. Cum fallimur, contingit illud ex ne-  
glectu legitimorum mediorum, quæ accuratè observata, & rectè  
applicata nos in ratiocinando præstant infallibiles, si præser-  
tim accedat lumen supernaturale, quod non potest non affulgere  
homini pio, in rebus fidei luminum patri devotè supplicanti  
semperq; ad scripturas, velut ad Cynosuram quandam respici-  
enti, & ad earum ἀδιάφθορον Canonem omnia debitò modò  
exigenti ac probanti: vid. egregiò hoc simili illustrantem Dn.  
Danhauserum in polemosoph. S. p. 44. Ac ita quidem hîc ver-  
sandum, ut recipiamus, quod cum scriptura consentit, quod ab  
ea dissentit, rejiciendum. Ratione utendum ut instrumento ad  
deprehendendam veritatē connexionum, non ut mensurâ dog-  
matis, vid. hanc in rem, aureolus Dn. Musæi Libellus de usu  
princip. Rationis.

§. 29. An Obj. quartam resp. brevissimè, Lutheranos cum  
dicunt SOLAM scripturam esse unicum articulorum fidei prin-  
cipium, per vocabulum SOLA Mexcludere verbum traditum, de-  
cretum humanum, lumen naturale Enthusiasticum, minimè  
verò organicum consequentiarum & interpretationis subsidium.  
Hoc igitur volumus: Scripturam S. omnia nobis ad salutem  
consequendâ necessaria proponere ac revelare, ita ut extra illam,  
tanquàm necessarium dogma, & articulum fidei five superadde-  
re, five detrahre simpliciter prohibitum sit. Vide hoc prolixè  
& præclarè ostendentem Dn. Musæum in tract. de usu princip.  
Rat,



Rat. 1. 2. c. 13, Confer. disp. IX. de Convers. c. 3. & disput. 1. contra Masenium.

§. 30. Hæ sunt potissimæ adversariorum objectiones, quas in medium producendas, & proterendas eadem operâ cenfui, ut redderetur eò magis conspicua veritas hujus assertionis: Etiam Revelationem virtualem & mediatam posse fundare articulum fidei, sive quod eodem recidit, etiam illud dogma esse de fide, quod probatur bonâ & firmâ consequentia ex scripturis deducta. Quod ego quidem cum ob rationes suprâ allatas persvasissimum habeo, tum etiam hoc nomine credo, quoniam Spiritus S. conclusionem *διαβολικὰς* in Sacro codice comprehensam Scripturæ S. testimonium appellat Act. X. 43. & Sadducæi, ignorantes consequentiam è Scripturis, ignoratæ Scripturæ accusantur à Domino Matth. XXII. 29. sic Joh. VIII. dicitur: *In lege vestra scriptum est, quod duorum hominum testimonium verum est.* At in qua lege totidem verbis? Lex Deut. XVII. 6. sic habet: *In ore duorum aut trium testium peribit, qui interficietur.* & cap. XIX. *In ore duorum aut trium testium stat omne verum.* Nimirum consequentia hic militat: Omne fundamentum damnationis sufficienter stabilitum, verum est. At duorum hominum testimonium est ejusmodi fundamentum. Ergò verum est, Dn. D. Danhauer polemos. p. 37.

Θέσις II. Attributa seu affectiones articulorum fidei abstractivè & in genere consideratorum sunt (1) dependentia à scriptura & convenientia cum eadem (2) Sublimitas (3) inevidentia (4) mutua cohærentia & conformitas (5) respectus & ordo ad salutem.

Ἐκθεσις. §. 1. Præsuppono hic, quod suprâ etiam indicare volebam, scripturas, quas nos Lutherani vocamus Canonicas, esse verè tales, hoc est Verbum Dei indubitatum, ratione existentia cognoscendum ex traditione & testimonio Ecclesiæ, ratione essentia verò cognoscibile ex notis ejus intrinsicis, ipsius scil. Scripturæ, quam ab autore suo Spiritus inditam & perpetuò conexam habet *ἐνεργεία*, quâ animo legentis, audientis eam aut meditantis firmissimè persvadet, hoc esse ipsissimum Dei Verbum 1. Joh. v. 6. Præsuppono (2) in librorum Canonicorum prototypis



17  
 typis etiam nunc extantibus, neq; verba neq; res esse adultera-  
 tas, Præsuppono (3) nos posse assequi verum scripturæ sensum per  
 instrumenta bonæ interpretationis, institutæ devotâ investigatione  
 naturalis significatus, phraseon & vocabulorum, anteceden-  
 tium & sequentium in textu, occasionis item & scopi dicentis,  
 comparatione locorum similium, quod est scripturam interpre-  
 tari ex semet ipsa. Deinde, cum Divina Majestas in subortis  
 circa fidei negotiū controversiis Iudæos disertè ableget ad Scri-  
 pturā his verbis: *Ad legem & testimonium Esai. VIII. 20.* Hinc col-  
 ligo, illud dogma, quod credendum proponitur ut ad salutem  
 creditu necessarium, debere in Scriptura S vel formaliter & expre-  
 se, vel virtualiter & *ἐκ τῶν λόγων* extare, illiq; per omnia esse con-  
 forme. Quod si non quadrat ad legem & testimonium, hoc est  
 ad normam verbi scripti, non erit pro dogmate ad salutem cre-  
 ditu necessario, seu pro articulo fidei habendum. Ita ut sentiam  
 moveor Aphorismo Apostolico 1. Cor. IV. 6. *Discatis supra id,  
 quod scriptum est, non sapere.* Atq; hinc etiam factum arbitror, quod  
 Apostolus Scripturam S. alleget pro fundamento doctrinæ, redargu-  
 tionis, correctionis, institutionis in iustitia, ut perfectus sit homo Dei ad  
 omne opus bonum perfecte instructus II. Tim. III. 16.

§. 2. Sublime h. l. voco id, quod est sublimioris seu altio-  
 ris ordinis & indaginis, quàm ut possit perfectâ cognitione à no-  
 bis comprehendì. Hoc modo sese habent omnes fidei articuli,  
 quia tales, quia principium fidei non sunt sensus vel Ratio humana  
 sed unicè Divina Revelatio Psal. XXXV. 16. & ea, quæ sub fidem  
 eadunt, ignota sunt carni & sanguini Matth. XVI. 17. nec capi possunt  
 ab humana ratione 1. Cor. II. 11. 14. Sed quò diligentius ea secundum  
 regulas suas Ratio examinat, eò magis videntur abscondita & stulta. Rom.  
 VII. 5. 1. Cor. I. 17. 19. 20. c. II. 14. Ideoq; captivanda est Ratio sub ob-  
 sequium fidei 2. Cor. X. 5. nec cum Schlichtingio Sociniano (vid.  
 ejus disput. de Trinit. p. 125.) dicendum, contradictionem impli-  
 care cum aliquod dogma captum Rationis excedere dicitur, &  
 tamen pro articulo fidei habetur, vid. Stegmanni Photin. disp.  
 II. Nec difficile hinc est conjicere, quo loco habendi sint Calvini-  
 stæ, Ratione ejusq; principia materialia ceu normam sequentes.  
 vid. Dn. D. Danhaueri Hodom. Calv. p. l. phantas. I. Musxi de usu  
 princip. Rat. l. 1. c. 18.

C

§. 3.



§. 3. Inevidentia de quâ hîc loquor, non residet in Revelatione, quâ proponuntur credenda; sive in verbis ac modis loquendi, quib9 exprimuntur, nam ex hâc parte satis evidentes sunt articuli fidei, uti etiam scriptura eos proponens tam est lucida & perspicua, ut propterea comparatur lucernæ Psalm. 119. v. 105. Hinc etiam Augustinus dicit: *In iis, quæ aperte in scriptura posita sunt, inveniuntur illa omnia, quæ continent vitam moresq; vivendi, lib. 2. de doctrinâ Christi. c. 9.* Ex hâc igitur parte articuli fidei inevidentes non sunt, sunt autem inevidentes quoad res ipsas, sive quoad objecta, quæ cum sint à sensibus & Ratione nostra remotissima, evidenter à nobis cognosci nequeunt. Hinc fides versari dicitur circa & βλεπόμενα Ebr. XI. 1. Et cognitio nostra appellatur *enigmatica & specularis* 1. Cor. XIII. 12. Neq; obstat hæc inevidentia, quò minus objecta illa fidei certò credantur. Nam ad certum iis & indubitatum assensum præbendam intellect9 determinatur ex imperio voluntatis inductæ ex motivo, quod sua natura oppositi formidinem excludit, infallibili scil. Dei revelantis autoritate. Hâc nisi, mediante voluntatis imperiò, intellectus moveretur, nunquam certû objecto inevidenti præberet aut præbere posset assensum. vid. præclare hoc ipsum ostendentem Dn. D. Musæum disput. VI. de Conversion.

§. 4. De coherentia mutua jam tûm aliquid dictum est in Θεῶς præcedentis ἐκθέσει §. 5. ubi etiam indicatum, in relatione articulorum ad se invicem consistere illorum formam genericam. Ut igitur possint ad se invicem referri, necesse est, ut sint sibi invicem conformes, nec alter ab altero discrepet, aut alter alterum evertat. Atq; in hoc consistit fidei analogia, de quâ Apostolus agit Rom. XII. 6. *ubi interpretationem Scripture vult esse analogam fidei*, id est, ita comparatam, ne pugnet cum præcipuis & summis capitibus doctrinæ cœlestis, sed cum iis exactè consentiat. Hujus consensus iudex, iudice Crello Photiniano, non est, nec esse potest alius præter intellectum hominis sanum, quem etiam sanam Rationem vocamus; quod verum est, si spectatur recta Ratio, ut Subjectum ac principium QVO. Nam per aliud medium, sive per aliam facultatem homo nullum ferre potest iudicium de rebus, quàm per intellectum & Rationem. Sed  
fi



19  
si hoc vult Crellius, uti omnino velle videtur (vid. quæ sequuntur  
verba à nobis citata in epist. Crellii ad Joachimum Peuschelium)  
de locorum veritate intellectum nostrum judicare posse ex Ra-  
tione, id est, ex principiis Rationis & Philosophicis, & in omni  
disciplina pro sua natura verissimis, ita, ut, quibuscunq; postea  
rebus applicentur, veritatem indicent, neglecta verborum nativa  
ac propria significatione, ipsū cum suo iudice in malā rē abire ju-  
bem9. Ad id differt. Dn. Felvvingeri de Photinianorū Analogia fidei

§. 5. Quidcunq; dogma nullum habet ordinem & re-  
spectum ad salutem, eamq; promovet, illud non venit in censum  
articulorum fidei propriè sic dictorum, sive dogmatum creden-  
dorum, ut quæ ideò nobis proponuntur, ut credentes ea habea-  
mus vitam æternam Joh. XX. 31. Respectus autem & ordo iste  
non est ejusdem ordinis, adeòq; dogmata credenda non ejusdē  
sunt dignitatis. Quo propior est respectus, eò major est digni-  
tas & credendi necessitas, uti ex infra dicendis patebit. Hæ sunt  
affectiones potissimæ articulorum fidei genericè consideratorū,  
quæ affectiones si junctim sumantur, possunt reciprocari cum  
ipsis articulis, quorum affectiones dicuntur.

§. 6. III. Articuli alii puri sunt, alii mixti. Puri  
sunt qui ex sola Revelatione Dei cognoscuntur, & tan-  
tū creduntur. Tales sunt Articulus de Trinitate, In-  
carnatione, justificatione per fidem &c.

§. 7. Hæc distinctio est tantū æquivoca in æquivo-  
cata, proveniens ex diversa habitudine articulorum fidei ad prin-  
cipium cognoscendi, Revelat. nimirū. Quidam enim illam ita  
respiciunt, ut cognosci absq; illa prorsus nequeant, quidam extra  
Revelationē possunt cognosci, non tamen salutariter, adeòq; non  
sunt, ut priores illi, puræ Revelationis, sed ab alio simul in cogno-  
scendo dependent principio. Ut igitur ex dictis constet, puri sic di-  
cuntur, quoniam puræ sunt Revelationis sive quoniam sola Revelatio  
est unicū illos cognoscendi principium. Extra Revelationē neq;  
constat, neq; constare cuiquam possunt obscurā eorū inevidentiā  
& sublimitatē. Nam proponunt res à Rationis cognitione remo-  
tissimas, imò planè tales, quas sibi relicta Ratio tum absurdas, tum  
impossibiles judicat. Vocantur aliàs isti articuli quoad actum

sub-



substantiæ seu secundum Entitatem suam supernaturales. vid. Dn. D. Musæi de usu princip. Rat. l. II. c. X.

de vita &

Scriptis Pythagoræ c. 1.

§. 2. Hic non est, quod quis objiciat in Platonis scriptis adumbrata quædam sanctissimi Mysterij Trinitatis extare vestigia, Platonicos verò seqviorum temporum Philosophos Gentiles ex Magistri sui sententia agnoscere, & disertè in Deo tres profiteri Hypostasies. Frustra, inquam, hæc nobis objiciuntur. Nam Platonici seqviorum temporum philosophi, si quid ad fidē Christianam accedens hac de re tradiderunt, id non tam ex Magistri sui scriptis, quàm ex Christianorum libris, quos ab ipsis lectos fuisse, multa sunt indicio, hauserunt, suumq; deinceps fecerunt. Vide inter alios hac de re elegantur, disferentem Lucam Holsteniū, qui hoc vocat βαρβαρικὴς φιλοσοφίας κλοπήν, cujus κλοπῆς Philosophos gentiles convincit in multis. Ipsum Platonem quod attinet, non dubito dicere, ipsius placita tantum ab orthodoxa fide distare, quantum Cæli arx à terræ gremio. Fac autem ab ipso tradita cum Christiannorum doctrina concinere, num propterea censendus est Plato ea vel ex lumine naturæ hausisse, vel à veri Dei notitia destitutis Magistris accepisse? Nonne vero est similis, eum hoc dogma, si ejus aliquam habuit notitiam, ut alia, ab Hebræis, quorum familiaritate & institutione usus fuisse dicitur, accepisse? vide ex antiquitate hac de re prolixius disferentē Schottanum in Heptæmero. Confer Joh. Adami Osiandri Exerc. I. de Trinitate ubi tum alios hic cespitantes refellit, tum etiam Mornæum, contententem priscos Philosophos Trinitatem docuisse & confesos esse. Mornæo jungit Hugonem Grotium, quasi idem cum ipso senserit scripserit ve, cum tamen Grotius se hoc in negotio à Mornæo alienissimum disertis verbis profiteatur in epistola quadam ad Gerhardum Vossium, quæ extat inter Arminianas p. 749. Quare minus rectè notatum ab ipso Grotium arbitror; rectissimè autem Dionysius Petavius, Osiandro citatus, docet, dogmatis illis Platoniciis egregiè præludi Arianis, inæqualitatem Deorum introduci, Marcionitica deliria stabiliri. Keckermanni ex Ratione mysterium Trinitatis demonstrare satagentis, rationes examinavit Dn. D. Musæus peculiari disp. quæ est annexa tractat. de usu princip. Rat.

Θέσις.



§ IV. Mixti sunt, qui partim ex Revelatione Divina, partim ex lumine naturæ innotescunt, creduntur tamen solum, quatenus traduntur in SS. Literis. Tales sunt articulus de Dei existentia, Iustitia, sapientia &c.

Enchir. §. 1. Hujus generis articuli differunt, ut supra innui, à prioribus quoad principium cognoscendi, & hujus respectu mixti dicuntur, ab aliis verò supernaturales ratione modi seu secundum modum. Illic principium cognoscendi est sola Revelatio Divina, sive lumen Gratiæ, hic & lumen Gratiæ & Naturæ v. g. esse Deum, unum summum, quo non sit alius prior, esse potentem hujus universi conditorem & gubernatorem, boni remuneratorem & mali vindicem, non tantum constat ex Revelatione Divina, verum etiam ex libro Naturæ & Conscientiæ humano ingenio potest elici, id quod luculenter evincit illustris locus Apostoli Rom. 1. 19. *Cognitio Dei manifestata est ipsis. Deus n. manifestavit illis. Quæ enim invisibilia sunt, ut æternitas, potentia, divinitas &c. Cognoscuntur ex operibus.* Vide præ alijs Ioh. Adam Qsian-dri Deum in lumine Naturæ representatum.

§. 2. Sed uti hæc humanâ saltem fide creduntur, ita per hanc fidem & notitiam solam nemo ad gratiam & gloriam pervenit, cum res naturalis, quæ talis, nequeat nos perducere ad bonum supernaturale. Alia igitur, ut præclare monet B. Hülsemannus, ratione principij & formæ est fides Christianorum, quæ credunt esse Deum, eundemq. Creatorem cæli & terræ, Brev. Theol. c. II. §. 3. & in suppl. §. 3 dicit: *Unitas Essentiæ Divinæ, quam credunt & colunt Christiani, non est illa transcendentalis & eminens unitas Entis supremi per naturalem hominis corrupti discursum investigabilis: hæc enim non potest generare fidem divinam & Salvificam; sed est planè singularis, & ex Sola Revelatione divina cognoscibilis* Ioh. 1. v. 18. *Solus Filius, qui est in sinu Patris, revelavit nobis quis & qualis sit Deus. Deum enim nemo vidit unquam.* Atq; hoc est, quod supra dixi, hujus generis Articulos solum CREDI, FIDE scilicet divina & salvifica, QUATENUS traduntur in sacris literis. Insignem igitur nobis faciunt injuriam, qui ob hanc distinctionem nobis non verentur impingere Pelagianismum, quasi statuamus, naturalibus viribus in spiritualibus aliquid salutariter cognosci. Nam ab hac



opinionē longē nostros abesse Theologos, hāc distinctione utentes, satis arguunt quā ex ipsorum mente hic consignavi. Vid. Dn: D. Calovij Tom I. System. Theol. c. 5. sect. 2. q. xi.

§. 3. Haud dubiè verò insigniter errant, qui duas fidei salvificæ species statuunt, alteram in Dei Creatoris, quatenus ex lumine naturæ cognosci potest, misericordiam, destitutam cognitione Redemptoris Christi; alteram in misericordiam Dei manifestatam in Christo. Nec quicquam præsidii reperiunt in vers. 6. c. XI. epist. ad Hebræos, ubi Apostolus scribit, *Et, qui ad Deum volet accedere, ante omnia esse credendum, non tantum, (quod Ethnici saniores sciebant,) Deum esse, sed summum hominis bonum esse, adeoque, quærendum, & quærentibus porro remuneratorem fore, si non in hoc, certè in futuro seculo.* Hic, inquam, locus, qui ferè ipsorum est Achilles, nihil ipsos juvat. Nam quæ Apostolus scire vult accessurum ad Deum, sciri non possunt ad salutem, nisi hāc fide, quæ est Christi. Hæc enim sola præbet testimonium in corde fidelium certæ atq; immotæ unicuiq; veritatis, atq; adeo *ὑποσταν* non tam dat rebus speratis, & invisibilibus præmiis, quàm ipsa est eorum, quæ expectamus *ὑποσταν* & fundamentum. Sed testimonium illud extra Christum non datur, nec inde à condito orbe ulli datū extra Christum fuit Act. IV. 12. c. XV. 11. Imò ipsa mundi architectura efficaciter sciri crediq; non potest, nisi fide Christi, quæ intelligit sola bonitatem virtutemq; tanti factoris. vid. Josuæ Arndii tractatum de una fide sect. IV. §. 9. p. 64. Et ad Samuelem Maresium, qui accuratè & solidè refellit Sociniano-Remonstrantem Curcellatum, duplicem statuentem fidem, alteram in Deum Creatorem, extra Christum, alteram in Christum mediatorem. Idem Maresius testatur Mosē, Amyraldum (quem huic errori etiam fuisse affinem satis arguunt quæ in medium affert Dominus Hülsemannus de indebita & universal, conversi. gratia disp. II. c. 1. §. 4. Conferatur Riveti Synopsis de Natura & GRAT. c. VI.) opinionem istam missam fecisse ac revocasse, accedente Synodorum Nationalium Galliæ, nominatim Synodi Alenconiensis postea primum Carentone, deinde longe accuratius Julioduni confirmato decreto. in refutat. dissertat. tertiæ Curcell, Sect. 1. §. 2.

Θίος



Θεός V. Articulorum fidei alii sunt Fundamentales alii non fundamentales. Fundamentales sunt partes primariæ doctrinæ cœlestis in Scriptura S. perspicuè propositæ. & creditu ita necessariæ, ut illis ignoratis vel negatis salus æterna obtineri nequeat.

Εἰς Θεός 9. 1. Fundamentales sic dicuntur à fundamento quæ vox artis architectonicæ propria non incommode transfertur ad res fidei, scripturâ ipsâ nobis præeunte, & Ecclesiam comparante domui 1. Tim. III. 16. civitati Ephes. II. 20. Heb. XIII. 22. templo 1. Cor. XIII. 16. 2. Thess. II. 4. Certè ut civitas, templum, domus absq; fundamento non consistunt, similiter neq; Ecclesiæ cujus fundamenta describuntur, & ipsa perhibetur fundata Psal. LXXVII. 11. *super petram* Es. XXVIII. 16. Matth. VII. 25. Act. IV. 11. 1. Petr. II. 7. & lapidem angularem Ephes. II. 20, suo fundamento carere non potest.

9. 2. Est autem verum fundamentum Ecclesiæ Christus Jesus Θεῶν υἱός, Mediator Dei & hominum unicus, Ephes. II. 20. 1. Cor. III. 10. 11. considerandus hoc in negotio non solum juxta Theologiam, id est, ratione essentiæ & personæ suæ in se una cum reliquis personis Divinis Patre & Spiritu S. quod fundamentum fidei quidam vocare solent Hypostaticum seu personale, sed etiam spectandus juxta *ὁικονομίαν* suam, id est, quoad officium & beneficia, quæ ille nobis in salutem nostram acquisivit & comparavit, de quibus quia docemur ad vitæ æternæ consecutionem, inde dogmata de illis Christi beneficiis, vocari solent ab aliis fundamentum fidei dogmaticum, quod fundamentum speciatim hæc constituunt & absolunt dogmata: Messias est una persona Θεῶν υἱός ex misericordissimo patris affectu singulis hominibus lapsis donatus, inter illos & justiciam divinam offensam per suimet ad obedientiam activam æquè ac passivam cruentam victimationem, Mediator, à quo Redemptio, meritum salutis, remissio peccatorum, justitia imputata, resurrectio in novissimo die fide pœnitentis amplectenda, deniq; vitæ æternæ hæreditas. Hæc est omnium seculorum, omnium fidelium fides, inquit Dn. Danhauer in Sigal. p. 202. Quia verò isthæc beneficia ad salutem æternam nobis offeruntur,



runtur, exhibentur, & verâ fide applicanda conferuntur per cer-  
 ta organa seu instrumenta, scil. per verbû Dei in Scriptura nobis  
 exaratum, per Baptismum itidem & S. Eucharistiam. Inde Chri-  
 stus etiâ ut fundamentû salutis æternæ in organis illis divinitus or-  
 dinatis est considerandus. Quæ proinde ab aliis vocantur fun-  
 damentum organicum seu Instrumentale. Breviter, verba sunt  
 Dn. D. Haberkornii, à quo multa hæc in materia mutuò sum-  
 ptim⁹, Christus est fundamentû salutis: *σωστικῶς, οἰκονομικῶς καὶ*  
*ὀργανικῶς* spectatus. Ut ita unum idemq; sit: Christus taliter  
 consideratus est fundamentum salutis; Et articuli seu dogmata ta-  
 liter Christum nobis proponentia, sunt Articuli fundamentales,  
 seu dogmata salutifera, & sic ad salutem necessaria. Nec enim  
 Christus fundamentum salutis est *ἀπλῶς κατ' ἑσῶ* tantum sum-  
 ptus, absolutè & simpliciter, qualis in se est, sed etiam *χεῖκῶς* &  
*κατ' ἕξω*, qualis nobis in officio suo *σωτικῶ* per verbum & Sacra-  
 menta Relativè proponitur, & docetur ad consequendam salu-  
 tem æternam. Constat hoc ipsum ex eo, quod Christus voce-  
 tur fundamentum Ecclesiæ, in quantum est fundamentum Apo-  
 stolorum & Prophetarum, seu prudentium Architectorum, qui  
 & voce & scriptis de eo primum testati fuerunt 1. Cor. III. 10.  
 Ephes. II. 19. idq; in oppositione ad architectos illos, Phariseos  
 scil. & Scribas, qui hoc fundamentum rejecerunt Psalm. CXVIII.  
 22. Jam verò fundamentum Prophetarum & Apostolorum alio  
 respectu non dicitur, nisi quia illi publico suo præcōio & testimo-  
 nio *θεοπνεύτω καὶ ἀνυποβλήτω* hoc fundamentum, Christum  
 scil. cum omnib⁹ suis beneficiis docuerunt & orbi proposuerunt.  
 §. 3. Ut hætenus dicta in unam summam contraham, dico  
 à fundamento Christo appellari articulos fundamentales omnes  
 ac singulas doctrinas, quæ ad hoc in specie sūt necessaria, ut homo  
 illorū cognitione receptione & fiduciali apprehensione Christo  
 Iesu salvatori suo verè adhæreat atq; ex eo beneficiorū illius & *κο-*  
*δοσίας* particeps reddatur Ioh. xv. v. 3. 4. Neq; hic est cogitandum,  
 per fundamentum ab Apostolis intelligi solum dogma unum &  
 alterum generale de Christo; sed certò statuendum per fundamē-  
 tum Ecclesiæ suppositū intelligi omnia dogmata de Christo ad sa-  
 lutem æternam hominem deducentia. Alia enim de causa Chri-  
 stus



25  
tus fundamentum non est, nec appellatur, nisi quia ipse unice est  
fundamentum, cui salus nostra innititur tam ratione acquisitio-  
nis, quam etiam oblationis, quin & ratione applicationis seu a-  
ctualis collationis Act. IV. 12. Ratio itaque formalis seu definiti-  
va articuli fundamentalis est necessario ad fundamentum Chri-  
stum pertinere, ita ut hoc sine illo inconcussum retineri, & homo  
salutem æternam consequi nequeat. Ac uti per hoc in esse suo  
specifico ac formali constituuntur Articuli fundamentales, ita ab  
alijs revelatis quidem, sed non fundamentalibus doctrinis dis-  
cernuntur. Certum est enim non omnia in Scriptura S. revelata,  
esse æquè scitu necessaria & fundamentalia, sed quædam creden-  
da sunt, non quia ad salutem necessaria, sed quia à Spiritu S. re-  
velata sunt, quæ tamen protervè negare aut impugnare saluti  
æternæ noxium, at eadem credere, ad illam non necessarium est.  
Quædam autem idèò revelata sunt, quia sunt scitu necessaria, &  
fine eorum cognitione salus obtineri nequit, ita, ut illa non cre-  
dere duplici de causa damnationem afferat (α) quia sunt causa &  
media necessaria ad salutem (β) quia impugnatio eorum est exi-  
tialis, ut loquitur Dn. D. Haberkornius disp. vi. Anti-Valer.  
q. 2. Quod ceu cordatè dictum laudat Calvinista Curtius in de  
artic. fund. sect. 3. §. 2.

§. 4. Hanc Credendorum differentiam & ipsi expressimus  
in definit. Articuli fundamentalis dicentes: Esse partes primari-  
as: His verbis innuere volo non omnia credenda esse ejusdem  
ordinis ac dignitatis, sed quædam primò ac per se, quædam con-  
sequenter ac propter aliud esse credenda. Imprimis verò hic  
notandum, eos articulos qui fundamentum fidei dogmaticum  
constituunt, discrepare ab alijs quoad necessitatem credendi in-  
æqualem. Hinc à nonnullis vocantur κατ' ἐξοχήν fundamentales  
eò quod illos quemlibet salutis cupidum absolute & simpliciter  
scire oporteat, cum eorum ignorantia simpliciter damnet, quæ  
de re inferius plura. Cum dixi partes illas primarias in Scripturis  
clare propositas non hoc volo, quasi Scriptura S. in singulis locis,  
quibus necessarij fidei articuli proponuntur, seorsim sumptis, sit  
tam clara, ut quilibet, quomodocumque se habens per seipsum pos-  
sit statim certissimè verum sensum vel superficiariâ inspectione

D

colli-



colligere, quam opinionem nobis affingunt Pontificij: sed mea mens est, singulos articulos fidei necessarios ad salutem, sive quod idem est, singulos articulos fundamentales præprimis verò κατ' ἐξοχήν sic dictos, hoc est, omnibus omni tempore necessarios, à quovis, qui ordinem divinum observat, non ex singulis locis, sed ex tota Scriptura, ad invicem debito modò collata certissimè cognoscias colligi posse. Hoc in quā volo, persvasus ideò Scripturam S. diei lucernam pedibus nostris ψ. 119. 105. & lucernam lucentem in loco caliginoso in Pet. I. 19. Cum addidi, doctrinas esse creditu ita necessarias, ut illis ignoratis vel negatis fundamentum saluum retineri, adeoque salus æterna obtineri nequeat, exprimere volui (1) rationem artic. fundam. formalem de qua supra §. 3. (2) Finem qui est salus æterna Ioh. xx. 31. (3) affectionem propriam, quæ uti à ratione-formali emanat, ita cum ea ferè coincidit, estque nihil aliud, quàm necessitas & proportio ad fidem, quatenus salvifica ea est, & dependentem inde salutem, uti loquitur B. König in Theol. posit. p. I. c. 3. §. 145. Cum dixi disjunctivè ignoratis vel negatis, subinui etiam inter credenda fundamentalia dari discrimen aliquod, aliaque ad salutem esse simpliciter scitu & creditu necessaria, alia posse ignorari, sed nullò modò negari.

§. 5. Hinc liquet, quid ad articulum fundamentalem constituendum, & ab aliis non fundamentalibus discernendum requiratur. B. Dnq. Meisnerus in consideratione Theolog. Photinianæ p. 287 & alij Theologi orthodoxi paulò alia requisita articulorum fundamentalium allegant, quæ in eo tantum à nostris discrepant, quod alijs verbis, & diductius sint proposita. Adde, quod illi etiam ad praxim respiciant, quod licet ipse non fecerim, tamen valde probo, cū Theologia nostra sit practica. Aliàs, quoad ipsam rei substantiam inter illos & nos nullus est dissensus.

§. 6. Marcus Antonius de Dominis, nobilis vertumnus, ad fundamentales articulos ingenere requirit, ut vel in Scripturis per se sint clarissimi, vel ab Apostolis fuerint declarati, ita, ut declarationes istæ fuerint Ecclesiæ primitivæ traditæ & consignatæ. Quæ ergò dogmata neutrum habent κατ' ἐξοχήν, hoc est, quæ nec per se in Scripturis clarissima, nec ab Apostolis talem in modum declarata



27  
declarata sunt, ea in fundamentalibus fidei non habet. Verum, quàm lubricus sit in hoc negotio præclare ostendit vir Eximius Dn. D. Musæus disp. 2. de Ecclesia §. 126. ubi quoad prius requisitum Marcum deducit ad absurdum, quod meâ quidem sententiâ inde fit, quoniam per dogma clarissimum intelligit dogma non disputabile. Vide hîc Dn. Danhauerum syncretismi detecti sect. 2. §. 20. Quoad alterum *κατὰ θεόν*, ubi Marcus tanquam certum præsupponit, Scripturam S. esse in aliquibus creditu ad salutem necessariis obscuram, ut de ejus certo & indubitato sensu aliunde constare non possit, quàm ex delaratione Apostolica, notat primò hominis inconstantiam, qui alibi dixerit ex necessariis ad salutem fidei dogmatibus nullum esse, quod in scripturis, quæ habemus, etiâ clarè & dilucidè non contineatur; deinde ejus opinionem prolixè examinat & solidè refutat à §. 152. usq; ad 157

§. 7. Gisbertus Vöetius, celebris ille Professor Theologus Ultrajecti, T. II. disput. sel. de artic. fund. p. 532. methodum, quæ investigari debeant theses fundamentales seu necessariae, necessitate scil. mediæ, sive ad communionem Ecclesiasticam, sive ad salutarem praxin fidei aut respicientiæ, & consequenter ad salutem obtinendam hanc præscribit: *Primo omnes tituli & substituli per totam Catechesin & locos communes colligantur, e. g. de Deo, de attributis & operibus ejus, de Trinitate, de hominis lapsu, corruptione &c. Secundo singulorum attributa seu prædicata in Scriptura conquirantur: ut videatur annon illis attributis cum subjectis suis in enunciationes seu theses conjunctis modus quis in scripturis addatur sive κατὰ τὸ πᾶν, sive κατὰ διαφοράν, sive κατὰ ἄρτιον, sive κατὰ θεόν; unde certò constare possit, talem assertionem esse necessariam. Sunt autem modi illi, qui se habent instar prædicatorum in ordine ad dictum, h. e. ad fidei aut contradictorium ejus, duò genus; alii enim directè prædicantur de ipso articulo; alii verò directè de articuli illius opposito errore, & sic indirectè ac per consequentiâ. Prioris exemplum est Joh. XVII. 3. Hec est vita æterna &c. 1. Tim. III. 16. Mystrium magnum pietatis, &c. 1. Joh. IV. 2. Omnis Spiritus qui constitetur Christum venisse in carnem ex Deo est. Posterioris exemplum est 1. Joh. II. 22. ubi mendax esse dicitur & Anti-Christus qui negat Jesum esse Christum, & qui negat Patrè ac Filium, vid. l. c. plura non inutiliter circâ præsens negotiũ observata,*



§ 8. Antequam hinc abeam notandi mihi adhuc sunt quidam *dehædoxiæ* prævaricatores, asserentes, hunc tantum esse articulum fundamentalem, qui ad salutem cognitu simpliciter est necessarius, siue quem nemo salvandorum potest ignorare. Sic cum plerisque Calvinistis *συγκριτες* definiunt, quam definitionem vitiosam esse cum luculenter probet B. Hülsemannus in. Calv. irreconciliabili, p. 137 non pigra bor illius verba, quævis pluscula adscribere quod liber, in quo continentur, non sit ubi vis obviis. Sic a. ille primò inquit, *latius patet fundamentum fidei, quam capacitas intellectus in quovis salvando rustico aut rudi ancilla.* Ratio hæc est: quia plebejorum fidelium intellectus apprehendit plerumq; sola principia, nec ascendit cogitatione ad considerandam qualitatem principiorum, donec tentatio vel dubitatio urgeat. Quomodo mechanicos & menses agrorum videmus uti instrumentis Mathematicorum, applicare etiam conclusiones ac porismata artis, cum principia tamen nesciant; ita vix centesimus inter Christianos ascendit ad documenta *θεσπυσιας* Sacrorum Bibliorum indoganda & potest ignorare illa argumenta, ex quibus constat: Hunc librum esse verbum Dei, donec mota fuerit dubitatio de *θεσπυσια* dogmatum hoc libro contentorum. Secundò. Fundamentum fidei constat ex intrinseca & naturali cohesione ac dependentia dogmatum ab invicem, iuxta naturam Systematis, abstractis concipiendi modis, qui variant in subiectis credentibus, siue hæc intelligant connexionis modum, siue non intelligant. Ideò appellatur fundamentum Prophetarum & Apostolarum, hærens in imò angulari lapide Christo. Non fundamentum, quod sibi quisq; fingit. Atq; inde fit, ut evertant fidei fundamentum etiam illi, qui non solum nesciunt se evertere, sed penitus (etsi falsò) persuasi sunt, quod non evertant. Veluti perspicuum est in Galatis, circumcisionem correquirentibus ad baptismum & professionem Christiane fidei. Quibus utiq; tantà asseveratione non juraturum erat Apostolus, quod hac ratione gratiam Christi perdant & annullent, si jam ante cognovissent, hoc incommodum ex necessaria circumcisionis requisitione sequi Gal. V. 3. Hæc l. c. Hülsemannus, cujus verbis rem tanti momenti proponere malui quàm meis, quod credam exuvias mortui leonis bestiis agri, vulpibusq; Samsonicis futuras terribiliores, quàm vocem Galli canentis. vid. omnino l. c.

§. 9. Hactenus de articulis fidei in actu signato, ut loquuntur;



29  
tur; sequetur jam actus exercitus in forma Symboli, in quo adornando, ne à scopo abludam, ad fundamentum salutis nostræ Jesum Christum, veluti ad lucidam pharon, perpetuò respiciam, & ad illum omnia referam, ita, ut ea tantum pro dogmatis fundamentalibus habeam, quæ cum angulari hoc lapide tam arctè connexa deprehendero, ut iis ignoratis vel negatis, nequeamus, ut decet, fundamento superstrui per fidem ad vitam æternam. Nam quæ dogmata ita sese habent, non possunt non esse fundamentalia. Hinc patescit, quo sensu nonnulli solum articulum de Christo dicant fundamentalem, nempe consideratum, non præcisè, quatenus continet unum aut alterum dogma generale de Christo; sed quatenus est basis, sustinens totam fidei structuram seu dogmatum fundamentalium compagem; quatenus est oceanus, in quem omnia dogmata salvifica confluunt, uti singula ex eo emanant. Quamvis igitur in Scriptura unius solum fundamenti Christi fiat mentio, id tamen non obstat, quo minus plura sint fundamentalia fidei nostræ dogmata. Nam hoc non exclusivè & solitariè est intelligendum, verum unà cum omnibus annexis ad salutem nostram pertinentibus, & sine quibus homo salvari nequit. Et hoc sensu accipiendus est notus ille versiculus: si Christum bene scis, satis est &c vid. Dn. Haberkorn. de Syncrēt. p. 378. Jam meum accipe Symbolum.

Ego A originariò vitio penitus corruptus, adeoq; extremè miser B cognitâ corruptione & miseria mea ex verbo Θεομιέτω, infallibili atq; omnimodè perfectò, præcipuè verò C ex verbo legis, habens ob oculos D animæ immortalitatem E resurrectionem Carnis, F extremum judiciũ, G Vitã & H mortẽ eternã, I credo, non ex K propriis rationis meæ viribus, sed ex L gratia divina dono in M Jesum Christum Θεοῦ υἱόν, hoc est Salvatorem, hinc N verum & unum ratione essentia D Eum cum Patre, O ejus filius unigenitus est, & P Spiritu S. Q creatorem cæli & terræ R omnipotentem, S omniscium, T omnipresentem, V Sanctum, X Iustum, Y Veracem, Z Æternum AA misericordem voluntate antecedente erga omnes, sed BB voluntate consequente finaliter in se credituros ad hereditatem cælestem prædestinantem, illinc CC verum hominem, DD conceptum sine virili opera à Spiritu S. EE natum ex Maria virgine, FF nobis excepto

D 3

peccata.



peccato penitus factum similem, GG Salvatorem unum, HH adeoq;  
etiam secundum humanam naturam omnipotentem, II omnipoten-  
tem, KK omniscium, LL Iudicem omnium, MM verè & propriè ado-  
randum, NN Salvatorem universalem, ratione intentionis, meriti  
& acquisitionis, OO per obedientiam legis impletricem & iustitiæ  
divinæ consentaneam proprii sanguinis effusam  $\lambda\iota\tau\pi\omega\sigma\iota\nu$ , adeoq; Sacer-  
dotem; PP Salutis acquisitæ præconem universalem, adeoq; Prophetam.  
QQ Salutis prædicatæ collatorem, adeoq; Regem, RR Dominum no-  
strum speciatim jure Redemptionis, SS verè passum, TT crucifixum,  
VV mortuum verè, XX morte pro omnibus omnium hominum pecca-  
tis perfectè expiatoria, YY Sepulchrum, ZZ descensum reali ac trium-  
phatoriò ingressum inferna, (a) tertia die restitutum vitæ propria vir-  
tute, (b) Sublatum visibiliter & motu verè locali ad cælos, (c) Seden-  
tem ad dextram Majestatis & virtutis divinæ, (d) venturum olim ju-  
dicare vivos & mortuos, (e) intercedentem interim apud Patrem, & (f)  
mittentem cum patre Spiritum S. personam ab utroq; distinctam & ab  
utroq; procedentem, ut (g) redemptos vocet (h) vocatos convertat per  
pœnitentiam (i) & regeneret per Baptismum, (k) & iustificet cum Patre  
& Filio per fidem, (l) iustificatos renovet ad bona opera, (m) confir-  
met & conservet per Sacram Cœnam, & hoc modo (n) interventu mi-  
nisterii Ecclesiastici colligat Ecclesiam (o) Unam, Sanctam, Catholi-  
cam, (p) quam qui matrem habet in his terris, Deum patrem habebit  
in cælis.

§. 10. Hôc Symbolo contineri arbitror omnes articu-  
los fundamentales, quorum nonnullos si aliqui Theologorum,  
orthodoxorû è chorea articulorum fidei exemerunt, articuli vo-  
cem de parte fidei principali, ipsoq; fundamento accepisse vi-  
dentur, dicam cum Dn. Danhauero styl. vind. process. Spir. S. p.  
279. Id quod probè observandum propter clarescentes adversari-  
orum, criminantium, maximum inter Lutheranos circa articulos  
fidei esse dissensum, hoc plures, illò pauciores res recensente; esse  
nos maximè incertos de articulis fundamentalibus, quod sane  
est falsissimum. Nam si spectemus rem ipsam, inter se amicè con-  
veniunt conspirantq; Theologi  $\gamma\eta\eta\sigma\iota\sigma\iota\varsigma$  Lutherani, expertes stu-  
diorum ac passionum Syncretisticarum, habentes id pro funda-  
mentali dogmate, quo ignorato vel negato fundamentum con-  
cutitur



31  
cutur ac destruitur, adeoq; salus aeterna obtineri nequit. Si vero spectes modum rem considerandi ac tractandi, aliquid occurrat discrepantiæ, hoc articulos fundamentales magis explicitè ac diductè, illo eosdem concisius, omisiss minus principalibus, recensente. Nectamen is, qui pauciores enumerat, propterea præfractè negat dari præter hos plures articulos fundamentales. Dissensus igitur, quem adversarii, ex musca elephantem facientes, clamant capitalem ac maximum, admodum est exiguus. Repetatur hic quod dixi §. 9. de articulo de Christo, quem articulum solum nonnulli faciunt fundamentalem.

§. 11. Dixi autem §. præced. notanter Theologos *γυναικας* Lutheranos hoc in negotio amicè inter se conspirare. Nam nonnulli novaturientes pseudo-Lutherani Theologi, veluti novi anatomici articulos Christianæ Religionis deartuant, à credendorum salutem corpore refecant, negantq; sententias inter nos & adversarios controversas esse articulos fidei, ut tres magnas Religiones nostram, Papisticam & Calvinisticam componant ac in unam cōsarcinent. Hoc scilicet est cornicum oculos configere, hoc terminos, à pijs majoribus prudentissimè constitutos, temerè movere, hoc in sectas, sectarumq; sectiunculas discerpere Religionē Lutheranam, eamq; deridendam propinare adversarijs ut sibi parum constantem exiguoque intervallo à falsitate distantē. Vid. Dn. Danhauerum in Sigalione p. 182. seqq. in dedicat. styli vindicis, ac in ipso tractatu p. 278.

§. 12. Sed si quidem suas sibi res habeant; revertor ad cōmunes adversarios, Papistas, postulantes ut edamus Catalogum articulorum necessariorum, quod postulatū subinde repetunt, ac præprimis urgent V Valenburchij vid. Somnia Danhaueri §. I. n. 4. Verum quoties dederunt nostrates, cum totam Catechesin dederunt, ipsorum adversariorum iudicio complectentem articulos necessarios? de qua Formulæ Concordiæ iudicium in proœmio sic habet: p. 571. Confer p. 634. *Quia hæc Religionis causa etiam ad Laicos, quos vocant, spectat eorumq; perpetua salus agitur; profiteamur publicè, nos etiam amplecti minorem & maiorem D. Lutheri Catechismos, ut in tomis Lutheri sunt inserti, quod eos quasi Laicorum Biblia esse censeamus, in quibus omnia illa breviter comprehenduntur*



duntur, quæ in S. Scriptura fusius tractantur, & quorum cognitio homini Christiano ad salutem eternam est necessaria. Vid. omnino Dn. D. Haberkornij, cuius magna laus est in Evangelio, disp. VI Anti-Valeri. in qua methodo simplici ac plana ex Catechismo nostro articulorum fundamentalium systema seu compagem delineavit, quam delineationem VValenburchij nullius falsitatis accusare, nedum convincere audent, contenti in scripto quodam contra Haberkornium excepisse: *Se nescire eam esse Ecclesie Lutherane sententiam*, Sed Dn9 Haberkornius, disp. 3 Anti-VValenburch. §. 50, etiam hanc rimam & hoc modum ipsis adversarijs os obstruxit. Cum Haberkornio ex asse consentit Dn. Danhauerus contra onirocrit. Batav. p. 116. Dn. Musæus paulo aliter respondet disp. IX. de convers. c. IV. § 77. seqq.

§. 13. His ita præmissis ostendam singula, quæ symbolum meum continet dogmata, esse in scripturis revelata. Etsi autem revelatum esse in Scriptura non sit speciale & proprium articulorum fundamentalium, sed commune omnibus in ea contentis historijs, vaticinijs, alijsq; dogmatibus, non potest tamen aliquis articulus fidei profundamente urgeri, nisi prius constet atq; evictum sit, illum esse verum, atq; à Deo revelatum. Istud igitur etsi non constituat articulum fundamentalem in esse specifico, constituit tamen eundem in esse generico, & hoc nomine requiritur. Facerem autem statim, quod facere constitui, nisi hic iterum aliquid turbarent, mihiq; remoram suis sophisticationibus injicerent VValenburchij, qui cum recte dixissent: *Ut sit verus aliquis articulus, id est, verè à Deo revelatus, sufficit ut contineatur in Bibliis* (ego dicerem in scriptura Canonica) si autem probandus erit articulus sub ratione veri, oportet ut verba, scriptura S. necessario id importanti quod dicit articulus probandus; Addunt: *At verò sacra scriptura verba non censentur id necessario importare, quoties eadem verba similiter in sacris scripturis posita aliter accipiuntur, & quotiescunq; ratio probabilis in contrarium adferri potest.*

§. 14. Hoc assumentum est ex hæretica Socinianorum schola petatum, & longè absurdissimum, imò ipsi VValenburchiorum causæ internecinum, ut benè advertit Dn9 D. Titius qui hoc ipsum sic ostendit. Notum est, inquit, summum & præcipuum Papista-



33  
Papistarum articulum esse de infallibilitate suæ Ecclesiæ. Cui ta-  
men ex scripturis fidem facere conantur. Unde ipsi VValenbur-  
gij Motivo secundo c. XXVII non procul ab initio; *hoc docemus, a-*  
*junt & profitemur, de Ecclesiâ prædictâ esse, & Ecclesiæ in Scripturis pro-*  
*missum esse ut non erret in rebus fidei* aq; eas promissiones dicunt adeò  
esse evidentes, ut eas Protestantes negare non possint. Et si autē li-  
benter fateamur Protestantes, qvòd, sicut de Romanæ Ecclesiæ in-  
fallibilitate nullæ prorsus, ita de Ecclesiæ universalis certæ ab erro-  
ribus immunitate promissiones in Scripturis extant; hoc tamen  
tantisper sepositò, petimus ut Walenburchii nobis ostendant,  
sensum promissionum illarum necessariò id importare, qvòd ipsi  
volunt. Non enim, ut ante nobis dictitabant, *verba promissionum*  
*illarum censentur id necessariò importare, quotiescunq; eadem ver-*  
*ba in Sacra Scriptura similiter posita aliter accipiuntur, & quoties-*  
*cunq; ratio probabilis in contrarium afferri potest.* Nunquam pro-  
fectò istò pacto Walenb. saltem sub ratione veri probabunt  
suum articulum de infallibilitate Ecclesiæ. Eidem difficultati  
implicabuntur, si ve Conciliis, si ve Patribus, si ve qvòcunq;  
tandem scripti genere aliquid pro sese afferre conabuntur. Tàm  
verùm est proverbium; turdus sibi ipsi cacat exitium. Hæc Dn,  
Titius c V animadvers. in primum & secundum motiva Wal.

§. 15. Non est igitur qvòd valde his & similibus adverfa-  
riorum argutiis moveamur, qvòd potius certò statuamus nos ap-  
prehendisse verum sensum hujus vel illius dicti Biblici, si ve nos  
tenere id, qvòd necessariò important verba S. Scripturæ, ut lo-  
quantur Walenb. cum interpretatio nostra convenit cum naturali  
significatu talium verborum, hòc ordine, hanc occasione, hòc sco-  
pò, hòc idiomate prolatorum. Hoc præstructo, ibo per singu-  
la Symbolo, supra posito, comprehensa dogmata, eorumq; sen-  
sum determinatum, & in nostris receptum Ecclesiis juxta literas  
appositas explicabo atq; adstruam ex S. Scriptura, adeoq; illos  
probabo sub ratione veri, paulò post eosdem probaturus sub  
eatione necessarii.

A. Peccatum originis esse profundissimā ac terribissimam  
naturæ corruptionem, veri q; nominis peccatum qvòd mortem  
interat, nisi interveniat regeneratio, manifestè ostendit Scriptura,

E

in



in quâ ipsum quidem nomen peccati originalis non extat, extat tamen res ipsa. Scilicet, Salvator dicit Joh. III. 6. *Quod ex carne natum caro est*, id est, qui ex homine peccatis infecto natus est, earundem sordium est particeps 1. Cor. XV. 50. exhaeres regni ac ideo regenerationis indigus, sit licet à regenito natus. Etenim, ut pater doctus filium indoctum, ita regenitus irrogenitum generat. Genes. VI. 5. *Omne figmentum cordis humani tantum malum est à pueritia*, ubi est (1) τὸ καθολικόν Subjecti omnis carnis (2) actus omne figmentum, (2) temporis, à pueritia omni die. Illustis hanc in rem est locus Apostol. Ephes. 11. 3. *Natura sumus filii iræ*, id est, naturali propagatione obnoxii sumus iræ divinæ, & consequenter damnationi. Hoc ipsum Regius Propheta cum intelligeret, in vera pœnitentia etiam peccati originalis sordes deploravit Psalm. LI. 7. ubi non de parentum, ut nonnulli volunt, sed de suo peccato agere Davidem probatur tum ab ipsius scopo, qui erat propriam culpam confiteri, tum à modo concludendi, implorabat siquidem misericordiam Dei, & petebat veniam peccati. Inepta a. fuisset consequentia, si ita concludere voluisset: Parentes peccaverunt in mea generatione. Ego autem ex illis peccatum non traxi. E. adulterium & homicidium remittas mihi. Confer Aphorismum Apostol. Rom. V. 12. vid. August. Confes. Art. 2. Apolog. in l. Conc. p. 50. Artic. Smalcal. p. 317. Epitom. p. 572. Declarat. 639. *Errant hic Pelagiani Zontes Papiste, uti etiam Calvinista nonnulli peccatum originis nimium quantum extenuantes.*

B. Scilicet Scriptura sola (opposita, ut jam superius monui, verbo tradito, humano, lumini naturali, non item suo famulatio, organis, subsidiis lingvarum & artium instrumentalium) est principium cognoscendi & probandi omnia ad salutem creditu necessaria. Egregie hoc ostendit Apostolus 2. Tim. III. 15. 16. Hanc verò dignitatem, hanc potentiam & autoritatem scriptura habet ab autore primario Deo, fallere & falli nescio, *Nec enim auctoritate humana allata est aliquando Prophetia, sed inspirati à Spiritu S. locuti sunt Sancti Dei homines*, adeoq; in ipso scribendi actu ob divinam, eamq; immediatam ἐκκλῆσαν vivere prorsus nescii 2. Pet. 1. 21. Præterquam igitur quod propter divinitatem

&c



35  
& infallibilitatem suam fidem meretur λόγος πρὸς καὶ πάντας δόξα-  
δοχῆς ἀξίος 1. Tim. I. 15. de consilio etiam & ordinatione Dei ob-  
ligat homines ad fidem & ad obedientiam juxta illud: Qui non  
audierit verba, quæ loquatur in nomine meo, ego requiram ab  
eo Deut. XVIII. 19. Confer Esa. VIII. 20. & Joh. V. 39. ubi Sal-  
vator noster auditoribus suis scrutinium Script. præcipit. Osten-  
dit enim non quid faciant, sed quid facere debeant. vid. lib.  
Concordiæ p. 570. 572. 632. *Errant hic Papistæ Scripturam S. ac-*  
*cusantes alicujus imperfectionis, quam suppleri oporteat per traditio-*  
*nes, pari pietatis affectu suscipiendas, pariq; habendas loco cum Scrip-*  
*ptura Θεοπνεύτω*

C. Verbum salvificum communiter dividitur in Legem  
& Evangelium, quorum utrumq; ex intentione Dei & natura in-  
dita facit ad conversioem hominis salutarem, quanquam diver-  
simodè. Lex, nimirum moralis, justam & accuratam secundum  
voluntatem Dei vivendi normam præscribit, adhibitis prom-  
issis vitæ præsentis & futuræ, si quis ejus præcepta servaverit, mi-  
nisq; mortis primæ & secundæ, si quis illa violaverit Levit. XVIII.  
5. Deuter. XXVII. 27. Maledictus &c. terrendo ac maledicendo  
manuducit ad Christum Rom. X 15. Gal. III. 23, 24. Alium usum  
nobis lex non præbet, neq; à nobis impleri potest Rom. VII. 14.  
vid. Apol. A. C. p. 83. Artic. Smalc. p. 3. 8. Epitome F. C. p. 591.  
solida declar. 709. & 717.

*Errant igitur Papistæ statuentes, nos posse omnino legem Mo-*  
*ralem implere, & hanc impletionem esse meritoriam vitæ æternæ.*

D. Animam humanam non perinde ac corpus corrupti-  
pi aut interire, sed peculiari Dei ordinatione incorrupti-  
bilem esse & aliò ferri intereà, donec aliquando cum corpore suo  
vicissim uniatur, docet Ecclesiastes cap. XII. 7. ex quo solo dicto  
Smalcus, pertinax Photinianus, evincens argumentum pro immor-  
talitate animæ peti posse existimat disp. VII. contra Frantziū.  
Docet eandem animæ ἀθανασία Salvator Matth. X. 28. & Matth.  
XXII. 23. ubi non tantum carnis resurrectio, de qua erat quæstio,  
verum etiam animæ immortalitas infertur per hoc quidem argu-  
mentum: Quorumcunq; DEUS DEUS est, sive curam gerit, illi  
non sunt mortui sed vivunt. Atqvi Abrahami, &c. E. Immorta-



tatis hujus certitudinem ex sola Revelatione divina esse egregiè probat. B. Dn. Hülsemannus Brev. Theol. c. XVI. §. 1. Præsupponit eam articulus de vita æterna.

E. Certò futuram iteratam ejusdem animæ cum eodem, quod per mortem cecidit, corpore, unionem omnibus ac singulis hominibus mortuis extremo die, (hoc enim vocamus resurrectionem carnis) credimus inducti oraculis Scripturæ Rom. XIV. 10. 2. Cor. V. 10, 1. Cor. XV. 53. Addatur classicum illud dictum Job. XIX. 25. quod de restitutione Jobi in integrum frustra exponitur. Nam Hiob in hac vita se restituendum paulò ante desperaverat c. XIX. 10. Deinde loquitur de se jam in pulverem redactò, quæ non est nisi verè mortui descriptio. Tertio, ipsa verborum emphasis, cum verba suo plumbo & saxo inscribi peti, aliquid supra vulgarem sortem denotar. Pertinet huc etiam dictum Exod. III. 6 quo Salvator ipse Sadducæis, resurrectionem negantibus os obstruxit Matth. XXII. 23. Symbol. Apostol. art. 3.

F. Extremum, universale, & manifestum judicium in die, novissimo futurum, idq; esse medium commendandi & immitendi fideles solenniter cum corpore & anima in summam beatitudinem, infideles autem publicè convincendi & condemnandi ad extremum supplicium, credimus inducti oraculis Matth. XXV. 31. seq. ubi extremum judicium ejusq; processus describitur, ut nonnulla dicantur per *συγκαταβαίν* Act. XVII. 31. 2. Thes. I. 6 7. seqq. A. C. art. 17. p. 14. Apolog. p. 217.

G. Vita hæc serenata erit visione beatifica summi boni, 1. Ioh. III. 2. comitaq; ineffabili, plenissimaq; ac nullis seculis finienda incomprehensibilium bonorum perceptione Matth. XXII. 30. 1. Cor. II. 9. 1. Petr. I. 8. manetq; *χαίρειν* Rom. VI. v. ultimo, quamvis detur illis qui benè fecerunt Matth. XXV. 35. nō tamen redditur benefactis ceu merces ex debito. Rom. IV. 4. Gradus autem gloriæ diversi in vita æterna dabuntur pro diversitate laborum 1. Cor. IX. 6. Symb. Apost. art. 3. A. C. art. 17.

H. Mors hic intelligitur secunda, opposita vitæ æternæ, quæ est finalis & nunquā terminanda hominis à Deo separatio, cū cruciatib; infernalibus conjuncta Apoc. I. 11. c. XX. 14. c. XXI. 8.

Matth



37  
Matth. XXV. 41. Adeoq; constans tunc pena damni 2. Thess.  
1. 9. tunc sensus Matth. VIII. 12. Confer Rom. II. 9.

I. Hoc ipsum credere tria involvit (1) notitiam Esai. LIII.  
11. Ioh. XVII. 3. ubi cognitio isthac dicitur vita aeterna non sanè  
formaliter, sed causaliter, prima scil. ac proxima causa conse-  
quendi vitam aeternam. Extant parallela Metonymia huius  
exempla Ioh. VI. 63. c. XI. 25. c. XII. 50. c. XIV. 6. Rom. XI.  
12. indice Dn. Danhauero in stylo vind. p. 247. (2 & 3) assensum  
& fiduciam Heb. XI. 1. Fides est certa persuasio, *πίστις*, de iis,  
quæ sperantur, & certa inductio animi, de iis, quæ non cernun-  
tur. Et fides quidem, prout est salvifica, est apprehensio Christi  
ad subjectum credens in individuo applicativa, qualis illa Iob. XIX.  
25. *Scio quod Redemptor Meus vivit &c.* & Apostol: *Christus Me  
dilexit, & semetipsum pro Me tradidit.* Gal. II. 20. Est *πληροφορία*,  
certa animi de salute nostra persuasio Rom. IV. 21. Hebr VI. 11.  
*πεποίθις*, id est plena fiducia Rom. VIII. 38. Ephes. III. 12.  
Quando notitia justificationis tribuitur ut Ef. LIII. 11. Ioh. XVII.  
3. tum illa synectochicè & familiari Hebrais loquendi ratione eti-  
am fiduciam complectitur, F. C. p. 68. 69. Apol. A. C.

K. Divo Paulò teste *animalis homo non percipit ea, quæ sunt  
Spiritus Dei* 1 Cor. II. 14. *Non sumus idonei cogitare aliquid à nobis  
ipsis, tanquam ex nobis ipsis,* (in rebus scil. spiritualibus) *sed quod  
idonei sumus, id ex Deo est,* ut idem affirmat 11 Cor. III. 5. *sensus  
carnis inimicitia est adversus Deum* Rō. VIII. 7. A. C. art. 18. p. in  
F. C. 14. Apol. p. 217. Art. Scmalc. 318. Epit. 518. Solid. declar. 654.

L. *Nam Deus operatur in nobis velle & perficere* Phil. II. 13.  
Hinc Salvator ait Ioh. VI. 44. *Nemo potest venire ad me, nisi pater  
qui misit me, traxerit illum,* ubi non est, quod cum Calvinianis no-  
bis imaginemur vim quandam irresistibilem, cum non immedi-  
atus, sed mediatas & ordinatus à Salvatore indiget tractus, ip-  
sum respiciens. *Sine me nihil potestis facere,* inquit idem Salvator  
Ioh. XV. 5. ubi particula nihil non privativè, sed negativè accipi-  
enda est hoc sensu, quod homo non renatus nihil quicquam in  
rebus spiritualibus possit. Hæc & alia scripturæ testimonia mani-  
festè ostendunt nos in rebus spiritualibus, ex proprijs nostris vi-  
ribus, penitus nihil præstare posse, quæ autem præstamus in soli-

E 3

dum



dum deberi Gratia tum excitanti vel pulsanti Apoc. III. 20. & praevenienti psal. LIX. 11, tum subsequenti, ad juvanti & cooperanti II Cor. III. 5. quæ Gratia sufficiens & seria est quoad omnes Esa. LXV. 2. Ezech. XXXIII. 11, estq; efficax in se; sed in eventu tantum quoad illos, qui non spernunt pulsum gratia Matth. XIII. 12, nec obicem per maliciosam repugnantiam Spiritui S. ponunt Matth. XXIII. 38. Act. VII. 51. adeoq; non est irresistibilis, aut ita comparata, ut hominem quomodo cunq; dispositum absolute & ἀπὸ τῶς immutet & refingat.

Errant hinc (1) *Papistæ stantes, vires & facultates hominis in spiritualibus læsus quidem esse, attenuatas & ligatas, sed non planè extinctas & ablatas, adeo, ut homo non renatus ad gratiā & fidē ex propriis suis viribus se disponere, & quæ ei in lege & Evangelio præscribuntur, inchoare & efficere, Deoq; vocanti & excitanti per vires præexistentes cooperari possit.* (2) Errant Calvinistæ, & inter Pontificios Dominicani, Gratiam quandam irresistibilem, ἡ ἀπὸ τοῦ Θεοῦ, cogentem ac necessitantem asserentes.

M. Nomen Iesu Salvatori nostro Angelus, ejus nativitatem annuncians non tantum indidit, sed &, quid significaret, non obscure declaravit, dicens ad Iosephum: *Vocabis nomen Filii, qui ex Maria nascetur, Iesus. ipse enim salvum faciet populum suum a peccatis suis.* Matth. I. 12. Nomen Christi, quod Græcum est sicut Iesu Hebræum, ipsi est inditum, quoniam secundum humanam naturā unctus est infinitā plenitudine Spiritus S. psal. XLV. 8. Unxit Te DEUS d. DEUS, &c. Id quod ad Christum accommodat epistola ad Hebræos c. I. 9. per oleum lætitiæ intelligendum esse Spiritum S. satis clarum est ex verbis Petri Act. X. 38. *DEUS Iesum de Nazareth unxit &c.* Fuit a. unctio Christi nihil aliud, quàm inauguratio ad triplex officium, Sacerdotale nimirum, Propheticum & Regium, sicuti in V. T. unctos constat Reges I. Sam. X. 1. c. XVI. 13. I. Reg. XIX. 16. Sacerdotes Exod. XL. 12. se qq. ac Prophetas I. Reg. XIX. 16.

N. Verum Deum ostendunt tum expressæ appellationes Rom. IX. 5. *Iesus Christus est. DEUS super omnia* (ergo summus) *benedictus in secula*, quæ formula in hunc usq; diem apud Judæos periphrasis est Dei Israelis. Joh. XX. 28. Dicit Thomas

*Dominus*



39

*Dominus meus & Deus meus*, quæ verba non sunt exclamatoria ac admirabunda, sed contentiva; statim enim subjicit Christus: *Quia vidisti me, credidisti*: tum attributa divina ipsi in Scriptura S. adscripta ut *eternitas* Joh. I. 1. seqq. *omnipotentia* Apoc. I. 8. *omniscientia* Joh. III. 13. C. XXI. 17. *Gloria antecessoris* Joh. XVII. 5. *Adoranda Majestas & cultus divinus* Hebr. I. 6. *ἐμὸς κύριος* probat Joh. X. 30. *Ego & pater unum sumus* non sanè unitate personæ, nec solius voluntatis, sed essentiae, non specificè, sed singularissimè, simplicissimèq; unius, quod succinctè probat, sed nervosè Dn. Danhauer, in *Hodosoph.* p. 170. De Christo, ejusq; persona & officio *Aug. Confess. art. 3. Apol. in F. C. p. 59. Art. Smalc. p. 303. Epist. p. 605. Sol. decl. p. 761.*

O. Joh. III. 16. Est igitur Filius Dei verus ac naturalis Matth. XVI. 16. C. XXVII. 54. Joh. V. 20. à patre unius ejusdemq; numero essentiae communicatione ab aeterno verè proprièq; modo tamen hyperphysico ac impervestigabili genitus Psalm. II. 7. Mich. V. 2. Prov. VIII. 22. primogenitus Col. I. 15. Heb. I. 6. hodiè genitus in hodiè *ἐγέννησεν* nescio Jac. I. 17. æterno 2. Pet. III. 8. atq; adeò Patri *ὁμοῦσιος*, uti paulò antè dictum. Unigenitus appellatur, quoniam solus ex solo Patre singulariter est genitus, inquit Damascenus l. 1. Orth. fid. c. 9. Symb. Apost. art. 2.

P. Spiritum S. esse verum DEum ostendit tum appellatio Dei expressa 1. Cor. XII. 6. tum vox Petri ad Ananiam Act. V. 3. hoc pariens argumentum *Cui præter Apostolos tum temporis mentitus est Ananias, is est verus Deus.* Atqui Spiritui S. E. Ostendunt idem merè divina, quæ Spiritu S. in SS. literis passim assignantur idiomata c. g. *quod omnia, ipsius quoq; divinitatis abyssum perscrutetur* 1. Cor. II. 10. *quod corda fidelium, veluti templa possideat* 1. Cor. VI. 19. *quod peccatores justificet* 1. Cor. VI. 11. *Quod per lavacrum aquæ in verbò convertendos regeret ac conversos renovet* Tit. III. 5. *quod absolutà potestate Ecclesiam gubernet & dona dispense* 1. Cor. XII. 4. seqq. *quod per Prophetas divinitus afflatus sit locutus* 2. Petr. I. 21. *Irremissibile quoq; est peccatum, quod in ipsum committitur* Matth. XII. 32. *Divino etiam cultu est adorandus* Matth. XXVIII. 19, Esa. VI. 3. collat. cum Act. XXVIII. 25. Adde 1. Joh. V. 7.

Et



Et hi tres unum sunt scil, ratione Essentiæ, non solius consensus, id quod ex modo loquendi Θεοπνευµαs de divinis probat Dn. Danhauer Hodosoph. p. 170. Esse verè Spiritum S. peculiarem personam, docet ἐνσωµατισ personalitatis nota, & tota personæ definitio, aliunde repetenda, quæ Spiritui S. propriè ac verè competit. Adde quod dissertè vocetur ἄλλος à Patre & Filio Joh. XIV. 16. quod in formula baptismi distinctè à reliquis duabus personis enumeretur Matth. XXVIII. 19. Symb. Athanas. & Nicæn. art. 1. A.C. & Smalc.

Q. Genes. I. 1. *In principio creavit Elohim &c.* Quod Hieropsaltes ita explicat *Verbo Domini cœli firmati sunt &c.* Pl. XXXIII 6. ubi per Dominum intelligit Deum Patrem, tanquam fontem & principium SS. Trinitatis, per Verbum verò DEum Filium Joh. I. 1. *In principio erat verbum, & Verbum erat apud DEum, omnia per ipsum facta sunt &c.* per Spiritum deniq; oris Domini, DEum Spiritum S. Job. XXXIII. 4. Art. 1. Symb. Ap.

R Genes. XVII. 1. Luc. I. 37. c. XVIII. 27. Ephes. III. 20. Potest igitur DEus omnia, non tantum naturæ, sed naturâ, hoc est, absolutè possibilia sive quæ ullam, ut loquuntur, rationem factibilitatis habent, nec implicant contradictionem, non nostrò, sed divinò judiciò æstimandam. Errant hic graviter Calviniani, DEi omnipotentiam Rationis corruptæ decempeâ metientes, negantesq; DEum supra & ultra vires naturales, Rationemq; humanâ aliquid posse. vid. B. Himmel. Calvin. disp. III. §. 16. seqq.

S. 1. Par. XXVIII. 9. Psalm. CXXXIX. 2. Joh. ult. v. 17. Est igitur DEus non tantum præteritorum ac præsentium gnarus, sed & in se futurorum, divino tamen oculo præsentium, malorum etiam sub conditione futurorum vel non futurorû 1. Sam. XXIII. 1. Reg. XI. 2. Matth. XI. 21. adeoq; etiam nunquam futurorum, sed possibilem. Unde latior Omniscientia divîna, non entitate & proportionè, sed objectorum numerò, Potentiâ & Voluntate. Et ut sit ab æternò, & infallibilis, rebus tamen, super quas fertur, nullam adfert necessitatem, ut velle videntur Calviniani.

T. Psalm. CXXXIX. 7. Act. XVII. 28. Importat autem, hæc, de qua loquimur, Omnipræsentia formaliter ac definitivè, in sensu scil. ac stylo Biblico, tum ad essentiam ad creaturas substantialem



stantialem, illocalem, impartibilem, incircumscriptibilem, quam Scholaſtici in deſcriptione concurſus divini cum creaturis vocant immediationē ſuppoſiti, tum efficacē ac omnipotentē operationē, quā aliās dicitur imēdiatio virtutis Jer. XXIII. 23. Col. I. 17

V. Levit. XI. 45. c. XIX. 2. Ec. VI. 3. Notat nobis ſanctitas Dei ſumam in Deo, omnisq; labis omninō expertem puritatem, mundiciem debitam exigentem à creatura, & abhorrentem à contrario. B. König in Theol. poſit. p. 29. *Injuri ſunt in ſanctitatem Dei Calviniani, Deum peccata velle diſſimilantes.*

X. Pfalm. XI. 7. Pfalm. CXIX. 137. Eſt igitur Deus judex juſtiſſimus, boni remunerator & mali vindex, qui ut nullum, ne minimum quidem peccatum transmittere poteſt, niſi vel in peccante, vel ejus vade ſit exacta poena, ita nullum abſolutē ac per ſe omni modo innocentem ſupplicio afficit, nec ut poſſit punire, malē facere cogit. *Iniqui ſunt itaq; in juſtitiam Dei Calviniani, ſtatuentes, Deū maximam humani generis partem abſolutē, abſq; ullo culpa ſeu peccati intuitu, vel ob peccatum, ad quod eam condidit & coegit, æternum damnare.*

Y. Num. XXIII. 23. Pfalm. XXXIII. 4. Ebr. VI. 18. Notat veritas hæc tū conformitatē rei promiſſæ cū divina voluntate, tū conformitatē enunciatae promiſſionis cū divinō intellectu & voluntate ſimul, quā poteſt dici veritas in promittendo; ſenſiſſe ſc. ita Deū, quomodo pronunciaverit. *Errant hic Calviniani, qui dum Deo duplicē voluntatē alterā in verbo revelatā, alterā verō arcanā, Revelatæ contrariā affingunt, eundē falſitatis & hypocriſeos quoad voluntatem revelatam arguunt.* vid. B. Himmeli Calvinis. diſp. III. §. 25.

Z. Pfalm. CII. 25. Eſt autem nobis æternitas permanētia eſſentiæ Divinae, principio & fine carens, omnemq; omninō ſucceſſionem excludens.

AA. Pfalm. CXLV. 8. Rom. XI. 32. Ephes. II. 4. Hæc miſericordia nihil eſt aliud, quāmi gratioſiſſima voluntatis Divinae propenſio ad ſuccurrendum miſeris voluntate antecedenā omnibus, non quaſi voluntas Dei in ſe ſit multiplex ac diſtincta; Nam talis duntaxat eſt Rationis noſtræ ordine, unum actum præ altero concipientis. Secundum hanc voluntatem eſt ſalutis mortalium, nullō excepto, certō tamen ordine, ſeriō & æqualiter

F

ter



ter cupidus, non concione tantum & præcepto, sed etiam decreto, promissione & communicandi intentione; cupidus in quam salutis, omnibus efficaciter conferenda Joh. III, 16. Matth. XI, 28. Enormiter hic errant tum supralapsarii Calviniani, statuentes, Deum maximam humani generis partem, non ad vitam sed ad æternam mortem creasse, eandemque lapsu, & peccati miseria nullis modis liberare, sed absolute æternum damnare ab æterno constituisse; tum Infralapsarii, asserentes Deum quosdam tantum hominum lapsorum misericorditer ad vitam elegisse, cæteros absolute voluntate sua in statum damnationis reliquisse, quæ sententia hodie ferè communis est Calvinianorum. Epit. F. C. p. 617. solid. decl. p. 797.

BB. Voluntas consequens est, quæ Deus libro vitæ quasi testamentario, æterno, in cælo recondito, in Evangelio aperto certo ac immutabili consignatos elegit ac prædestinavit ad vitam æternam consequendam eos ex genere humano lapsos, qui fide in Christum ad finem usque vitæ perseverant. 2. Tim. I. 9. c. II, 19. Ephef. I. 4. Elegit nos in Christo, &c. Prævio ergo ad Christum, fide olim à nobis apprehendendum, respectu in æternitate à Deo sumus electi. Quia tamen ratione æterna Dei prædestinatio non suspenditur ab hominis dispositione. Nam nec vires credendi, nec objectum fidei, nec ordo & modus agendi, quem Deus vult ratum habere, est ab homine, sed in solidum à liberrimo & gratioso Senatus Consulto SS. Trinitatis. Sanè hominis est vires spirituales divinitus sibi concessas credendo exercere, & Christum sibi appropriare: Verum, ut hoc liceat, & postmodum etiam in iudicio Dei ratum sit, pendet à divina salutis nostræ æconomia. Visum est Deo &c. 1. Cor. I. 21. Crassissime hic errant Calviniani, asserentes, Deum nullo ad fidem habito respectu pro absoluto suo beneplacito quosdam ad vitam elegisse seu prædestinasse, quosdam, imò multo maximam humani generis partem reprobasse, vi ejusdem beneplaciti seu decreti.

CC. Humanam in Christo naturam nobis consanguineam probant appellationes, partes & proprietates illius, imprimis verò ipsius Christi secundum humanam naturam in utero Mariæ Virginis conceptio & subsequuta nativitas. Appellatur enim semen mulieris Genes. III, 15. Semen Abrahæ Gal. III, 16. Filius David. Matt.

XXII.



43

XXII. 42. *fructus ventris Luc. I. 42. Habuit corpus & animam Luc. XXIII. 46. Matth. XXVII. 50. intellectu & voluntatem Matth. XXVI. 39. appetitum naturalem, siquidem esuriit Matth. IV. 2. sitivit Joh. IV. 7. tristatus est Matth. XXVI. 38. exultavit Luc. X. 21. passus & mortuus est, uti constat ex historia Evangelica.*

DD. Conceptio Christi de Spiritu S. non fuit generatio ex substantia Spiritus S. ob quam Spiritus S. dici posset pater, sed fuit admiranda productio humanæ naturæ quoad animam & corpus ex semine virginis, quam naturam λόγος assumpsit. Luc. I. 35. Conceptione initium sumit status exinanitionis, quo Θεάνθρωπος secundum humanam naturam Majestatis divinæ & infinitæ, vi unionis personalis secundum eandem sibi communicatæ, usu plenario & incessante verè & realiter, liberè tamen & ad tempus se abdicavit, ut pro commissio à protoplastis Dei formitatis raptu iustitiæ Dei satisfaceret, & amissam salutem lapsis repararet Phil. II. 6,

EE. Matre vera EX QVA, non solum In QVA natus Luc. I. 35. Gal. IV. 4. virgine ante, in & post conceptionem Mat. I. 20. An verò ἀειπαρθένος ac semper virgo fuerit, ex Scriptura non constat.

FF. Heb. II. 14. c. VII. 26. 27.

GG. Unus est Salvator, Unus Dominus &c. I. Cor. VIII. 6. I. Tim. II. 5. Unus autem est, unione non essentiali, cujusmodi unio seu unitas est inter personas SS. Trinitatis, quia in Christo est ἄλλο καὶ ἄλλο; non naturali, qualis est animæ & corporis in homine, quia λόγος est per se subsistens & in principio jam erat; partes autem essentielles per naturam non possunt seorsum existere; nec accidentali, πρῶτη καὶ δεύτερη qualis est inter corpus humanum & vestem, nec sustentativam, quia sustentatio carnis est omnibus tribus personis communis, nec denique commixtivam, qualis est carnis ex elementis compositæ. Sed Personali. Nam duæ naturæ per incarnationem Filii Dei ita sunt unitæ, ut λόγος humanam naturam in unitatem suæ personæ assumpserit, ei que suam divinam Hypostasim, quæ à divina illius natura realiter non differt, communicarit. Nam ante unionem non nisi Divina ἡ λόγος natura præexistebat in sua propria Hypostasi; humana verò natura,

F 2

simul



simul ac à Spiritu S. producta, etiam assumpta est in Hypo-  
 stasin Filii Dei, ut propria ejus humana substantia, ad quam  
 alias ἡ φύσις inclinabat, per hanc assumptionem fuerit interce-  
 pta. Unde etiam Christus unum est per se Hypostamenon, idem  
 Dei & Mariæ Virginis Filius. Terminus enim assumptionis est  
 persona, unde & ipsa unio personalis solet appellari, quæ unio  
 etsi in via ad cælum evidenter cognosci non possit, quomodo  
 facta sit 1. Tim. III. 16. describitur tamen quod sit perichoristica,  
 inconfusa, inseparabilis, & indistans conjunctio & unio duarum in-  
 tegrarum naturarum in unam Hypostasin: Et participatio mutua na-  
 turarum de se invicem in una persona tam vera proprietate participa-  
 tionis, quam verè pueri de natura humana participant Ebr. II. 14. Ex  
 ista naturarum unione & communione promanat, quicquid hu-  
 mani de Deo, & quicquid divini de homine Christo dicitur &  
 creditur, ut loquitur epitome Form. Concord. p. 607. Hinc in  
 Christo inhabitare dicitur πᾶν πλήρωμα ἡς θεότητος σαρκικῶς  
 Col. II. 9. quam inhabitationem Græci vocant ἐπιχώρησιν seu  
 mutuam naturarum circumimmutationem personalem, per  
 quam Filius Dei est & dicitur Homo; vicissim verò hic homo,  
 Deus, vel Filius Dei viventis, prædicatione non verbali, sed reali.  
 Ut autem naturæ in eodem supposito mutuo participant, ita par-  
 ticipant quoque invicem de proprietatibus suis Essentialibus, salvâ  
 & integra cujusque differentia specifica. Qua de re cam Spiritus  
 S. in Scripturis diversimodè loquat, pro diversa Naturarum vel  
 ad personam, vel unius ad alteram, vel utriusque ad officii opera-  
 relatione, Doctores orthodoxi doctrinam hanc triplici com-  
 municationis idiomatum genere sunt complexi, primum genus  
 vocantes ἰδιωματικὴν, secundum μετὰ πίσην, tertium κοινωνίαν ἀπὸ  
 πλεισµάτων F. C. tertium genus secundo & secundum tertio loco  
 numerat p. 773. Errant hic præcipuè Calviniani, formalem ratio-  
 nem unionis personalis non in divine τῷ λόγῳ naturæ communicatione,  
 sed tantum in substantiæ & nuda humanæ naturæ sustentatione con-  
 stituentes, adeoque veram ac realem idiomatum Communicationem, ut  
 & ὁφειζοµένῃ unitatem negantes, λόγον extra vel ultra carnem singen-  
 tes, & hoc modo Nestorianismo velificantes.

HH. VI



45

H. H. Viscil. unionis personalis, secundum quam tota plenitudo Majestatis divinæ communicata est humanæ naturæ Christi, quæ in tempore & citra contradictionem communicari potuit. Colos. II. 9. ubi notandum, quod ea etiam idiomata, quæ hoc modo communicari non potuerunt, dicantur communicata cum tota plenitudine Divinitatis quo ad possessionem æternam durantem, uti loquitur B. Hülsemannus Brev. Theol. c. VII §. 9. ubi quæritur non physicâ, locali, diffusivâ, expansivâ, crassâ, scitili, monstruosa, dependente ex immensitate Dei; sed omnipræsentia cœli ac terræ, omniūq; in regno potentia, gratia ac gloria, impletrix, operatrix, ac gubernatrix, ab ipsius voluntate pendula Mat. XVIII. 20. c. XXVIII. 20. plenè se exerente in statu exaltationis Ephes. IV. 10. ubi per τὴν πᾶσαν omnes creaturas intelligi patet ex absoluta Apostoli locutione sine restrictione, ἐν τῇ πᾶσι partitione v. 11. explicatione Ephes. I. 22. 23. πᾶσα ἐν πᾶσι, per rō implere autem implere verè divinum intelligitur, circumscriptum non nudâ adessentiâ, seu Entis ad Ens existentia, sed efficax per præsentissimam ubiq; operationem, cum præsentia substantiali conjunctam, descriptum Ier. XXIII. 22, 23. Errant hic Calvinistæ omnipræsentiam Christi secundum humanitatem præfate negantes, & rabiose allatrantes.

II Matth. XXVIII. 18. ubi τὸ Μὴ ad Humanitatem spectat, ad Filium Hominis Dan. VII. 14. ad eam naturam, de cujus majestate dubitabatur, haberetne illa omnia in manibus suis, quæ nuper manibus hostium capta, ligata, occisa, cujus gloria in novissimo die manifestanda erat. c. XI. 37. Ioh. III. 35. ἐξουσία verò officialis à δύναμις essentiali non separanda Luc. IV. 36. c. XXII. 69. Ioh. XVII. 2. Confer Apoc. V. 12. Ioh. v. 21. uti ἐξουσία non solum summum faciendi jus, sed & δύναμις περιεχὴν αὐθεντικὴν & καρδιόγνωστικὴν δύναμιν notat, quod etiam innuit προδίκη in Cælo & in terra, quæ est ipsius divinæ potentia periphrasis, ut ostendūt loca Paral. XXIX. 11. & Mat. XI. 25. Luc. X. 21. Act. XVII. 24. Vocabulū πᾶσι denotat potestatem à qua nihil est exceptum, sub qua etiâ comprehenditur vis vivifica, talis non solū ratione unionis cum verbo, meriti & copulationis cū membris, verū etiam effectivè; sicut cibus effectivè nutrit ad vitam, ita caro Christi Ioh.



V. 26. c. VI. 54. 1 Cor. XV. 45. Errant hic Calvinistæ, Christo homini potentiam aliquam merè moralem, certisq; veluti limitibus circumscriptam tribuentes, adeoq; Eum secundum humanam naturam verè omnipotentem negantes.

KK. Ioh. II. 25. c. XVI. 30. Col. II. 3:

LL. Ioh. V. 22. v. 27 ubi particula ὅτι non causaliter & reduplicativè, sed restrictivè & specificativè accipienda, alioquin sequeretur à Quia ad de omni, omnem filium hominis habere ἐξουσίαν judicandi.

MM. Psal XCVII. 7. Adorate eum &c. Id quod ad Christum accommodat epistola ad Hebr. c. 1. 6. Adoranda autem est caro sive humanitas Christi non per se, & ex se, nec ut purpura Regis ex accidenti, nec ob habitualia & super Angelica dona, nedum ut altera persona, sed ob & per unionem personalem ac donorum immensorum collationem. Nam dignitas recipiendi adorationem religiosam eandem specie & numero cum adoratione Dei, Christo Homini communicata est in concreto, tanquam Redemptori, non propter respectum finiendum in alterutra concreti natura Phil. II. 10. Errant hic Calvinistæ, duplicem fingentes adorationem, quarum sublimior τὸ ἄλλο γὰρ, inferior humane nature dependatur, atq; adeo negantes, Christum secundum humanam naturam adoratione religiosa, quæ sit eadem specie & numero cum adoratione Dei esse venerandum.

NN. 1 Tim. II. 4. 6. ubi vocem OMNIS non sumi indefinite pro diversis generibus hominum, sed pro OMNIBUS, ut complectitur hæc vox fideles & infideles, pater ex cap. IV. v. 10. Christus est Salvator omnium hominum, maxime fidelium, quæ ἐξ ὅλης, μάλιστα, locum non habet, si infideles nullò modò sunt redempti. Rom. V. 18. sicut per unius hominis delictum &c. 1 Ioh. II. 2. Christus est propitiatio efficax pro peccatis nostris, non pro nostris autem tantum (id est fratrum fidelium & Græcorum, qui sane non omnes electi) sed καθολικῶς, est enim epistola Catholica, pro TOTIUS mundi peccatis, hoc est infidelium, quos inter plurimi reprobi, omnium ac singulorum, quos omnes intererat moneri ne peccent. Errant hic gravissimè Calvinistæ, impiè idicantes Christum esse Salvatorem paucorum quorundam hominum, eorum scil. quos  
DEUS



47  
*Deum ab eterno absolute elegit. Hanc gratia illum venisse in mundum, & pro his revera mortuum, non pro omnibus ac singulis hominibus.*

OO. Iuxta obedientiam activam Christus legem implevit, ipse per se nullo modo legi obnoxius Matth. V. 17. Non veni &c. Rom. V. 19. Quemadmodum per inobedientiam &c. c. X. 4. Iuxta obedientiam passivam, quæ perfectissima est, innocentia & causæ & personæ, pro nobis durissima quæq; & tandem crudelissimam mortem est perpeffus Gal. III. 13. Christus nos redemit &c. scriptum est enim Deut. XXI. 23. promptissima & constantissima Phil. II. 13. Esa. LIII. 4. Quamvis autem in compluribus scripturæ locis morti & effusioni sanguinis Christi Redemptionis opus tribuatur, id tamen haud quaquam exclusivè accipiendum, ac si sancta Christi vita ab opere redemptionis per hoc excludatur, sed ideò illud fieri existimandum, quia nusquam illuxit clarius, quod nos dilexit ac redemit Dominus, quam in ipsius passione, morte & vulneribus, ut loquuntur pii veteres, & quia mors Christi est velut ultima linea ac complementum finis & perfectio totius obedientiæ. Errant hic Calvinistæ nonnulli, activam Christi obedientiam ab ejusdem obedientia passiva separantes, & hanc solam, exclusâ illâ, ad justitiam imputari dicentes.

PP. Christus scilicet est Propheta ille magnus Deut. XVIII. 18. Act. III. 22. c. VII. 37. ac divinitus obsignatus Ioh. VI. 27. Matth. III. 17. c. XVII. 5. Ioh. XII. 28. docens per ministros suos omnes gentes Matth. XXVIII. 19.

QQ. Christus Rex est tergemino dominio, in cœlestia, terrestria, & subterranea, in regno itidē potentiæ, gratiæ & gloriæ adorandus Phil. II. 10. Catholicus locis, tēporibus, subjectis. Sceptro, hoc est sceptrifero ministerio è Sione emissio. Fines suos ultra solem extendere debuit juxta Prophetarum præfagia Mich. IV. 7. Zach. IX. 10. Confer Dan. VII. 14. Luc. I. 33.

RR. Heb. II. 14. Rom. III. 24. Ephes. I. 7. Heb. IX. 12 & 15. 1 Pet. I. 18. ac ideò servitio & cultu bivino est prosequendus Phil. II. 10.

SS. Passio Christi circa finem vitæ biduo ante mortem ab ipso exantlata hic præcipuè intelligitur, ubi quidem passa est humana, non Divina natura, quæ simpliciter *απαθής* est, alio camen



ramen modò ad humanitatis sibi personaliter unitæ passiones concurrens, easdem scil. ut in se spectantur, volendo, adhærentem hostium malitiam permittendo, illas mediante ὁμοίωσι sibi appropriando, naturam patientem sustentando, passionibus ejus infinitum pondus superaddendo, easdemq; ad finem humano generi salutarem determinando. Luc. XXIV. 26. Nonne hæc oportuit pati Christum &c. Est itaq; Mediator & sacerdos noster Christus secundum utramq; naturam. Et nos rectè dicimus, quod ipse Deus verè passus sit personaliter & propter unionem personalem, ob quam omnes infirmitates non minus pertinent ad Filium Dei, quàm si illas ipsas in sua natura impassibili sustinuisset. Hinc dicitur proprius Dei filius pro nobis traditus Rom. VIII. 32. Autor vitæ interfectus Act. III. 15, c. XX. 28. Deus propriò sanguine redemisse Ecclesiam 1. Cor. II. 8. Dominus gloriæ crucifixus. Errant hîc Calviniani negantes λόγῳ propriè esse adscribendam passionem, aut λόγῳ verè passum esse. Quando igitur dicitur: Filius Dei est passus, hujus generis propositiones esse Synecdochicas, & per ἀλλοίωσιν sic explicandas sciunt: Humana natura seu caro Filii Dei est passa, quæ resolutio admodum est periculosa, merumq; sapit Nestorianismum. F. C. p. 771.

TT. Consequenter profundissimè exinanitum Phil II 8.

VV. Hoc est ita, ut anima à corpore verè ac localiter fuerit separata Luc. XXIII. 46. Interim unionem personalem mansisse integram, & Christum verum hominem ob invariabilitatem unionis personalis, & partium naturaliter separatarum permanentiam hypostaticam in λόγῳ credimus Matth. XII. 40.

XX. De universalitate quoad singula individua supra dixi NN. de universalitate & perfectione meriti & satisfactionis quoad singula peccata Tit. II. 14. 1. Joh. I 7. Heb. X. 14. Errant hîc una ex parte Calvinistæ, dicentes, Christum non pro omnib; mortuû, sed pro solis electis: altera ex parte Papistæ, negantes, Christum pro originalitantum peccato satisfecisse, & pro pœna aeternâ; homini autem satisfaciendum pro peccatis actualibus & pœna temporali.

YY. Matth. XXVII. 60. Marc. XV. 45. Luc. XXIII. 53. Joh. XIX. 42. Atqui hic exinanitionis finis est.

ZZ. 1. Pet.



49  
22. 1. Pet. III. 19. Coloss. II. 15. Articulus hic fidei in statu exaltationis primus pie & simpliciter creditur, modus & circumstantia specialis, quippe imperscrutabilis, tunc ignoratur. Errant hic Calviniani, descensum hunc ad inferos tropicum & poenalem non triumphalem asserentes, tunc Pontificii, finem descensus Christi ad inferos educationem animarum ex limbo audacter, & ex falsa hypothese definientes. F. C. p. 613.

(a) Rom. I. 4. Mat. XXVI. 61 c. XXVII. 40. Marc. XIV. 58. c. XV. 28. Joh. II. 19. Resurrexit autem in carne qualitatibus immutata 1. Cor. XV. 35. gloriosa Luc. XXIV. 26. Spirituali Luc. XXI. 31.

(b) Primum beatorum, tanquam terminum communem Marc. XVI. 19. Act. I. 9. secundum humanitatem, quæ sola sublimari poterat. Deitate enim semper fuit in cælo ipse altissimus; porro ad cælum Dei, tanquam terminum proprium ὑπεράνω πάντων ἑρῶν Ephes. IV. 10. ὑψηλότερον ἢ ἑρῶν Heb. VII. 26. ἀπρόσπιν 1. Tim. VI. 16. unde Deus respicit Psalm. XIV. 2. ubi preces nostras exaudit. Reg. VIII. 32. Matth. VI. quod non potest non esse omnipræsens ac propè Ec. LVII 19.

(c) Intelligitur hic dextra spiritualis non corporea, aut localis, dextra gloriosa, est enim dextra τῆς μεγαλωσύνης Heb. I. 3. c. VIII. 1. dextra throni Heb. XII. 2. omnipræsens Psalm. CXXXIX. 7. ac cæli menforia Ec. XLVIII. 13. infinita quæ est dextra Patris, cujus essentia infinita gratiosa in regno gratiæ ac immensa est, dextra mirifica Psalm. XLV. 5. dextra Spiritus S. effusiva Act. II. 33. c. V. 31. Verbo, dextra Majestatis & virtutis divinæ, Ad hanc dextram sedet, id est collocatus, sedere factus est passivè Ephes. I. 20. singulari gratia Heb. I. 3. post absolutum exinanitionis statum, factamque ἀνάληψιν humanitatis in cælum Ephes. I. 20. Secundum humanitatem, Deitas enim taliter collocari non potuit. Ex gratia hujus sessionis secundum humanitatem, omnia regit, ac judicat, dominatur in regno potentia & gloria 1. Cor. XV. 28. id enim est sedere Exod. XI. 5. Deut. XVII. 18. 1. Reg. I. 13. 2. Thess II. 4. Fluit ex hac sessione rectè ex Scripturis explicata per necessariam consequentiam carnis Christi præsentia universalis in regno potentia gratiosa in regno gratiæ, gloriosa in regno gloria. Errant hic Calvinistæ, dextram Dei interpretantes certum aliquem & circumscriptum.



*enviscriptum in caelo locum, eiq; Christi humanitatem includentes.*

(d) Is, qui ascendit Θεάνθρωπος, veniet ἐπ' illo, in quo est juxta clarificati corporis naturam, visibili ἐπιφανείᾳ τῆς παρουσίας 2. Thessal. II. 8. ita ut nihilominus sedeat à dextris virtutis Match. XXVI. 64.

(e) Rom. VIII. 34. Heb. VII. 25. 1. Joh. II. 1. intercessione, non interpretativâ tantum, per meritum, sed reali & expressâ, est enim τὸ ἐντυχάνειν non mutum, sed expressum Act. XXV. 24. Rom. XI. 2. nec serviliter supplicatoria, Deo glorioso indigna; Sed interpellatione, apparitione & advocacy Θεανδελική καὶ ἰλαστική & hoc ipso diversa à παρεκλήσει illa Θεϊκῇ quâ & Pater & Spiritus S. dicuntur παρεκκαλεῖν 2. Cor. V. 20. Joh. XIV. 16. spectante tûm in genere mundum, id est, non conversos, ut convertantur, tûm in specie fideles, ut in agnita veritate proficiant, veniam peccatorum, post regenerationem commissorum, consequantur, gratiâq; specialis donis exornentur.

(f) Joh. XV. 26. vid. oraculum istud Johanneum diligentissimè expositum à Dn. Danhauero in Stylo vindice p. 86. seqq. Gal. IV. 6.

(g) Vocatio hæc absolutè & in genere spectata, prout includit etiam vocationem indirectam, quæ fit tûm intuitu hujus universi, ejusdemq; administrationis & divinæ in creaturas beneficentiæ Rom. I. 20. Act. XVII. 27. tûm per famâ generalē & cōfusâ de cœtu quodâ, in quo dicitur agnosci & coli solus verus Deus, 1. Reg. X. 1. seq. II. Reg. V. 2. 3. 1. Thes. I. 8. Rō. I. 8 pertinet ad totâ SS. Trinit. homines vocantē tû objectivè per propositionē creaturârû, tûm effectivè & prædagogicè, per conclusionū practicarum in mentibus infidelium suscitationem ad inquirendum de vero cultu Dei; Relatè verò & specificè, cum observato ordine ac discrimine personarum divinarum considerata, est opus Spiritus S. utpote qui est Spiritus Sapientiæ & Revelationis in agnitionem salutarē Dei, Ephes. I. 17. adeoq; ex consilio Patris & Filii opus hoc gratiâ perficit manifestando operâ Ministerii Act. XX. 27. benignissimam Dei erga universum genus humanum lapsam voluntatem per externam verbi prædicationem, distinctam & sufficientem ratione objectorum ad salutem credendorum, & bona per



per Redemptionis meritum parta omnibus in universum hominibus offerendo eā seria intentione ut omnes per Christum salvi fiant. Marc. XVI. 15. Prædicate Evangelium, ( doctrinam de Christo omnium salvatore) omni creaturæ (rationali) illi autem (scil. Apostoli post effusum in eos Spiritum S. ad tanti momenti negotium perficiendum, eos habiles reddentem, & hunc huc, illum aliò mittentem Aët. I. 8. c. II. 4. seqq. c. XIII. 2 ) prædicaverunt UBIQUE. Fuit itaq; Apostolorum tempore hæc vocatio universalis, quā nemo fuit privatus, nisi qui eam per evitabilem & voluntariam contumaciam propulsavit Aët. XIII. 46. Rom. X. 16. Ejus verò absentia & non-iteratio nihil præjudicat universali Dei gratiæ ac benevolæ voluntati erga omnes & singulos homines. Nam nobile illud depositum verbi sui semel spretum, vel non satis reverenter habitū à majoribus non tenetur Deus restituere eorum posteris, in progenitoribus suis, quorum moraliter pars sunt, vocatis, si præsertim eos præviderit futuros suorum progenitorum similes. Sanctum non est projiciendum canibus &c. Matth. VII. 6 Errant hic Calviniani, cū *Vocationem universalem vel simpliciter negant, vel dicunt, si qui vocantur ex illis, qui pereunt, eos vocari tantum vocatione externā; internam illis & sufficientem DEum voluntate decernente & efficiente negasse.*

(h) Primum medium acqvirendi salutem per Christum partam *παχυλῶς* & ratione ordinis, non causalitatis sic dictum ex parte hominis adulti est pœnitentia Marc. I. 15. Matth. IV. 17, consistens partim in agnitione, dolore & detestatione peccati. Psal. LI. 5. habente ut plurimum adjunctam sibi confessionem externam, non promerentem, sed probabilem tantum facientem pœnitentiæ sinceritatem 2. Cor. VII. 9. Aët. II. 37. c. III. 17. 19. Luc. XLIX. 13. Matth. XXVI. 75. Psal. XXXII. 5. 6. Partim in fide locata in gratiam Dei, meritò Christi partam, eamq; non solum applicabilem hominibus quibusdam, sed hic & nunc mihi pœnitenti impertiendam, & actu ipso perfidem impetratam Matth. III. 2. c. IV. 17. collat. cum Aët. XIX. 4. Aët. X. 21. ubi particula ET sumiter exegeticè quemadmodum cap. XXVI. 20. deniq; in studio novæ obedientiæ Aët. XXVI. 18. 20. trahens post se effective culpæ & pœnæ remissionem Psal. XXXII. 5. debitam in solidum



dū Deo propter Christū gratioſo Eph. I. 3. 9. c. II. 1. ac in ſpecie qvī-  
dem & terminativē Spiritui S. Ioh. III. 5. 1 Cor. VI. 11. Tit. III. 5.  
hominem adultum, ſpiritualiter mortuum, ex ſtatu peccati in ſta-  
tum fidei vi ſupernaturali & divinā transferenti ut agat pœnitē-  
tiam, adeoq; non procedens ab homine vel diſpoſitivē, vel meri-  
toriē, vel effectivē ullō modō ad eliciendā hanc conversionem ſe  
habente, ſed paſſivē qvoad receptionem facultatum pœnitendī,  
activē verō qvoad exercitiū peragendum per recens acceptas  
ā Deo facultates ſupernaturales 1. Cor. IV. 7. Errant hīc Papīſtæ,  
pronunciantes hominem ad hanc conversionem ſe poſſe diſpo-  
nere, ejuſq; actum per vires naturales aliquō modō elicere, effe-  
ctumq; promereri & acquirere per confeſſionē externā. A. C. art.  
12. Apol. in L. C. p. 161. Art. Smal. p. 319, Epit. p. 591. Solid. decl. p. 709.

(1) Baptiſmus aquæ ſic dictus ā materia externa, ad æqvata, terreſtri, viſibili, adjunctam ſibi habente inter-  
nam, cœleſtem ac inviſibilem, ā ſpeciali effectū baptiſmi diſtin-  
ctam, quæ alias dicitur VErbum, ſeu res verbo institutionis pro-  
miſſa Ephes. V. 26 inſtitutus ā Deo Triuno Ioh. I. 33. Speciatim  
ā ſecunda Trinitatis perſona, Matth. XXVIII. 19. qvatenus vox  
inſtitutionis univerſalem & perpetuam normam agendi cum uni-  
verſali obligatione obſervandi denotat, ad omneſ homineſ veros,  
natos ac vivos utriuſq; ſexuſ, ſive infantēſ, ſive adulti ſint. per-  
tinet Matth. XXVIII. 19. *Non eſt enim voluntas patris cœleſtiſ ut  
pereat unus de puſillis iſtiſ c. XVIII. 14.* ut medium ac remedium ſpe-  
ciale, ordinariū & in ſe ſufficiens, Luc. III. 3. Ioh. III. 5. qvōd tradu-  
cat homine� ē ſtatu iræ in ſtatum gratiæ divinæ auferendo peccata  
tūm qvoad reatum, tūm qvoad dominium ſeu habitum prædo-  
minantem, Marc. I. 4. contrā conferendo gratiam fidei iuſtifican-  
tiſ & ſanctificantis Tit. III. 5. non ex opere operato, ſed modo a-  
gendi inſtrumentali tūm ex parte Dei, efficientiſ per baptiſmū tan-  
quā mediū influens, in homine fidē & pietatem tūm ex parte ho-  
miniſ, recipientiſ hęc beneficia per fidē, Gal. III. 26. Marc. XVI.  
16. Fideſ enim omninō hic requiritur, nō ſolūm ex parte adultorū,  
qvibuſ per verbū jā initiatiſ & converſiſ Baptiſmū eſt regenerati-  
oniſ & adoptioniſ obſignatio & confirmatio juxta modum cir-  
cumciſionis; quæ & ipſa adultiſ erat *operatiſ* juſtitiæ Rom. IV. 2.  
verūm



53  
verum etiam parvulorum, qui non possunt frui salutifero fructu baptismi sine fide precedente, quoniam nulum verbum DEI, nulla promissio prodest, nisi applicetur animo per fidem Ebr. IV. 2. *fidem autem propriam* Habac. II. 4. Habent igitur & parvuli fidem, & quidem eandem specie cum fide ceterorum justificandorum Rom. IV. 14. siue concipiant eam per applicationem verbi institutionis & promissionis ex parte Dei, siue per ipsam baptismi collationem. Errant hinc tum Pontificii tum Calviniani, *asserentes quod propria fide careant infantes cum baptizantur. Calviniani preterea negant baptismum esse necessarium ad salutem, negant etiam omnibus infantibus prodesse, quod pariter falsum est atque erroneum.*

(k) Justificatio est totius Sacro S. Trinitatis Patris Rom. VIII. 33. Filii Esai. LIII. 2. 1. Cor. VI. 11. & Spiritus S. 1. Cor. VI. 11. actio externa, non infusiva justitiae physica, sed moralis & judicialis Genes. XLIV. 16. id quod ostendunt tum voces Hebraeae Zadek, in kal notans justum esse Ps. XIX. 10. CXLI. 2. in Hithp. seipsum justificare, in Hiphil absolvere, pronuntiare justum, & Graeca διακρίνω, quae non habet aliud sensum, quam vel irrogationis supplicii, vel absolutionis & declarationis 2. Sam. XV. 4. Ps. LXXXII. 3. Esa. V. 23. Luc. X. 29. c. XVIII. 14. 1. Tim. III. 16. tum phrasae ac termini, quibus hoc in negotio Spiritus S. utitur, nominans *debitum* Matth. XXVIII. 24. *Reum* Psalm. CXLII. Rom. III. 4. *accusatorem* firmis probationibus convincentem, hinc illud Apostoli, *αὐτὸν ἀποκρίναντα* Rom. III. 9. *testem*, conscientiam Rom. II. v. 15. & *Chirographum*, Tribunal Christi Rom. XIV. 10. 2. Cor. V. 10. *advocatum*, Christum 1. Job. II. 1. *Judicem*, Dominum Act. X. 42. c. XVII. 31. facta simul mentione gratiae, misericordiae, absolutionis a reatu; tum oppositio inter justificationem & accusationem, habentem sibi adjunctam condemnationem Rom. V. 16. c. VIII. 33. 34. *una* perpetuo, ratione causarum, formae, modi, *gratiosa*, propter solius Christi meritum, benevolentiae divinae & justificationis causam, meritoriam unicam Rom. III. 24. 25. Act. IV. 12. Ephes. II. 5. Tit. III. 4. gratia hinc *privativa*, dum obliviscitur peccatorum nostrorum, eaque nobis non imputat, sed remittit per quamdam quasi deletionem chirographi est rationario divino Rom. IV. 8. Col. II. 14. illinc *positiva*, dum imputat justitiam seu meritum Christi, recipit



recipit nos in gratiam, & pro justis habet ac reputat in suo judicio, haud secus, ac si à nobismetipsis hæc justitia fuisset præstita, adeoq; vi hujus imputationis, verè omninò sumus justi, etsi non inhæsi- vè, sed per extrinsecam saltem actionem, quæ veram etiam fundare potest denominationem 2. Cor. V. 21. Gal. III. 13. Phil. III. 9. Hæc justificatio aliàs fidei transcribitur, fidei inquam locatæ in gratiam Dei, hîc & nunc propter Christi meritum me justificantis. Hinc dicimur *justificari per fidem Jesu Christi Rom. III. 22. Gal. II. 16. ex fide Jesu Christi Gal. III. 22.* imò fides ipsa ab Apostolo imputari dicitur ad justitiam Rom. IV. 3. non sanè *πρώτως καὶ κατ' αὐτὸ* primò, & per se, ut qualitas propriè, aut opus aliquod bonum & eximii pretii, quasi ipsa sit justitia, aut ejus pars, aut etiam justitiæ locò ex censu & æstimatione Dei; sed *δευτέρως καὶ κατ' ἄλλο*, secundariò & secundum aliud, relativè nempe ad objectum Christum, ipsius justitiam & promissiones gratiæ, seu quatenus apprehendit Christi meritum. Hoc est quod Theologi orthodoxi dicunt, Fidem non justificare secundum esse suum absolutum, quatenus scilicet est bonus quidam habitus in homine; Sed secundum esse suum Respectivum, quatenus scilicet instrumentaliter apprehendit rem justificam seu justitiam Christi, quæ sola coram Deo valet, tanquam unicum Redemptionis nostræ *λύτρον*. Quando autem dicimus: Solam fidem justificare, tum non gratiam Dei aut media *δοτικὰ*, Verbum & Sacramenta, sed propria opera ex parte hominis sub notione meriti & instrumenti, ab actu justificationis excludimus, & hoc volumus, nullam aliam esse rem, quæ objectum justificum seu meritum Christi hominibus appropriet, nisi Fides. Non tamen ideò juxta nostram sententiam fides excludit bona opera ab homine qui justificatur, quasi ille in eodem, quo Christum ad justitiam amplectitur, momento, non possit aut debeat de emendatione sui & dilectione proximi propter Christum cogitare; Sed tantum ab actu justificationis. Nam si opera illuc immisceantur, gratia non est amplius gratia, & usu venit illud; quod Apostolus dicebat: *Si per legem vel opera justitia, Christus frustra mortuus est Gal. II. 21.* Errores Papistarum in hoc articulo sunt plurimi & gravissimi. Nam geminam fingunt justificationem, *primam*, cum ex injusto



55  
injusto fit justus, & secundam cum ex justo fit justior. *Fidem justificantem* vocant nudum assensum, imò ignorantiam potius, quàm notitiam appellandam censent. miris modis exagitantes fidem, specialē qvā fidelis qvilibet sibi ipsi applicat promissiones Evangelicas de remissione peccatorum per & propter Christum. *Imputationem justitiæ Christi per fidem* appellant *putativam justitiam*, nosq; *fide-solarios*, qvòd ex Apostolo doceamus, non nisi fide nos justificari. A. C. art. 4. 6. Apol. p. 60. 71. Act. Smalc. 304. 335. Epit. p. 583. declar. p. 682.

(l) Hujus renovationis causa effectrix terminativè & appropriativè Spiritus S. est Tit. III. 5. Rom. I. 4. Gal. V. 22. per verbum & sacramenta propter Christi meritum renovans hominis peccatoris, qvoad statum præteritum, regenerati autem & justificati, ratione status præsentis, adeoq; per acceptas supernè ex divina gratia vires ad renovationem suam concurrentis Rom. VIII. 13. Mutatione intrinsecā & successivā intellectum ad cognoscendum, voluntatem ad eligendum, affectus ad appetendum, facultates omnes ad exercendum bonum à Deo præceptum, sive expediendas adiones bonas & sanctas, Rom. XII. 2. Ephes. IV. 22. qvæ foras prodeuntes, vocantur bona opera Ephes. II. 10. ac tùm demum verè bona, & hac appellatione digna sunt, cum respondent normæ legis divinæ, fluunt è fide, bonum intendunt finem, ad qvum collineant per bona media, & circumstantias rectas, nec tamen perfectè bona sunt, qvia propter corruptionem subjecti exercentis, perfectæ renovationis ex natura sua incapaxis, non sunt exactè conformia legi divinæ Rom. VII. 14. 15. adeoq; non satisfactoria, nec meritoria vitæ æternæ, Gal. III. 12. neq; necessaria necessitate finis aut medi, sive acquirendam salutē spectes, sive conservandam, sed necessaria necessitate ordinis, præcepti, debiti, ad & propter Dei gloriam, Matth. V. 16. qui postea opera nostra ex gratia remuneratur non gloriā ipsā, sed gloriæ gradu Dan. XII. 2. 3. Errant hîc Papistæ opera renatorum absolute bona & meritoria vitæ æternæ statuentes. A. C. art. 6. 20. Apol. p. 83. Art. Smalc. p. 335. Epit. p. 588. Solid. decl. p. 698.

(m) Sacra Cœnā est Sacramentum N. T. adeoque uti à nobis celebratur, non habet rationem sacrificii iterabilis, cum semel



semel fuerit in cruce peractum à vero & unico N. T. Sacerdote Heb. VII. 27. 28. c. IX. 7. 12. c. X. 10. 14. constans tum materiâ terrestri, pane secundum substantiam verò, è farina, aquâ subacta pistò, sive fermentatus, sive azymus, oblongo vel orbicularis sit, Mat. XXVI. 26. Luc. XXII. 19. & vinò verò ac naturali, quod etiam post bibitionem vocatur genimen vitis apud Lucam. l. c. tum cœlesti, verò ac substantiali Christi corpore, quod in cruce pependit, ac sanguine, qui in cruce effusus est. Hoc complexum sacramentale exhibetur nobis sub speciebus panis & vini, 1. Cor. X. 16. manducandum ac bibendum manducatione ac bibitione verâ (quæ nihil est aliud quàm assumptio rei esculentæ vel potabilis per os in corpus ad reficiendas vires naturales vel spirituales) reali, propriæque proprietate non physica, sed significationis seu grammatica, opposita tropis Rhetoricis, vi unionis sacramentalis, quæ est vera realisque benedicti panis & corporis, itemque vini benedicti & sanguinis conjunctio vi & efficaciam verborum testatoris facta absque transubstantiatione, & corpus quidem mediante pane, manducatione simultaneâ, sanguis verò mediante vinò benedicto, bibitione simultaneâ, ore corporeo, in actu sacramentali constituto, percipiendum, modo supernaturali & ineffabili absque laniena Capernaitica à dignis æquè & indignis, 1. Cor. XI. 27. fide ad refectiorem spiritualem, ex parte Dei intentam; sumendum sub utraque specie juxta institutionem Domini, Matth. XXVI. 26. cœnantibus discipulis dicebat Jesus: *Edite hoc est corpus.* Iisdem in eodem actu continuo dicebat: *Bibite ex hoc omnes.* Quoscunque igitur obligat mandatum edendi, eosdem obligat etiam mandatum bibendi, quam obligationis æqualitatem non tollit præsentia concomitantia corporis & sanguinis. Errant hinc tum Papistæ, fingendo, *Christum in celebratione missæ iterum sacrificari, panem & vinum transubstantiari in corpus & sanguinem Christi; & laicis nefando sacrilegio calicem benedictum subtrahendo;* tum Calvinistæ, veram, realem, & substantialem cum pane præsentiam corporis Christi in Cœna, ejusdemque manducationem oralem, hoc est, quæ fit ore corporis, mediante pane, negantes & pernegantes. A. C. art. art. X. Apol. p. 157. Artic. Smalc. p. 330. Catech. min. p. 380. maj. 402. Epit. p. 597. solid. decl. p. 724.

(n) Mi-



57  
(n) Ministerium ad hoc à Deo est institutum, ut hominibus viam salutis patefaciat, salutisque media à Deo constituta ritè applicet, Matth. XXVIII. 19. Deus mittit homines Apostolos ad prædicandum omnibus populis, ad exhibenda sacramenta, & colligendam Ecclesiam, in qua ipse præsidebit usque ad consummationem seculi 1. Cor. I V. 1. sic nos æstimare debet unusquisque &c. II. Cor. V. 20. *Legati Christi sumus &c.*

(o) A communione omnium fidelium de gratia Christi justificante & sanctificante per eadem media; communione ejusdem fidei & professionis, circa utramque illam Christi gratiam, & denique communione mutue charitatis dicitur Ecclesia una, sancta, Catholica Ephes. IV. 4. 5. 6 c. V. 23. 24. *Influxus ab eodem spiritu, una spes salutis in vocatione proposita &c. dant denominationem unitati corporis mystici, dant nomen sanctitati, dant nomen universalitati & Catholicismo, A. C. art. 7. Apol. 144. Art. Smalc. 335.*

(p) Obad. V. 17. In monte Sion erit salvatio &c. II. Cor. VI. 14. 17. Errant hic gravissimè Papistæ, Ecclesiã Catholicam dictantes, quæ sequitur & agnoscit Papam Romanum pro vero, legitimo & ordinario Petri successore, & Christi in terris vicario, & pro capite visibili universalis Ecclesiæ; cum potius Ecclesia, quatenus sequitur Papam Romanum, seu quatenus est Pontificia, sit Ecclesia Anti-Christiana, uti Pontifex est magnus & nobilis ille Anti-Christus. Nostra vero Ecclesia, quæ invariata A. C. est addicta, potiori jure vocari potest Catholica, quia in ea purè prædicatur nulla sui parte mutilata doctrina, quæ à prædicantibus Catholicis, Apostolis, ubique locorum, & cum Catholica credendi ad salutem necessitate fuit tradita, literarumque monumentis ad omnem posteritatis, veram salutis viam edocenda, memoriam, literarum monumentis consignata & consecrata Joh. VIII. 31. *si vos manseritis in sermone meo verè discipuli mei eritis.*

§. 16. Sufficenter hætenus me probasse puto articulos fundamentales sub ratione veri, superest ut probem eosdem sub ratione necessarij, siquidem id tùm rei ipsius indoles, tum fides data exposcit. Hic denuò mihi aurem vellicant Walenburchii, voluntq; ut de uno quoque articulo, quem ad salutem creditu existimo necessarium, aperta scripturæ verba proferam, quibus

H

dicatur



dicatur hunc articulum, vel hos articulos, nec plures, nec pauciores ad salutem creditu esse necessarios. Nam hoc innuere videntur dicentes: *postquam aliquis articulus probatus sit sub ratione veri, superesse probandum sub ratione simpliciter necessarij, quod similiter præstandum sit verbis scripturae, quæ nunquam pariter posita aliò modò accipiantur, & contra quorum allegatum necessitatis sensum nequeat afferri ratio probabilis in contrarium.* Cap. VI. Motiv. ad Ernestum Hassiæ Landgravium. Hanc conditionem ipsi exigunt ab omnibus protestantibus, utpote ad quam præstandam ipsi sese adstrinxerint. Sed profectò nullus, quod ego quidem sciam, è genuinis Protestantibus, hoc unquam dixit scripsitvè vel expressis, vel ejusmodi verbis, ex quibus rectè possit colligi. Non igitur tenentur Protestantes ex hoc capite id præstare, sed nec ex aliò, ut tentent, necesse est. Nam validè se tueri possunt tum aliis rationibus, tum verbis Augustini, apud Pseudo-Augustinianæ methodi fabros autoritatis irrefragabilis, qui jam olim Maximo, Ariano- rum Episcopo, exigenti modò Walenb. expressum testimonium adorationis Spiritui S. exhibitæ vel exhibendæ, rectè respondit: *Quasi non ex his quæ legimus, alia etiam, quæ non legimus, intelligamus.*

§. 17. Equidem non diffitemur minus hîc difficultatis atque contentio- num fore, si quemadmodum in Scriptura satis perspicuè sunt revelata dogmata fidei, sic cujusque eorum expressis verbis inculcata esset ad salutem necessitas. Nunc verò (uti Theologi Rintelenses in sua illa *χρησολογία* syncretisticis affabre instructa epistola Apologet loquuntur p. 125.) Scriptura ipsas res, quo Spiritui S. visum est ordine revelasse contenta, num & quanta illarum credendarum in respectu ad salutem sit necessitas, sapius tacet quàm commemorat. Non tamen existimandum est, nos penitus hîc destitui necessariâ scripturæ informatione & doctrinâ. Nisi enim ex illa etiam cujusque articuli ad salutem doceri posset necessitas, actum esset de fundamento fidei. Tantum expressis ubique verbis non ait, hoc vel illud creditu ad salutem necessarium esse; quæ interim necessaria sunt, iis phrasibus descriptionibus, proprietatibus explanat, ut eorum cum præstituto fine necessariam conjunctionem, sive *ἀμείωτος*, sive inter-  
me.



mediâ alius articuli necessitate, promptum sit conjectare. Hoc ipsum est, quod Augustinus innuit, dicens, nos ex iis, quæ legimus, alia etiam, quæ non legimus, intelligere. Quod si igitur ita res sese habet, uti omninò habet, minori negotiò, quàm putant Walenb. necessitatem articulorum nostrorum ostendemus. Legimus in Scripturis Jesum Christum esse fundamentum, legimus hæc scripta esse ut credentes in eum, habeamus vitam æternam. Sic inquam legimus, ita scriptum est. Ex hoc intelligimus, & necessariò quidem intelligimus, simulq; probam⁹ non nisi per fidem ad vitam æternam nos in ædificari posse fundamento salutis nostræ Christo. Quæcunq; igitur dogmata ad fidem salvificam requiruntur ita, ut sine illis vel existere, vel subsistere nequeat, sunt necessaria seu articuli necessarii.

§. 18. Fides salvifica, sensu styloq; Biblico, est fiducia. Rom. IV. 21. Ephes. III. 12. quâ homo peccator Mat. IX. 13. 1. Tim. I. 15. 16. confidit Matth. IX. 2. Joh. XVI. 33. DEum velle misereri propter Christi meritum Rom. IV. 20. 25. c. XI. 32. Gal. IV. 4. 5. 1. Tim. II. 4. A& IV. 12. ejus in individuo Gal. II. 20. 1. Tim. I. 16. 2. Tim. I. 12. & vitam æternam ipsi donare Joh. III. 16. Tit. III. 2. 1. Pet. I. 9.

§. 19. Jam mihi quæso attende homo Christiane. I. Audis fidem salvificam esse fiduciam. Debes itaq; si salutis æternæ cupidus es, fiduciam concipere. Hic ne errorem erres exitalem, opus tibi est ductore, qui te ducat in omnem veritatem. Sed hunc nuspiam inveneris extra Scripturâ, quàm ideò nonnulli, & meò quidè judiciò non malè, appellant fundamentum instructionis. Itaq; hoc in negotio indicio & judicio Scripturæ unice nitendum standumq; tibi, & omninò credendum est, eam esse ipsissimum, infallibile atq; omnimodè perfectum verbum Dei, cui hodie post sublatas prophetias 1. Cor. XIII. 8. unice attendendum, ita, ut nulli, neq; Angelo de cælo extra & præter verbum scriptum, aliquid annuncianti in negotio fidei tutò credendum sit monitore Apostolo Gal. I. 8. Quamobrem ut fiduciam concipere, queas salutarem, sinceram & ἀμετάνοον omninò necesse est, ut de SCRIPTURÆ S. ΘΕΟΠΡΕΣΙΑ, INFALLIBILITATE ATQVE PERFECTIONE OMNIMODA sis persuasissimus,



§. 20. II. In DEUM. Vides hic præprimis tibi necesse  
 esse, ut nōris esse DEum. Nam accessurum ad DEum oportet  
 credere DEUM ESSE, inquit Apostolus Heb. XI. 6. Nisi hoc ex  
 animo credas, ad DEum nec accedes, nec accedere unquam po-  
 teris. Sed nec in eum poteris firmā recumbere fiduciā, nisi teneas  
 Eum esse (α) MISERICORDEM, qui velit omnibus miseriis gra-  
 tiosissimè succurrere, modò ipsi suam agnoscant miseriam, &  
 ordini divinitus præscripto parentes Salvatoris implorent ope-  
 ram. (β) OMNIPOTENTEM, qui omnia efficiat & possit efficere,  
 adeòq; sibi piè confisos & morigeros salvare, impiè adversantes  
 & refractarios damnare. (γ) ÆTERNUM qui cum semper idem  
 sit, atq; aliq non fiat non nisi uno saltē modo de eo sentiendū spe-  
 randumq; esse, posse illum etiam æternū vel beare, vel damna-  
 re. (δ) VERACEM, qui verbis apertis absq; simulatione & hy-  
 pocrisi quid velit indicet, & quod vel promisit, vel comminatus  
 est, certissimè præstet. (ε) OMNISCIUM ET OMNIPRÆSEN-  
 TEM, qui omnes mortalium cogitationes & actiones perfectè  
 habeat cognitās, & ubivis locorum & omnibus nostris actibus  
 tremendā suā majestate adsit. (ζ) SANCTUM. Sanctitatem Dei  
 credere, fiduciā adeò necessariū est præsupponi, ut DEum nemo  
 cogitare possit, nisi simul sanctum cogitet. Ex formæ ac harmo-  
 niæ necessitate sequitur, ut non tantū quod & quid sit, sed etiā  
 quis sit ille DEus agnoscas, adeòq; ex fidei connexionē, DEum  
 esse TRINUM sive UNUM & TRINUM, quod ideò creden-  
 dum est, quia Scriptura expressè testatur *Eum non habere patrem,*  
*qui non habeat Filium Joh. VIII. 19. 1. Joh. II. 23. qui non habet Spiritum*  
*Christi, non esse Christi Rom. VII. 9. & à cognitione diversarum in*  
*Deo personarum salus disertè suspenditur Joh. XVII. 3. 1. Joh. V.*  
*11. 12.* Hinc patescit hujus articuli cognitionem & fidem omnibus  
 salvandis esse necessariā in V. & N. Testam. Nam si homines  
 sub V. T. non cognoverunt Filium & Spiritum S. non habuerunt  
 nec Filium, nec Spiritum S. Si uon habuerunt, nec Patrem habu-  
 erunt, adeòq; non fuerunt verè fideles, nec salvati. Confer c.  
 XV. A&. ubi cum Pseudo-Apostoli plura objecta, & creditu &  
 factu necessaria esse contenderent, respondebant Apostoli v. 11.  
*se una eademq; illa fide salvatum iri, qua salvati sunt Patres.* Nec  
 dubium



61  
dubium est, quin Spiritus Christi, qui fuit in Prophetis, vaticiniaq;  
Prophetica illis & per illos aliis interpretatus est 1. Per. I. 10. &  
Prophetæ διὰ τῶν ἀδελφῶν Luc. I. 70. testimonium illud de SS. Trini-  
tate Jes. VI. 3. quod idem Spiritus S. de Patre, Filio & se dictum  
esse in N. T. declarat Joh. XII. 41. Act. XXVIII. 25. eodem modo  
in V. quoq; Testamento (quoad rem ipsam, non rei evidentiam  
& claritudinem N. T. fidelibus reservatam) exposuerint, quo  
Christus & Apostoli illud in N. T. exposuerunt. Nec mino-  
ris necessitatis est credere IMMORTALITATEM ANIMÆ, RE-  
SURRECTIONEM CARNIS, EXTREMUM JUDICIUM, VI-  
TAM AC MORTEM ÆTERNAM, quæ adeo arctè cum agni-  
tione DEI connectit Salvator, Matth. XXII. 32. ut neget credi  
posse DEVM ESSE, quin credatur illos etiam ESSE, quorum  
DEUS DEUS est, adeoq; Abrahamum, Isaacum, &c. quanquam  
mortuos, adhuc, ut habet Lucas, vivere El. c. XX. 38. adeoq; resur-  
recturos. Si enim (non solæ animæ, sed) personæ Abrahami &c.  
Deo vivunt, hoc est coram oculis Divinis, certò futura ut præsen-  
tia conspicientibus, vivunt, (confer Marc. V. 39.) Ergò revera  
resurrecturi sunt. Atq; hæc causa esse videtur, cur Apostoli in  
suis conversionibus hos articulos de novissimis ordine quasi ana-  
lytico semper subtraverint doctrinæ de Christo Act. XVII. 18. &  
31. c. XXIV. 15. Nemo sanè de salute in Christo anxius erit, nisi  
quem novissima perculerint. Sensus peccati & metus pænæ hîc  
quasi catenam accirculum faciunt, ideò hæc doctrina expressè  
inter fundamenta numeratur Heb. VI. 1.

§. 20. III. GRATIOSVM PROPTER MERITUM CHRI-  
STI. Ut hîc rectè credas, necesse est te nosse QVIS SIT CHRI-  
STUS, nempe Θεὸς ὑποφωτισμένος sive UNA PERSONA, in qua divi-  
na & humana natura sibi ita sint unitæ, ut Deus & Homo consti-  
tuant unum ὑψιστόμενον, unum Mediatorem. Hæc VNIO si ig-  
noratur, tunc aut objectum fidei periculose duplicatur, aut fi-  
des fit vaga, & hoc ipso nulla, quia non certo fundamento niti-  
tur. Sicut autem de VERITATE DIVINÆ NATVRÆ liqui-  
dò constare oportet, eò quòd aliàs firmiter credere non possim,  
infiniæ Dei justitiæ pro nobis plenè satisfactum; ita neuiquam  
dubitandum de VERITATE HVMANÆ NATVRÆ, quod



aliter redimī non potuerimus nisi per passionē & mortem.  
 Pontificis N. T. quam ut subiret pro nobis, necesse fuit esse ve-  
 rum hominem, & hominem quidem per se non obligatum legi,  
 utpote planē ἀναάπτρον, cui ἀναμάρτησις conceptionis purita-  
 tem præsupponi clarum est. Spectat igitur huc Christi, tanquam  
 hominis veri CONCEPTIO ET NATIVITAS ex Maria virgi-  
 ne. Deinde, ut firmiter credere possis, DEum propter Christi  
 meritum TIBI fore gratiosum, necesse est, ut teneas Christum,  
 RATIONE INTENTIONIS, MERITI ET ACQUISITIONIS  
 ESSE SALVATOREM VNIVERSALEM, id est omnium, quo-  
 cunq; locō & tempore viventium hominum, ut possis in indivi-  
 duo de Te subsumere: Christum tuū esse Salvatorem obedientiā  
 suā activā & passivā, quod pertinet ad ipsam fidei naturam &  
 constitutionem intrinsecam, quæ firma esse non potest, absq;  
 præsupposita universalitate meriti, ejusdemq; effectu absoluto,  
 qui est PLENISSIMA SATISFACTIO pro omnibus  
 hominum peccatis, & reconciliatio DEI, qui cum pe-  
 nitus, antea à nobis esset averfus, jam in respectu ad meri-  
 tum Christi, sive propter meritum & satisfactionem Christi seriō  
 vult omnes homines salvos fieri, & ad agnitionem veritatis per-  
 venire, quō nomine omnibus offerri curat media sufficientia ad  
 salutem perveniendi. Pertinent huc articuli de Christi PASSIO-  
 NE, MORTE, SEPULTURA. DESCENSU AD INFEROS,  
 ASCENSU in cœlos ET SESSIONE AD dextram DEI, quatenus  
 spectantur non ut actus purē historici, sed ut sunt partes officii  
 mediatoris. Ac de passione, morte, atq; ad eā spectante sepultu-  
 ra rem puto esse planam. De descensu ad inferos dubitare non  
 poterit, qui cogitabit, non nisi morte victoriosa nobis salutem  
 recuperari potuisse, adeo ut nisi victoria secuta fuisset, nos re-  
 dempti non essemus. Hinc ipse Calvinus in Harmonia p. 374.  
 dicit: *Res non levis momenti erat scire, paratam esse à Filio Dei de*  
*morte victoriam, in quo vertitur salutis nostra summa.* Sic Rivetus  
 in Catholico orthodoxo. fol. m. 282. dicit, quod *articulus iste*  
*doctrinam tam necessariam contineat, ut nullatenus omitti debeat.*  
 Quod verò Resurrectio sit articulus necessarius inde patet, quia  
 Scriptura testatur à Resurrectione Christi salutem & resurrectio-  
 nem



63

nem nostram pendere, adeò ut sine illa vana esset nostra fides, & nos adhuc essemus in peccatis 2. Cor. XV. 15. 16. 17. Rom. IV. v. ult. 1. Pet. I. c. III. 21. Idem iudicium esto de ascensu Christi in celos & sessione ad dextram Patris. Nam hæc adeò necessariò ad salutis nostræ fundamentum in Scriptura dicuntur pertinere, ut dicatur *quia ipse vivat, & nos vivere debere Joh. XIV. 19. quia ipse consecutus sit gloriam, quod & nos eò simul venturi, & illam visuri c. XVII. 24. quæ ipse abiens nobis locum cælestis mansionis præparavit. c. XIV. 2. 3. quod ipso ascendente ad patrem suum & nos simul ascensuri ad Patrem nostrum c. XX. 17.* quod ipse ideò sedeat ad dextram Patris, ut nobis dona Spiritualia largiatur, nobis præstò sit, preces nostras exaudiat, nos iustificet & glorificet in æternum Ephes. IV. 8. 10. 11. seqq. Hebr. VII. 24. 25. adeò ut isthæc omnia intermissa fuissent; nisi ille ad Patrem abiisset. Joh. XVI. 7. Cum igitur Scriptura innuat à sessione Christi ad dextram Dei Patris pendere nostram salutem & gloriam æternam, adeò ut sine illa hæc non potiremur; inde colligimus, sessionem illam necessariò pertinere ad fundamentum salutis nostræ, seu esse articulum fundamentalem. In hac verò sessione cum virtualiter contineatur omni-præsentia carnis Christi, hinc & ipsam pro articulo fundamentali habemus.

§. 21. TIBI. Hic non tantum necesse est ut credas, te esse gratiæ indigum, verum etiam ad eam modis omnibus tibi contendendum. Sed ut illud non rectè credes, nisi præcognoscas PECCATVM ORIGINIS, quod teterrimum malum qui non rectè intelligit neq; cogitat se naturam ita penitus esse corruptam, ut boni nihil in rebus præsertim spiritualibus EX RATIONIS SVÆ VIRIBVS queat efficere, ad verum fidei fundamentum sincerè nequit contendere. Sicut architectus, qui non intelligit lapidis fabulosi, vel ligni cariosi defectum de solidiori fundamento non est sollicitus: Ita neq; hoc facere poteris, nisi cognitam habeas DOCTRINAM de POENITENTIA. Hæc itaq; uti est medium, consequenda salutis prævium, maximopere est præcognitu necessaria, quum Christus ipse se ideò resurrexisse testetur, ut prædicaretur poenitentia & remissio peccatorum gentibus

quibus-



quibusvis Luc. XXIV. 47. quum ipse eam docuerit, & Apostolos emiserit. ut docerent Marc. I. 15. c. VI. 12.

§. 22. Haec tibi, homo Christiane, tradidi dogmata ad fidem generandam necessaria, ac illam quidem materialiter ingredientia & intrinsece constituentia exhibui in definitione; eidem vero necessario praesupposita in §. subsequenti exposui. Jam accipe necessaria ad fidem conservandam, sive necessaria fidei consequentia, sub quorum nomine non ea saltem veniunt dogmata, uti optime docet & loquitur Hülsemannus in disput. de dogmat. necess. §. 61. quae ex doctrinis fidei intrinsecis ita deducuntur, ut iis in praxi negatis à posteriori fides destruat. v.g. Si quis fiduciam in Christum absque studio Sanctae vitae integram servari posse doceat: Sed & ea, quae circa organica versantur, atque ad fidem teneram corroborandam conservandamque à Deo instituta sunt, qualia sunt: Auditus & meditatio verbi, doctrina de Sacramentorum usu & efficacia &c. quae & similia, summam necessitate iis, qui profectus in fide fecisse desiderant, credenda esse nemo negabit, praesertim quum post fidem conceptam de eius veritate cum Diabolo & carne homini pio saepius conflictandum sit, neque omnibus, postquam summa fidei capita complexi sunt, exemplum hinc migrare contingat ut latroni Luc. XX. *Sed sint tentationes subeunda, ut exploratio fidei nostra multo pretiosior fiat exploratione auri ad diem revelationis Christi 1. Pet. I. 7.* Quam necessaria igitur sunt columna & compages turri in altum erectae, ne turbinum aut imbrium vi rursus deiciatur, tam sunt excitatae fidei sustententia Scripturae dogmata, quae scutum fidei, gladium Spiritus &c. Apostolus appellat, nisi quam lignorum & lapidum contignatione domum concinne extructam gaudemus, factio ventorum & maris impetu stratam velimus deplorare.

§. 24. Ad hanc classem pertinet (1) DOCTRINA DE AETERNA DURATIONE ATQUE IUSTITIA EXECUTIVA DEI, pios ac fideles praemiis aeternis, impios vero atque infideles supplicii perpetuo duraturis atque inexplicabilibus certo affecturi, quae fulcra nisi supponantur fidei, citò iterum collabatur atque deficiet, oppressa vi sensuque vel voluptatum vel calamitatum huius vitae. (2) DOCTRINA DE SANCTITATE  
EFFE-



65  
*effectiva Dei, efficientis, vel efficere in nobis per media ordinaria*  
*intendentis, serioq; præcipientis studium sanctè pieq; vivendi,*  
*quod qui non sectatur, hoc ipso ostendit se non habere fidem ve-*  
*ram, nec esse in numero sanctorum, quibus obtinget vitæ aternæ*  
*hæreditas. (3.) DOCTRINA DE COMMUNICATIONE*  
*IDIOMATUM, quam doctrinam idè tenere oportet, ne sedu-*  
*camur ab iis, qui negantes communionem proprietatum divinæ*  
*& humanæ naturæ negant communionem naturarum in se, ne-*  
*gant Christum Deum & hominem esse in una persona, & conse-*  
*quenter aptum, qui genus humanum redimeret. In quem erro-*  
*rem si incidamus, actum est de fide nostra. (4.) DOCTRINA*  
*DE COMMUNICATIONE OPERATIONUM IN CHRIS-*  
*TO, cujus contrarium qui asserit ac propugnat is actionum, cir-*  
*ca salutem nostram occupatarum unitatem dirimit, consequen-*  
*ter agentis unitatem divellit, & tandem fiduciæ unitatem diffi-*  
*pat. (5.) DOCTRINA DE OFFICIO CHRISTI REGIO.*  
*Nisi enim credamus Salvatorem nostrum talem esse, qui perpe-*  
*tuo vivat & dominetur, eosq; quos redemit, tueri ac salvare pos-*  
*sit & velit, facili negotiò fides in ipsum locata potest subruì, acce-*  
*dente præsertim hostium crucis Christi furore. (6.) DOCTRINA*  
*DE OFFICIO CHRISTI PROPHETICO. Nam ad fidem*  
*corroborandam plurimum facit nosse ac credere Christum*  
*vi hujus officii esse salutis præconem universalem, qui per mini-*  
*stros suos curet omnibus ostendi viam salutis. (7.) DOCTRINA*  
*DE ECCLESIA, quam nos cognitam habere oportet, ut certò*  
*statuere possimus, nos esse inter eos, quos Deus per verbum vo-*  
*caverit, fidem justificaverit, sacramenta obsignaverit, & hoc mo-*  
*do allegerit inter suos, seu peculium suum, ut Apostolus loqui-*  
*tur Tit. II. 14. (8.) DOCTRINA DE EFFICACIA VERBI,*  
*quæ quidem non est per se cognita necessaria ad conservandam*  
*fidem, sed ad excludendam heterodoxam de ministerio verbi*  
*opinionem, quâ imbibitâ admissaq; medium conversionis &*  
*confirmationis in fide ordinarium, ineptum efficitur. (9.) DO-*  
*CTRINA DE SACRAMENTIS, quæ credenti, & in fide jam*  
*viventi necessaria est ad id, ut per baptismum adultis quidem fi-*  
*dem obsignari, ut Eunacho Act. VIII. 37. c. X. 47. Cornelio & do-*



mesticis, per usum Cœnæ confirmari ita, ut Christum pro quolibet individuo corpus tradidisse, fuisse sanguinem Luc. XXII. 19. à singulis credatur, adeoq; constet, quibus mediis fiduciæ in Christum conceptæ alimenta conferantur, ne qua contabescat, qua de re singulos curam suscipere, summopere necessarium est.

§. 25. Est quod hoc loco non inutiliter moneam, nimirum, quæ ego vocavi consequentia fidei, appellari ab aliis orthodoxis Theologis articulos fidei secundarios, eò quod non sint præcisè ad fidem salvificam necessaria. Hanc ad classem deinceps omnia dogmata referunt, quæ non nisi ex accidente necessaria sunt, ad prohibendum dogma contrarium, fidei perniciosum, e.g. capita de imenitate, infinitate, spiritualitate Dei; de proprietatibus caracteristicis, quibus distinguuntur personæ divinæ inter se, de processione Spiritus S. à Patre & Filio, de decreto electionis & reprobationis, fidei & infidelitatis intuitu ab æterno factæ, de justificatione per meriti Christi imputationem, exclusâ justitiâ inhaerente. B. Hunnius in *διὰ τὴν ψα* ita hac de re mentem suam exponit: *Articuli quidam fundamentales sunt, non UT FIDES SIT. Sed ad præcavendum falsas opiniones fidei contrarias, non ratione suæ positionis, sed oppositæ negationis, non propter se, sed propter alios articulos; siue per accidens, non per se, quatenus ipsi suo concursu fundamentum non efficiunt, saltem præcavent, ne error oppositus fundamentum per alia dogmata rursus destruat, ut non tam dogma ipsum sit fundamentale, quam contrarius error, quem dogma averit ac tollit.* §. 63. Deinde & hoc notari velim me distinguendo credenda fundamentalia in antecedentia, constituentia & consequentia fidem minimè pollicem premere novatoribus, eadem distinctione, sed sensu longè aliò utentibus. Nam hi sola illa dogmata, quæ fidem constituunt, dicunt esse fundamentalia, antecedentia verò & consequentia non pertinere ad fundamentum, adeoq; salvò fundamentò posse vel ignorari vel negari. Ego verò, secutus B. Hülsemannum, Theologum dum viveret cordatum, gravem, accuratum, & quod caput rei est, *ὁρθόδοξόν*, Præceptorem meum etiam post fata honoratissimum, tum quæ necessariò antecedunt fidem constituendam dogmata, tum quæ constitutam ita consequuntur, ut illis remotis fides iterum collabatur, assero credi-



67  
creditum ad salutem necessaria, adeoque articulos fidei fundamen-  
mentales.

¶ VI. Omnes articuli fundamentales sunt ne-  
cessarii, non tamen omnes ac singuli eodem necessitatis  
genere ac gradu.

§. 1. Esse de essentia articuli fundamentalis ut  
sit necessarius, est in confesso. Necessarium autem, ut constat, ali-  
quid dicitur, respectu finis, qui hoc loco vel est ultimus, salus æter-  
na, vel intermedius, sine quo ultimus obtineri nequit. Fides salvi-  
fica. Utriusque finis respectu articuli fundamentales sunt ac di-  
cuntur necessarii, quando quidem mutuâ quadam *χέρεσι* utrumq;  
finem respiciunt ac sibi conjungunt, adeo ut quicquid cognitu  
aut creditum ad fidem salvificam fuerit ullô modô necessarium, id  
perinde sit necessarium ad salutem, & quo ignorato aut non cre-  
dito nihilominus obtineri queat salus, ejus nec ad assequendam  
fidem noticia simpliciter requiratur. Dico simpliciter. Nam  
duplex est à causa finali necessitas, ut docent Metaphysici, alia  
nempe à suppositione finis simpliciter, quam vocant neces-  
sitatem indigentia, alia à fine commodius vel tutius consequendo,  
quam vocant necessitatem expedientia. Cum igitur ita res sese  
habeat, ego etiam jam antè dixerim, credendum aliquid neces-  
sitate vel indigentia, vel expedientia, simplici vel hypothetica  
nunc transferendo thesin ad hypothefin, actumq; exercitum ap-  
plicando ad signatum, agam de tanti momenti negotio paulô  
fufius.

§. 2. Scholastici, eosq; secuti Pontificii communiter  
distinguere solent inter articulos fidei necessarios necessitate me-  
dii, & necessarios necessitate præcepti. Dicunt autem id neces-  
sarium necessitate medii, quod est absolutè necessarium ad con-  
sequendum finem, & sine quo non acquiritur finis. Gibbon de  
Burgo dicit, *illud dogma esse necessarium necessitate medii, sine quo  
etiam inculpabiliter ignorato finis ultimus obtineri nequit* in de Luche-  
ro Calvin, Schismat. disp. I. q. I. §. 10. n. 4. *Articuli necessarii neces-  
sitate medii dicuntur, sine quibus crediis nullus absolute secundum  
legem Dei ordinariam salvari potest*, inquit W alenburchii. *Neces-  
sarii necessitate præcepti dicuntur, qui ex præcepto divino credi qui-*  
*dem*



dem debent, sed sine quibus aliqui absolute salvari possunt, habitis scilicet necessariis necessitate medii, dicunt iidem, adijcentes: Non putamus necesse, ut haec duo separemus, cum inter Christianos, ubi sufficienter & abundanter promulgatum est Evangelium Christi, nullus sit, qui non teneatur credere omnes articulos necessarios, quos Deus praecepit credi in Exam. Princ. III. p.m. 163. Notabilis sane nec improbanda appendix. Alias haec distinctio sensu scholastico merito est reputanda, utpote quo Pontificii articulos juxta scripturam necessitate medii necessarios, perperam negant istam necessitate necessarios, & convertere volunt in necessarios solum necessitate praecepti.

§. 3. Non possum autem quin hic obiter immania opinionum inter Pontificios circa dogmata, quae necessitate medii necessaria volunt, notae divortia, nec dum definitione Synodi Tridentinae composita. Disputant enim (1) Quidam; non esse necessarium necessitate medii aliquid credere. (2) Quidam idem eorum supernaturale, quae natura alioqui quodammodo constant, ut esse Deum, non esse de necessitate medii. (3) Quidam; sufficere ut explicitè teneatur Symbolum Apostolicum. (4) Quidam; non sufficere, sed & requiri notitiam explicitam decem praeceptorum, & quorundam Sacramentorum (5) Quidam; ne quidem explicitam Symboli notitiam esse de necessitate medii, quod multa in eo contineantur ex praecepto tantum credenda, sine quorum explicita fide salus possit obineri (6) Quidam; necessarium esse necessitate medii credere Deum Triunum, & Christum Deum & hominem, (7) Quidam; non esse id necessarium, nisi ex praecepto. (8) Quidam; non esse necessarium hac necessitate explicitè credere mysterium incarnationis, passionis & mortis Filii Dei, sufficere ad salutem fidem implicitam; si explicitè credatur esse Christum mediatorem, id est, esse aliquem, qui nos Deo reconciliet. (9) Quidam; Sufficere hoc quidem ad justificationem, sed non ad consequendam salutem eternam. Dominus Ursinus in Regula credendi p. 28. dicit specimen egregii hujus consensus extare apud Coningium de actibus supernat. disp. XIV. Dub. 8. & 9. Ad Dn. D. Calovii Tom. I. Syst. Theol. c. V. Sect. I. p. 786. & confer Dn. Haberk. disp. tert. §. 49. contra Walenburchios, quos egregium hunc consensum scilicet praecipue considerare velim, ut deinceps desinant nostra Ecclesia incertitudinem quoad



69  
quoad articulos fundamentales objicere, cum hæc nulla sit, & ipsi domi habeant quod agant, emendent, explicant, determinant, concilient. Hinc simul patere arbitror, me rectè s. præced. dixisse, distinct. inter articulos necessarios *necessitate medii* & præcepti sensu Scholastico repudiandam esse. Quod si verò hæc ipsa distinctio rectè explicetur & applicetur, commodè retineri potest non abnuentibus Theologis Orthodoxis, eâ utentibus in art. de B. O. Quoad præsens negotium distingvendum arbitror inter *medium essentia*, & *medium excellentia*. Medium *essentia* voco, sine quo finis simpliciter obtineri nequit; Mediū verò *excellentia*, per quod finis facilius tutiusq; obtinetur. Coincidit igitur mediū essentia cū necessit. indigentia, mediū cum necessit. expedientia,

§. 4. Ante verò, quàm hæc applicem, præsuppono contra Scholasticos nonnullos fidem aliquorum mysteriorum supernaturalium esse necessariam necessitate medii ad salutem. Heb. XI. 6. *sine fide impossibile est placere Deo*, ubi τὸ impossibile, ut ipsimet Scholastici fatentur, necessitatem medii denotat. Accedat & ratio. Ut homo in suum ultimum finem supernaturalem tendat, debet tam ipsum, quàm media, illi obtinendo necessaria, cognoscere. Atqvi fieri planè non potest, ut hæc sola Ratione naturali liquidd cognoscantur; Nam Ratio sibi relicta non cognoscit DEum elegisse homines ad participationem gloriæ cœlestis, neq; assequitur, vi sibi indita ac naturali, media quibus homo eò pervenire debeat; hæc enim supernaturalia sunt secundū entitatem. Ergò ad consequendam vitam æternam, necessarium est ut aliqua, captum naturalem excedentia, atq; ex sola Revelatione cognoscibilia, credantur.

§. 5. Hoc præsupposito dico PRIMO. Quæcunq; dogmata definitionem fidei materialiter ingrediuntur e. g. capita de universali benevola voluntate Dei erga genus humanum lapsū, de universali merito Christi, de seria Dei intentione applicandi Christi meritum omnibus, & dandi applicationis medium, fidem scil. omnibus, de justificatione per unicum Christi meritum fide apprehensum, habent necessitatem credendi simplicem & catholicam quoad singula ordinariè salvandorum individua, singulaq; tempora. Ratio est, quod juxta æternum Dei bene-

I ;

pla.



placitum non possumus salvari nisi per fidem in Christum Iesum Act. IV. 12. *Una autem est fides, sicut unus Dominus Eph. IV.* Licet verò quoad literam demonstrari non possit, fideles V. T. de capitibus istis tam perspicue atque nos fuisse informatos, unitas tamen fidei non patitur tanti momenti capitum distinctam notitiam illis detrudere Act. XV. 11. Hinc illud: *Tempora sunt patribus, non variata fides.* Non igitur est, quod quis dicat plures progressu temporis factos articulos fidei; qui antea non fuerint v. g. *quod Iesus Nazarenus sit Messias.* Nam progressu temporis facta tantum est expressior, clarior, atque uberior quorundam explicatio, quæ magis implicite & obscurius primò tradita fuerunt, sive quæ antea implicite includebantur & continebantur in articulo aliquo generaliter tradito, ipsis articulis in sua substantia & quidditate semper iisdem manentibus. Sic Iesus Nazarenus, Messias semper idem est, licet tempus sit vel futurum, vel præsens, vel præteritum, ac modus & *Ætæ* sint aliæ atque aliæ. Neque hic nobis Dn. D. Danhauerus adversatur, dicens, *quod fundamento fidei Adamice Protevangelio accesserit fides de Messia virginis Filio, & huic de Messia nascituro in Bethlehem, & huic, de Iesu Nazareno &c. in Sigal p. 202.* Nam sicut ipse distinguit inter fundamentum necessario credendum, quod semper idem sit, & inter articulos fundamento superstructos, qui possint pro tempore variare; sic ego distingvo inter multiplicationem articulorum fundamentalium specificam & numericam; illam, quoniam semper una est fides Ephes. IV. 5. Act. XV. 11. nego, hanc concedo. Hinc Dominus Danhauerus ipse in stylo vindice æternæ process. Spirit. S. de extensione vel extensibilitate credendorum loquens, asserit, ejusmodi articulos specie quidem novos, Revelatione tamen & autoritate internâ ipsis, in quibus virtualiter latent, SS. literis coavos vid. vid. p. 240. styl. V.

§. 6. Dico SECUNDO; Quæcunq; dogmati, definitionem fidei materialiter ingredienti, immediate substant. habent, ut dogma, cui ita substant. necessitatem credendi simplicem, Ratio est, quoniam unum sine altero esse vel cognosci crediq; salutariter nequit v. g. *Benevole voluntati Dei substat ejus essentia, quod sit; satisfactione Christi, ejus divinitas,* per quam ad eam præstandam



76.  
dam fuit sufficiens; deinde ejus humanitas, per quam ad illam  
morte suā consummandam fuit habilis. Quā igitur necessitate  
credendum est salvando, DEum sibi benē velle, eādem ipsi cre-  
dendum, Deum esse, imò nisi hoc credat, illud credere planē non  
potest. Quā necessitate credit Christum pro se satisfecisse, eā-  
dem ipsi credendum, Christum esse Θεόν ὁμολογῶν.

§. 7. Dico TERTIO, Etsi quædam ex natura rei ad fidu-  
ciam in Christum consequendam non videantur necessaria, ta-  
men, quia Scriptura cum fiducia in Christum tam arctē ea con-  
juncta, ut sine salutis dispendio ignorari nequeant, habere cen-  
senda sunt eandem cum prioribus necessitatem. Talia sunt ple-  
raq; mysteria e. g. *Trinitatis*, cujus notitia non videtur evidenti  
necessitate ad excitandam in Christum fiduciam requiri; Quum  
tamen Scriptura testetur, *eum, qui non habet Filium nec Patrem  
habere Joh. VIII. 19. 1. Joh. II. 23. Qui non habet Spiritum Christi, non  
esse ejus Rom. VIII. 9.* & consequenter, qui unam Trinitatis perso-  
nam non agnoscat, in nullam earū posse fiduciam ponere; necessa-  
riū statuendum est, tametsi talium mysteriorum influentia in fi-  
duciam nobis non pateat quomodo & qualis sit; attamen ea  
mysteria credenda, idē, quia Scriptura cum manifesta aliqua  
fidei causa adeō arctē copulaverit, ut sine utriusq; labe neutri  
fiduciam derogari queat. Ejusdem generis sunt mysterium *Incar-  
nationis* de quo 1. Ioh. IV. 3. *Resurrectionis* Matth. XXII. 32. &c.

§. 8. Dico QVARTO: Quæ definitionem fidei materi-  
aliter non ingrediuntur, nec immediatē ei substant, neq; tam  
arctē in Scriptura cum fiducia in Christum conjunguntur, ha-  
bent necessitatem credendi hypotheticam & particulare, adeōq;  
non semper, nec ab omnibus ea credi oportet fidei explicitā, sed  
possunt salvā salute ignorari. Nec propterea hi articuli desinunt  
esse fundamentales ac necessarii, licet non habeant eandem cum  
prioribus illis credendi necessitatem. Nam verē fundamenta-  
les eā communi ratione sunt & manent, quā omne illud dogma  
fundamentale meritiō statuitur, sine quo homo salvari ne-  
quit, quamvis alio atq; alio modo & respectu. vide Dn. Haber-  
kornii disp. XII. de Syncret. ubi contra Syncretistas egregiē  
probat, quod quamvis hic vel ille articulus, ab homine, ratio-  
ne



ne cēti sui statūs, sine salutis suæ dispendio ignoretur; nihilominus necessarius & fundamentalis fidei articulus permanere possit, & quidem (1.) ratione certi temporis (2.) ratione certi modi & communis ordinis divinitus instituti (3.) ratione systematis Theologici (4.) denique ratione tentationis invadentis. Adeoque ineptissime ratiocinantur qui sic colligunt: *Hic vel ille articulus non est omni salvando, nec simpliciter credendum necessarius. E. non est fundamentalis. E. potest quocunque modo ignorari ac planè in dubium vocari vel negari.* Confer, Dn. Danhaueri Styl. Vind. process. Spirit. S. ubi articulos fundamentales sub imagine epuli exhibens dicit; stolidè ineptire ejusmodi consequentias: *Hoc alimentum non est necessarium termino vitæ, E. nec viæ; non natura adesse simpliciter E. non certo statui, etati, sorti ad bene esse; non est necessarium ad vitæ letitiam comparandam. E. nec ad tutelam à morbo, lue, peste; non necessarium in tanta quantitate stomacho debiliiori ac australi E. nec fortiori, septentrionali &c. vid. p. 230.*

§. 9. Antequam hanc provinciam decedam, unum atque alterum adhuc monendum est. Dixi §. præced. non omnia dogmata fundamentalia ab omnibus credenda esse fide explicite. Tacitè igitur innui, sufficere quorundam fidem implicitam, quò nomine non intelligo carbonariam illam Pontificiorum fidem, quâ qui credit vera esse, quæcunque credit Ecclesia, credere dicitur omnes fidei articulos, etsi omnes fortè ignoret aut non credat. Talem, inquam, fidem non intelligo, sed cum Theologis nostris rejicio ut *σκληρόθυλον*, quicquid pro ejus defensione afferat Gibbon de Burgo de Luthero-Calvin disp. I. q. 1. §. ultim. sed fides implicita mihi est, *quando propositio aliqua creditur, quæ in alia explicite credita continetur virtute*, quod, uti ait Coningius Dn. Ursino in regula fidei citatus p. 25. fieri potest per significationis æquipollentiam & necessariam consequentiam, ut, qui peccatum originale credit, consequenter, necessario implicite credit liberi arbitrii *ἀδυναμίαν*. Quando itaque nonnulli Theologi orthodoxi dicunt, *omnes articulos fidei esse omnibus Christianis ad salutem scitu necessarios*, id non est intelligendum de explicite & distincta omnium articulorum noticia, adeò omnibus etiam Laicis & semper necessaria, ut sine illa omnes salutem æternam peremptoriè per-



perdant. Verum omnibus etiam laicis sunt scitu & creditu neces-  
sarii *implicitè* in articulis principiat, qui ex anterioribus articu-  
lis seu principiis immotis eliciuntur & deducuntur, seu in articu-  
lorum centro, quod ex articulorum priorum peripheriis produ-  
citur, hæque in illud influunt, ut loquitur Dn. Haberkorn in Disp.  
XIII. de Sync. p. 439.

§. 10. Cum dixi salvâ salute quosdam articulos posse  
ignorari, innui ignorantiam simplicem, dictam aliâs ignorantiam  
puram, κατ' ἀπόφασιν seu negationis, quæ conjuncta sit cum προ-  
θυμια seu promptitudine veritati monstratæ obsequendi, & cate-  
roquin præsupponat fundamentum principalissimum & ultim-  
um Christum Jesum, verâ fide apprehensum. Hanc ignoran-  
tiam circa quosdam articulos puto innoxiam, sicut Nathanael  
hac ignorantia laborans circa personam Jesu Nazareni nihilo-  
minus veri Israelitæ elogio à Salvatore nostro macatur Joh. I.  
47. Ignorantiam verò affectatam, dictam aliâs ignorantiam  
κατὰ διάνοιαν seu pravæ dispositionis, quæ præsupponit solidio-  
rem & sufficientem veritatis ostensionem, & ut plurimum con-  
juncta est cum pertinaci & præfracta veritatis negatione, & erro-  
ris contrarii positiva defensione, hanc, inquam, ignorantiam,  
five voluntaria sit *directè*, five *indirectè in causis suis*. v. g. in Ratio-  
nis humanæ prædominio, consuetudinis inveteratæ defensione,  
functionum terrestrium nimia administratione, & voluptatum  
mundanarum consecratione, noxiam & damnificam arbitror,  
ideò, quòd negâs veritatem à Deo revelatam, Deum faciat men-  
dacem, eandem impugnans, Deum ipsum, à quo veritas illa est  
indivisibilis, impugnet, negligens vel non curans cum possit ac-  
debeat, contraveniat mandato Dei, exigentis à nobis profectum  
in bono Matth. XXV. 14. seqq. Heb. V. 12. c. VI. 1. II. Pet. III. 18 r.  
Cor. XIV. 20. Hinc elucescit, nihil quoquo modo ad fidem salvi-  
ficam spectans, posse salvâ salute negari, vel protervè impugna-  
ri. Vide hac ipsa de re non malè loquentem ipsum Calvinistam  
Curtium in de Art. fundament. Sect. III. §. 2.

¶ VI. Articuli non fundamentales sunt  
partes doctrinæ Christianæ, quæ salvâ fide & salute  
possunt & ignorari & negari, vel saltem ignorari.

K

Ex



Εκθεσις. §. 1. Tales articuli sunt, recensente B. Hunnio in *διακριψ.* p. 42. dogmata de lapsu & perpetua reiectione quorundam Angelorum, de confirmatione bonorum Angelorum, de hominis ante lapsum immortalitate, de irremissibilitate peccati in Spiritum S. de Christi sepultura, (merè historicè spectata) de mundo in tempore creato, de Ecclesie visibilitate, aut invisibilitate, de Ecclesie notis, de Antichristo, libertate Ecclesiastica in ritibus &c. Hæc & alia hujus generis complura, sive nesciantur, sive negentur, per se nihil noxæ fidei inferunt, ut quæ in sua substantia nihilominus integra maneat, suis suffulta causis, ac dogmatis necessariis quorum nullum per sui negationem hæc & similia capita tollunt. Cum igitur salutarem fiduciam tam in extructione, quam in destructione nec positivè nec negativè attingant, nullo modò aut sensu possunt dici fundamentalia; imò si, quod res est fateri volumus, improprie & æquivocè saltem dicuntur articuli fidei.

§. 2. Ad hanc classem non fundamentalium doctrinarum pertinent etiam varix orthodoxorum de difficiliorum dictorum Biblicorum sensu, analogiæ fidei non contrariæ, sententiæ. Item doctrinæ, quæ subnascuntur è quæstionibus historicis, v. g. vere an autumnus mundus fuerit creatus? Num rupto claustro virginali natus Messias, nec ne? Quo in statu aut πῶς fuerit Lazarus antequam à Christo resuscitaretur. Huc etiam spectant historiæ Biblicæ, ut sunt merè tales, & ex his nata controversiæ Chronologicæ, Topographicæ, Genealogicæ, aliæque doctrinæ ad sufficientiam potius, ornamentum, & perspicuitatem cœlestis doctrinæ facientes, quàm necessitatem. Denique hujus ordinis sunt adiaphori ritus Ecclesiæ, in quibus doctrina de libertate à Christo parta utique fundamentalis est, sed doctrina de ritibus ipsis ita comparata, ut salvâ salute possit & ignorari & negari, v. g. doctrina de imaginibus in templis tolerandis, de trina in baptismo immersione, de exorcismo, de pane azymo an fermentato, de fractione panis, de privata confessione, in quibus & similibus punctis libenter adversariis vellemus cedere, nisi libertas, in quam per Christum sumus asserti, & in qua standum monet Apostolus, aliquid detrimenti caperet.

§. 3. Sunt, qui hæc & similia dogmata Apostolum indigi



78.  
digare putant per ligna, fœnum, stipulas 1. Cor. III. 12. Verùm Apostolum l. c. non tantùm erronea, vana, curiosa non necessaria, doctrinæ fundamentali admixta, ipsam tamen non evertentia; verum etiam dogmata planè falsa, impia, blasphema, cum fundamento pugnantia per illa superstructa lignum, fœnum, stipulas, intelligere, è visceribus textus luculenter probat Dn. Haberkornig disp. XII. de Syncret. p. 351. his potissimum rationibus (1.) Quia per aurum, argentum, & lapides pretiosos articuli fidei fundamentales cum primis notentur. E. è contrario per lignum, fœnum, stipulas errores etiam fundamentales denotari (2.) quia etiam alibi in S. Scriptura per ligna, fœnum & stipulam ejusmodi dogmata & facta notari soleant, quibus salutis dispendium accersitur v. g. Matth. III. 10. & 12. II. Tim. II. 20. (3.) quia Paulus I. Cor. III. v. 15. dicat, talem superstructorem lignorum, fœni, & stipulæ detrimentum passurum esse, & salvatum iri, sic tamen, quasi per ignem scil. tentationis, crucis, agonis in morte ex S. Scripturæ luce clarius & penetrantius considerata, hæc enim in SS. literis passim per ignem significari. Quod si ergo homo taliter superstruens salvatur, stipulis & lignis illis non nisi per ignem combultis & consumptis; tum iisdem per ignem haud absumptis, sed præfractè retentis, & defensis, hominem detrimentum salutis passurum. Intelligendos igitur per lignum, fœnum, stipulam tales errores, qui salutis fundamentum evertant, faciantque, ut homo illâ excidat.

Θέσις, VIII. Non possumus cum Calvinianis, quà talibus, inire fraternitatem spiritualem, quia foveant errores fundamentales, ob quos tamen nec universim, nec simpliciter damnamus omnes, qui sunt in ipsorum Ecclesia.

Εἰσθεσις §. 1. Calvinistæ quà tales, ut olim hoc hominum genus meritisimè de harum provinciarum Ecclesiis Theologus D. Matthias Hoe. descripsit, profitentur nominetenus doctrinam Evangelicam, sed à nobis genuinis Evangelicis planè dissentiant, foveant sua peculiaria dogmata, horrendos ac tremendos errores, suas periculosas & blasphemias locutiones de Deo, illius omnipotentia, de Filio illius, de cena, & similibus. Non sinunt sese ad Dei verbum adstringi, sed ad-



dicti sunt Rationi, Somniis, Revelationibus, omnino in Dei arcanum  
consilium ascendunt, imperscrutabilia scrutantur, Dei omnipotentiam  
dimetiuntur, soli orthodoxi & perfectè Reformati videri volunt, accu-  
sant nos contra multi inherentis fermenti Papistici. Et quæquam  
palpabilem variè convicti sint errorum, ejus tamen ingenui sunt, ut  
offirment. Spiritu Dei sese regere aud patiuntur, sed progrediuntur acma-  
gis & magis sese diffundunt, serpunt veluti cancer, sunt tenebriones qui  
omnimodis fallaciis se insinuant, ovile Christi clanculum invadunt, E-  
vangelicas nostras Ecclesias turbant, seducunt. Hanc descriptio-  
nem quidem allatravit & impietatis insinulavit Ludovicus Cro-  
cius Calvinista Bremensis, sed non convicit.

§. 2. Fraternitas Spiritualis fundamenti loco habet una-  
nimem in omnibus fidei seu doctrinæ Christianæ articulis fun-  
damentalibus ὁμοψυχίαν καὶ ὁμοψήφειαν sive cōsensum, cujus effe-  
ctus sit ingressus in vitam æternā ratione doctrinæ planè inoffens⁹.  
Hunc consensum præsupponunt tum Calvinistæ offerentes nobis  
fraternitatē, quæquam nescio quā qualemve. (Sic enim Synodici  
Dordr. act. p. 122. In Germania Doctores nostri pacem & fraterni-  
tatem NB. Ecclesiis Lutheranis quidē obtulerunt, (arripe aures Cro-  
ci, qui perperam negas Tuos fraternitatem ambiisse, in comm.  
protest. Sacro p. 582.) Sed eorum Confessionem nunquam receperunt,  
nec se pro Doctores Lutheranis haberi postularunt, nec unquam in  
hoc consenserunt, ut Lutheranorum opinio in templis suis doceatur)  
tum syncretistæ, modis omnibus id agentes, ut dicamus Calvi-  
nistis: Salvete fratres in Christo. Sed falsissimo illos niti prin-  
cipio satis me ostendisse arbitror annotatis erroribus, quos circa  
articulos fundamentales Calvinistæ sovent, fundamentalibus.  
Nec opus esse arbitror, ut id ipsum operosius adstruam. Nam  
quia rectum est iudex obliqui, ex opposita fundamentalium  
articulorum fidei definitione facile agnosci potest; qui sit error  
damnabilis ac intolerabilis, is scil. qui vel γυνῆ κεφαλῇ & aperta  
contradictione fundamentalem articulum arietat, vel conse-  
quenter ad eundem scopulum impingit. Unde dogma everfi-  
vum articuli fundamentalis, à quo ad evertendum articulum  
necessarium pronā & evidenti consequentiā iri potest, est do-  
gma



77  
gma erroneum errore fundamentalī. Nam uti dogma consequenter fluens ex articulo fundamentalī, homogeneous est & fundamentale, ita error consequenter fluens contrā dogma fundamentale, fundamentalis est.

§. 3. Est tamen hīc luculenta differentia advertenda inter gradus errorum, & quæ inde sequuntur, pœnarum. Is sanè error, qui arietat fundamentum, sive articulum aliquem definitionem fidei materialiter ingredientem, eidemq; immediatè substantem, maximus est & simpliciter damnificus, eò quod tollat vel simpliciter inutile reddat medium perveniendi ad salutem, sive procedat ex ignorantia simplici, sive affectata, talis error est dogma Calvinistarum de particularitate gratiæ Dei; & mortis mediatoriæ, Papistarum de merito B. O. in negotio justitiæ. Error verò incurrens in articulum fidei salvificæ vel præsuppositum, vel eandem consequentem, simpliciter damnificus non est, si nimirum procedat ex ignorantia simplici, ita, ut homo errore illo occupatus, fundamentum unicum Christum cum Patre & Spiritu S. adhuc retineat, inq; eo solo, vera fiducia apprehenso, sibiq; applicato omnem suam justitiam & salutem constituat. Ut ita sentiam facit exemplum Apostolorum & discipulorum Christi, errantium adhuc haud leviter Luc. XXII. 24. c. XVIII. 34. c. XXVI. 21, Matth. XX. 21. Act. I. 6. c. X. 14. *qui tamen amici Christi manebant Job. XV. 15, ob fidem residuam eamq; fundamentalem de Christo Messia & Filio Dei vivi Matth. XVI. 16. Job. VI. 69.* Illustrari hoc potest exemplo, petito à doctrina de peccato. Quodvis peccatum, involuntarium etiam in se secundum legis rigorem est mortale, & nullum naturā suā veniale Matth. V. 22. 28. c. XII. 36. Rom. VII. 7. Jac. II. 10. Et tamen secundum *ἐν ἡμεῖς* Evangelicam credentibus in Christum remittitur Rom. VIII. 1. Quis ergò negaret, quod etiam error in se, fundamentalis & mortalis, cœtera fidelibus & piis, propter Christum, fundamentum unicum verè retentum, ex gratia remitteretur?

§. 3. Hinc nata est distinctio inter errantes ex simplicitate, & errantes ex contumacia, sive inter seductores, & seductos, quam ego suprà supposui, cum dixi: *Nos ob errores fundamentales, nec simpliciter, nec universim omnes damnare, qui sunt in*



*Ecclesia Calviniana.* Nam qui errant ex simplicitate, ob melioris  
 institutionis defectum, retento tamen fundamento salutis unico,  
 Christo Jesu, cum promptitudine veritati, quoad cœtera rectius  
 monstrata, parendi, iis credimus Deum pro sua misericordia  
 propter Christum errata talia condonaturum, aut ipsos ab iis-  
 dem quasi per ignem tribulationis & tentationis, maximè in ex-  
 trema agonis hora combustis, liberaturum. Errantes verò ex  
 contumacia credimus simpliciter ἀναμολογῆται. Nam si infideli-  
 tas privativa damnat eos qui foris sunt, quid ni multò magis i-  
 gnorantia κατὰ διὰ θεσιν, error positivè contrarius, in tanta luce  
 supinus, eos qui cives Ecclesiæ videri volunt? Digna, quæ hic le-  
 gantur, judico verba Dn. D. Sigvarti sic differentis contra Parei  
 Irenicon p. 138 *Non ambigimus quin multi in adversariorum Ecclesi-  
 is, manifestis Christi verbis simplici corde fidem habeant: Doctorem  
 suorum strophas, contorsiones, & perversiones scripturarum in istis gra-  
 visimis materiis aut non intelligant, aut non curent, simplicitate nimi-  
 rum verborum Christi contenti, nec multum scrutentur, ac proinde sal-  
 ventur. Alii verò licet in articulis inter nos controversis fluctuent, tan-  
 dem tamen in agone manifesta scripturæ judicium Rationis vincit.  
 Veritatem non obstinatè oppugnant, multò minus blasphemant. Hi gra-  
 tiâ Dei, quæ peccata & ignorantias ipsis condonat, salvantur, si fide in  
 meritum Christi se sustentent. Alia verò & longè alia Doctorem Cal-  
 vinisticorum est ratio, quibus error ex verbo Dei sæpius est monstratus,  
 ipsi etiam non semel tantum moniti, uti heresim & abominaciones suas,  
 (quarum ipsos pudet coram cœtu, uti in suis habent scriptis publicè &  
 palàm proponere) deferant: Verum semel conceptas opiniones, ne erras-  
 se videantur, obstinatè retinent, pertinaciter tuentur, veritatem, cui ta-  
 men resistere non possunt, contra conscientiam impugnant, & blasphe-  
 mant &c. Hos tanquam infirmos cum omni lenitate tolerandos, & ut  
 vera Ecclesiæ membra charitate Christianâ complectendos esse, nuspiam  
 præcipit scriptura. Verum contra potius vult Gal. V. 12. c. I. 8. ut exem-  
 plum Pauli imitantes ejusmodi turbatoribus exterminationem denun-  
 ciamus, & ANATHEMA DICAMUS, nisi ab erroribus respi-  
 scant. Qui exactè nosse cupit, quid nostrates hac de re sentiant, &  
 quomodo consentiant, adeat præfat. libri concordia ubi Prote-  
 stantes disserere dicunt: Nequaquam consilium & institutum suum esse*



79  
*eos homines, qui ex quadam animi simplicitate errant, nec tamen blasphemus in veritatem doctrinae celestis sunt, multò verò minus totas Ecclesias, quae vel sub imperio Romano nationis Germanicae, vel alibi sunt damnare. Confer. Hutteri Concord. Conc. p. 1068. seqq. & Spec. al. refutat, Amæb. Castell. à Theologis Giesensibus concinnatam p. 665.*

§. 5. Sed hic quaestio oritur, annon ii, qui ex ignorantia simplici & seductione errant ita, ut simplici corde verbo divino adhæreant, in fraternitatem spirituales atque Ecclesiasticam sint recipiendi? Gisbertus Voëtius abit in sententiam negantem propterea, quod licet ejusmodi homines ad invisibilem Ecclesiam Christi societatem & communionem pertineant, non tamen ad visibilem & externam Ecclesiam veram ceu fratres cooptari possint & debeant, eò quod hæc in pura doctrinae conservatione, sincera Christianismi professione & Ecclesiae in unitate fidei & pietatis coagmentatione per externam disciplinam consistere debeat, à qua taliter errantes, licet alias salvandi, recedant. Vid. Tom. II. disp. select. p. 537. Ego sic respondendum puto. Si error illorum incurrat in fundamentum, tum ex quacunque tandem procedat causa, est damnabilis & per consequens, homines ejusmodi errore occupati neutiquam recipiendi sunt in fraternitatem spirituales, ut jam ante dictum; si verò impingat in articulum aliquem vel antecedenter, vel consequenter ad fidem salvificam se habentem, nec simpliciter necessarium, tum hominem ex simplicitate errantem recipiendum arbitror in fraternitatem spirituales affectivam, hoc est benevolentiam affectuque spirituali prosequendum, precibusque juvandum, ut Deus oviculæ errantis clementer misereatur, illamque ab erroribus, saluti internecinis, præservet, vel ex inquinata gravissimis erroribus Ecclesia educatam gremio orthodoxæ Ecclesiae inferat, ejusque membrum visibile faciat, ut fraternitate effectivam amplectari liceat.

§. 6. Hic non est, quod quis objiciat, per admissionem errantium in fraternitatem spirituales contaminari ejus sanctitatem, conturbarique unitatem per & propter agglutinationem membri heterogenei. Nam tales aut taliter errantes homines non recipiuntur in fraternitatem spirituales, quatenus erroribus



bus fundamentum salutis impugnantibus, five etiam actu ipso evertentibus, sunt imbuti, sed quatenus errores illi aut per singularem Dei gratiam præservatricem ab iis avertuntur, aut ipsis clementer condonantur, aut illi tandem per misericordiam Dei ab eis liberantur, atq; sic salvantur propter verâ fide apprehensû fundamentum salutis unicum, Christum.

§. 7. Quod verò illos attinet, qui in Ecclesia heterodoxa v. g. Papistica vel Calvinistica, errores fundamentales post reformationem informationem, & luculentam demonstrationem ac convictionem & sic per contemptum veritatis contumaciter retinent, defendunt & propugnant, contrâ verò veritatem fundamentalem luculenter ostensam, negant, impugnant, blasphemant, persequuntur, id quod cum primis primipili & antistites Ecclesiarum heterodoxarum facere consueverunt, dicimus iterum atq; iterum, nos non posse illos in fraternitatem spirituales recipere, nec salutis æternæ futuros hæredes pronunciare, cum errores ab ipsis defensi non tantum *jure & de merito suo* sint damnabiles, verum etiam *actu & factò ipso* taliter errantibus damnationem afferant, ut supra ostensum.

§. 8. Jam videamus, quibus potissimum argumentis Syncretistæ probare conentur, debere nos cum Calvinianis *συγκρητισται*. Primò ingenere dicunt, *inter nos & illos plenum esse in fundamento consensum*. Resp. Hoc est *πρὸν ψευδος*, nunquàm, si vel maximè fundamentum sumas pro complexu eorum dogmatum, quæ definitionem fidei materialiter ingrediuntur, omnib9q; ad salutem creditu sunt præcisè necessaria (Nam in strictissima hac significatione articulum fundamentalem accipiunt Syncretistæ) verificandum, nisi quis dicere velit, hæc non esse præcisè fundamentalia dogmata: *DEus omnes in universum homines vult salvos fieri, &c: (Christus pro omnibus in universum hominibus mortuus est; nec has illis contradicere assertiones: DEus vult non omnes homines, sed tantum absolute prædestinatos salvos fieri. &: Christus non pro omnibus, sed pro his tantum est mortuus.*

§. 9. Dicunt II. Si qui supersint dissensus, eum non esse de rei substantia, sed de modo rei, qui non sit perinde scitu ac creditu necessarius; non esse de dogmate fundamentali, prout communibus vel vulgò  
notis



81

notis atq; usurpatis verbis proponitur, sed ut plurimum de ejusdem propositione, facta termino aliquo Scholastico, qui ad fidei necessitatem non pertineat. Resp. (1) Si inter nos & Calvinistas verum esset de rei substantia consensus, facile deinceps transigeremus de modo, quem tamen ipsum etiam dicimus necessarium scitu credituque si sit revelatus, & per se requiratur, ad discernendum verum a falso. Sic e.g. quilibet fidelium scire tenetur non nudè, quod sint tres personæ in Trinitate & una essentia, sed & modum, quod hæ personæ realiter differant, non nominibus tantum & mentis conceptibus, quod summa hic sit *ἐκπόρευσις*; item non nudè, quod personæ Christi sit communicata Majestas infinita, sed & secundum quam naturam; non solum quod corpus Christi manducetur in Sacramento, sed & quomodo? ne quæ institutio divinæ separaverit, homo jungat, aut contra separet, quæ illa conjunxit. Hi modi omnes ut sunt revelati, sic scitu necessarii; ignorati confundunt Ecclesiæ & Religionis puritatem indivisam; negati tollunt rem ipsam. (2) Dogma istud: *Deus vult omnes homines salvos fieri*, communibus & vulgè notis atq; usurpatis verbis ex ipsa Scriptura proponitur, & tamen Calvinistæ ab eo dissentiunt. Igitur dissensus fundamentalis est etiam de dogmate prout communibus verbis proponitur, non tantum de ejusdem propositione facta terminis Scholasticis, qui quidem in actu signato considerati per se & absolutè ad fidei necessitatem non pertinent, pertinent tamen in actu exercito, ratione rei, ad fidem & hæreseos fugam necessariæ, terminis istis significatæ. Non potero hoc ipsum luculentiori exemplò illustrare ac simul confirmare, quam quod mihi suppeditat Josephus Hallus, celebris ille Episcopus Exoniensis, qui inter alia Romæ irreconciliabilis exempla phrasæ quoq; & modos explicandi adducit in materia de justificatione, impossibilem ducens consensum inter eos, qui justificationem justitiæ infusione, & imputatione definiunt. Conciliari, inquit, p. 34. hæc forsan quidam autumant, meram verborum litem. Etenim quæ Pontificiis inherens justitia est, ea Sanctificatio est Evangelicis. Hanc æquè omnes necessariam statuunt, æquè inculcant omnes. Fatemur. Sed numquid omnes eodem modo, aut ad eundem finem omnes? Non opinor. Imò quid ipsis magis ex

L

adverso?



adversus? Hanc ut causam (formal. scil.) justificationis statuunt Pontificii, Evangelici ita effectum. At quid interest (inquiunt) dum utringque totum hoc Deo tribuunt? quasi non eodem planè recidat: Solvere pro me pretium, & dare mihi in manus quo solvam? Nescio equidem, quomodo hæc ita parum dissona horum auribus videantur, quæ Spiritus Dei prorsus dissonantia definivit Rom. IV. Et qui operatur, merces non imputatur ex gratia &c. Ecce non istud Unum sumus, exclamat idem Episcopus p. 37 His adjungas licet praxin Calvinistarum Belgarum, qui cum Remonstrantes tolerantiam, & accommodationem ex capite differentiarum non fundamentalis in articulo de justificatione ambirent, dicentes, *litem hic penè totam de respectibus Metaphysicis, & subtilitatibus Scholasticis*, hanc pacis conciliatriculam, rejecerunt, proscripserunt, damnarunt tanquam impiam, & veritati divinæ adversam. Quando itaque, lis est de termino aliquo in actu exercito sive objectivè considerato ratione rerum ipsarum, per terminos propositarum, earundemque inter se connexionem, distinctionem, consecutionem, & veritatem, tum ea contentia non est vana λογισμαχία, sed realis controversia. Et hoc casu dicimus terminos ad necessitatem fidei pertinere, & circa illos à nobis dissentientes dissentire in re ipsa, illis expressa terminis, quos ideo potissimum adhibemus, ut eò melius exprimamus determinatum hujus vel illius dogmatis sensum, & validius constringamus, feliciusque detegamus adversarios, quibus familiare est vocabulis communibus ludere, & sub Lutheranorum orthodoxis in se verbis mentem hæreticam occultare.

§. 10. Dicunt III. Calvinistas amplecti A. C. Convenire nobiscum in fide Symboli Apostolici, judicandos ipsos non ex scriptis privatis, sed publicis, & precipuè confessionibus. Resp. (1) Profitentur utique moderni Calvinistæ, quamvis non omnes, se esse addictos A. Confessionibus. Sed hoc ideo faciunt, ut pro A. C. Sociis habitis simplicioribus eò facilius queant imponere. Deinde notandum eos præferre à Philippo, privato ausu in gratiam Zwingliatorum mutatam, invariata; pervertere præterea genuinum hujus sensum pestiferis explicationibus contra mentem Confessorum, cujus rei egregium specimen edidit Henricus Altingius  
in



83

in Exeg. A. C. quo ipso desinunt esse illius Socii, quicquid reclama-  
 met Crocius in Comment. prot. sacro c. 37, p. 530. Vide Criti-  
 cum Sacrum Dn. D. Calovii, & nuper editum à Josua Schvvar-  
 zio tractatum sub titulo: *Beweis daß der allgemeine Calvinische  
 Glaube der ungeänderten Augspurgischen Confession schur-  
 stracks zu wieder lauffe.* Resp. (2). Conveniunt nobiscum etiam  
 Calvinistæ in fide Symboli Apostolici, *quatenus* illud quidem  
 in sensu generali atq; indeterminato accipitur. Sed cum hoc  
 conventionis genus sit æquivocum & generale, non est, quod  
 magnopere illo moveamur. Nam etiam Pontificii, Photiniani,  
 & quicquid uspiam est damnatorum hæreticorum, provocare  
 possunt ad æquivocum & generalem consensum in verbis Sym-  
 boli Apostolici, quos tamen propterea non agnoscemus pro fra-  
 tribus, cum maneat dissensio capitalis in sensibus, qui latent sub  
 verborum involulo, modis rerum creditu necessariis totaq;  
 determinatione. Vid. hanc in rem tabulæ Symboli Apostolici,  
 secundum sententiam Lutheranorum, Papistarum & Calvinista-  
 rum expositi, quas Dn. Danhauer inseruit Sigal. p. 175, ubi notes  
 velim quomodo tertia tabula, continens expositionem symboli  
 sensu Calviniano, à Maresio fuerit excepta. In editis contra istam  
 stricturis, ita in Dn. Danhaueri debachatur Ismael Groningang:  
*Novi symboli exconditor non Apostolicus. candoris Christiani penitus  
 oblitus, ad singula penè vocabula eas Reformatis impingit opiniones &  
 sententias à quibus sunt remotissimi. Ut verè dicere possim hanc ter-  
 tiam tabulam non tam doctrinæ Reformata compendium, veritatis  
 penicillo exaratum continere, quam Epitomen atrocissimarum injuria-  
 rum, quibus Reformati præter jus & fas per violentas & iniquas, ac  
 longissimè petitas insequentis consequentias solent gravari, ipsius  
 calumnie stylo consignatam. &c.* Hæc ille, ex fraterno scil. erga  
 Lutheranos affectu, in Danhauerum effundit convicia, cum ta-  
 men Danhauerus tertiam illam tabulam confecerit tum ex scri-  
 ptis Calvinistarum publicis, de quibus vid. Sigal. p. 172. tum ex  
 bona fide citatis sententiis dictisq; maximæ autoritatis apud Cal-  
 vinistas Scriptorum privatorum, quod ocularis autorum lauda-  
 torum inspectio docere potest. Quicquid autem hujus rei sit,  
 hoc saltem est certissimum, Symboli Apostolici generalem con-



fessionem non esse adæquatam normam & principium incun-  
dæ fraternitatis spiritualis cum adversariis, id quod ex parte Cal-  
vinistarum agnovit Josephus Hallus qui Romæ irreconciliabilis  
c. IV. hoc argumentum præscripsit: *Quam non sufficiat unius ejus-*  
*demq; Symboli Confessio ad conciliationem cum parte Romana.* Ac  
Gisbertus Vöetius disp. select. T. I. p. 72. negat *Symbolum Apo-*  
*stolicum esse tale*; negat *esse Symbolum universale*; negat *esse eviden-*  
*tem, Apologeticam atq; elencticam fidei formulam*; præfertq; *Ca-*  
*techesin Belgicam*; id est, *Palatinam*. Ex parte Papistarum hoc ip-  
sum agnoscunt Moguntini, qui postulatam de norma credendo-  
rum restringenda ad solius Symboli Apostolici literam, passim  
exagitant *tangvàm commentum chimericum, Babelicum, Atheisti-*  
*cum, Machiavellisticum, Pseudopoliticum, & Libertinicum &c.* in  
Irenico contrā Calixtum. Confer Bellarminum l. 3. de laic. c.  
19. Walenburch. exam. III. princip. §. 97. & Gibbon de Burgo  
disp. I. q. 1. §. 9. Ex nostratibus Dn. D. Calovum Syncret. Cal-  
ixt. Dn. D. Haberkorn. disp. 7. 8. 9. de Syncret. Dn. D. Danhauer  
myster. Syncret. p. 45. seqq. Resp. (3.) Omnino judicamus Calvi-  
nistas ex scriptis publicis, sed intellectis in sensu determinato,  
quem nobis suppeditant eorum interpretes, aliq; scriptores  
privati, communi Reformatorum consensu approbati, quales  
sunt Zwinglius, Beza, Calvinus, Piscator, *venerandi viri, cælo ter-*  
*raq; charissima nomina*, *Heroes, Ecclesie lumina*, iudicio ipsius  
Synodi Dordracenæ, quæ illorum scripta formulasq; loquendi  
omnes cananizavit Sess. 132. Horum autoritatem Calviniani non  
defugient, neque à nobis, ut spero, postulabunt, ut  
de ipsorum doctrina judicemus ex confessionibus in sensu gene-  
rali atq; indeterminato intellectis. Nam revocabant sibi in me-  
moriā, quid dixerint Theologi Frisici, cum Remonstrantes  
articulos suos synodo Dordracenæ exhibuissent, nempe: *Verba*  
*tertii Articuli, prout externè sonant & jacent, bona & orthodoxa*  
*videntur, sed quoniam, ut (olim dixit Chrysostomus) in sensu verbo-*  
*rum solet esse hæresis, etiam horum verborum sensus ex ipsorum & Re-*  
*monstrantium scriptis & libris est eruendus.* Hoc jus cum in alios  
sibi Calvinistæ sumant, cur idem in se usurpari ab aliis agrè ferant?  
Et sanè ut id faciamus, multa nos movent. Movet imprimis ex-  
emplum



emplum Bezae & Farelli. qui cum in colloquio Wormaliensi confessionem edidissent, Augustanae ferè quoad omnia, si species externum verborum corticem, respondentem, reprehensi ob id à Tigurinis responderunt: *Opus sibi fuisse ium DOLO BONO ad liberandos fratres. Nam se in illa Confessione clam apud se in scrinio petoris sui duas illas voces, PER FIDEM ET SPIRITUALITER, retinuisse, uti refert Henricus Alting in Exegesi. A.C. p.123. Movet Confessio in Colloquio Thoruniensi à Calvinistis exhibita, quam non tantum lubricam & captiosam noster proclamat Hülsemannus, eamque aliquoties variatam refert in dedic. Exam. Confessi. illius, antequam formam indueret, Romanae partis placito effigiatam; verum etiam ipse Calvinista Spanhemius ejus *υποβριαν* & captiosam lubricitatem satis prodit, Amyraldo, cum ad ipsum per mediatorem scripsisset: Theologos Calvinianos, Thorunium iussu Regis vocatos, Confessionem fidei suae magnam prudentiam confectam edidisse, atque in ea suam de morte Christi deque gratia & voluntate Dei circa salutem omnium sententiam ita declarasse, ut & veritati & paci cum Lutheranis constituende multum tribuisse videantur: Nam & confiteri Christum esse pro omnibus hominibus mortuum, unam cum ipsa Synodo Tridentina, & statuere, Dei voluntatem de omnium salute non esse in mera signi representatione positam, respondens: se tenere quid Thoruni gestum esset, & quo consilio negotium istud ita fuisset administratum, idque se cum tempus postulare, esse propalaturum. Scilicet confessionem illam servasse illi scenae per quandam dispensationem actionum, ut habet Amyraldi vox apud Riveros in Epp. Apolog. contra praefat. Amyraldi. Refert haec Dn. Hülsemannus in praefat. Dialysi. p. 35. addens in margine: *Calvinistarum Thoruniensium doli à sociis proditi.* Cum igitur Calvinistis solenne sit adhibere in Confessionibus suis phrasas æquivocas & generales, juxta illud: *Dolosus versatur in generalibus*, sensus illorum genuinus ac determinatus omnino est eruendus ex scriptis Confessionibus istis addictorum autorum.*

§. II. Dicunt 4. Calvinistas nec videre, nec agnoscere se dogmatibus suis per consequentiam fundamentum evertere, propterea non esse declarandos haereticos, & tanquam tales fugiendos. Resp. si hoc valet, omnes etiam pessimi haeretici erunt absolvendi à crimine

haereticos



hæreseos, quandoquidem omnes dicunt, se nec videre, nec agno-  
 scere, quod dogmatibus suis fundamentum fidei evertant. Ex  
 quo igitur principio tam grande absurdum sequitur, illud ipsum  
 absurdissimum esse oportet. Distinguenda itaque omnino est  
 consequentia observatio ab eisdem, ut sic dicam, substantia. Ubi  
 hæc est, fundamentum fidei evertitur, etiam si homines fovētes  
 doctrinam, consequentia illius genitricem, id non animadver-  
 tant, veluti perspicuum est in Galatis, circumcissionem correquiren-  
 tibus ad baptismum, & professionem Christianæ fidei Gal. V. 2. 3. ex  
 quo loco Voëtius probat indirectè etiam semper consequentiam  
 fundamentum posse subverti Tom. II. disp. de art. fund. p. 518. Ac  
 commodè hîc mihi in mentem venit, quod Maresius Curcellæo,  
 eadem penè hoc in negotio cum Syncretistis sentienti, respon-  
 det nimirum. (1.) Præjudicia carnis & sanguinis esse deponenda, (2.)  
 Deum seriò invocandum ut dignetur nobis affulgere luce Spiritus S.  
 nos deducens in omnem veritatem (3.) Rem cum re, causam cum  
 causa, rationem cum ratione sedulo esse conferendam; Antecedentia  
 & consequentia loci scripture, ex quo quis argumentatur, expendenda;  
 Conclusionem controversam componendam cum aliis fidei Christianæ  
 veritatibus nobis jam indubitatis (4) Audiendos etiam veteres & Neo-  
 tericos ab eo, qui proprio iudicio non confidit. (5.) Neque negligendam  
 regulam Apostoli quæ Spiritus Prophetarum subijcit Prophetis I. Cor.  
 XIV. 29. 32. Instanti Curcellæo: Quamdiu de consequentia alicuius  
 validitate est dissensus, nemini improbanti obtrudere eam fas esse, repo-  
 nit; Per vim nemini dissentienti nostras consequentias, de quarum evi-  
 dentia sumus persuasi, imo nec ipsam Scripturam, ex qua deducuntur,  
 obtrudi debere; sed tamen inde non sequi nefas esse Ecclesiæ orthodoxæ  
 dissentientes à salutaris veritate, quam hausit ex Scripturis, à suo corpo-  
 re refecare tanquam hereticos, & quæ talibus anathema dicere. Hæc  
 sibi capiant nolentes ex consequentiis judicari Calvinistæ, & ead-  
 em cum his inflantes tibias Syncretistæ. Interim hoc libenter  
 Calvinistis damus debita hîc cautione iudicio & discretionem,  
 quin imo & conscientia, æquitate & charitate opus esse, cum di-  
 cente B. Hülsemanno, non omne dogma, quod ex sua natura aliquod  
 fidei necessarium præsuppositum, aut eam consequens astruit vel destrui-  
 it idem in hominis cuiusque mente illud efficiat, in disp. de dogmatis  
 necess.



87  
necess. §. XV. sed tamen hinc non sequitur : Ergo Calvinista pro-  
fitentes se non videre, quod dogmatibus suis fundamentum evertant,  
non sunt habendi pro hereticis, sed agnoscendi pro fratribus. Omnino  
autem hic observanda paulò ante tradita inter errantes ex sim-  
plicitate & errantes ex contumacia, inter seducentes & seductos,  
distinctio.

§ 12. Dicunt 5. Calvinistas modernos saltè non habendos pro  
hereticis, cū non sint pertinaces, & longè mitius sentiant & loquā-  
tur, quam Majores ipsorum. Resp. Supponunt h. l. Syncretista non  
nisi cum esse hereticū, qui dogma fidei fundamentale malitiosè &  
pertinaciter oppugnat, ejusq; contrarium propugnat, cum tamen  
non autoritas tantum veterum Tertulliani, Irenæi, Hilarii, Augu-  
stini, Hieronymi, & recentium DD: sed & ratio manifesta com-  
probet, errorem quemvis, doctrinæ Revelatæ rectā adversum, in agen-  
dis aequè ac credendis, hæresin esse, hominemque ejusmodi errore occu-  
patum, hereticum. Vid. disp. Hildebrandi de Hæresi 1657 Helme-  
stadii habitam. Sed excipient syncretista, se non loqui de heretico  
tali materialiter, sed formaliter, nunquam criminis adeò divi arces-  
sendo, nisi sit pertinax. Libenter sanè ipsis largimur non solum er-  
rorem quantumvis fundamentalem, facere hereticum forma-  
lem, sed pertinaciam, ad errorem accedentem. Jam verò perti-  
nax aliquis creditur esse (1.) cum positā discendi occasione, &  
prophetarum, quibus spiritus subjiciendi (non servili subjectio-  
ne, sed ea, quam argumenta convincunt) judicio parato negligit  
discere, negligit informari, nec vult in examen deduci præcon-  
ceptam opinionem (2.) cum in re maximi momenti, ex Revela-  
tione tantum, non Ratione credenda, principium ipsum fidei ac  
illuminationis, aut non quærit, aut oblato quasi recalcitratur, quod  
agnoscit ipse Calvinista Amesius verè magis, quam principiis  
suis consentaneè scribens l. 4. Cas. Conf. c. 4. n. 4. Pertinax est, qui  
non est paratus captivare intellectum & Rationem suam, om-  
nem sacræ scripturæ subicere, (3.) cum convictus sufficienter  
ἀποκρίνεται. Tit. III. 11. De hac convictione in thesi vid.  
Danh. AntiChristos. Sect. I. art. 2. §. 38. Myster. Syncret. Sect. VI.  
art. II. §. 6. in hypothesis, præfat. Topic. Calvin. Dn. D. Seldii ejus-  
demque de Syncret. Sect. III. c. V. ubi aliquot exempla adducit  
nostra-



nostratum Theologorum, qui primarias controversias, nobiscum Calvinianis intercedentes, tam nervosè tractarunt, ut solidissimè convicerint advertarios, eosq; vel ad metam silentii, vel ad turpissimas antilogias & principii petitionem committendam adegerint. Cum itaque Calvinistæ anteriores variorum errorum sint solidè convicti, & moderni nolint anathema dicere Capitalibus Majorum suorum erroribus, sed eos, quantum possunt, incrustent atque elevent, & propagare, aliisq; instillare studeant sub schemate molliorum verborum, sunt reverà non minus quàm illi pertinaces, adeoque hoc nomine hæretici veri ac formales, licet cautius nonnunquam loquantur, quàm ipsorum majores. Nam linguam adoptarunt Lutheranam, mentem retinent Calvinianam, quod præclare ostendit B. Mentzerus tribus hac de re editis, phrasibusq; Synodi Dordracenæ oppositis disputationibus.

§. 13. Dicunt 6. *Etsi Calvinistæ graves foveant errores, deberi tamen pro fratribus agnosci exemplo Pauli, Corinthios, resurrectionem mortuorum negantes, appellantis Sanctos; Galatas verò fidei salvificæ adjungentes opera, Fratres.* Resp. Quod Paulus dicit, limitatè capiendum, & ad mentem Apostoli, qui alibi dicit *infirmos in fide tolerandos* Rom. XIV. 1. (per infirmos in fide, uti contextus docet, intelligit, qui de fide Christiana quoad cætera rectè sentientes, ritus Leviticos quibus à pueris adfuerant, corde simplici existimabant adhuc in usu & necessarios esse) distinguendum inter seductos & simplices, & inter seductores & pertinaces. Illos cum censeret esse corrigibiles fratrum nomine compellendos sibi existimat; hos verò falsos fratres disertè appellat Gal. II. 4. ubi adhuc notandum taliter errantes ab Orthodoxis verustioribus nonnunquam fratres appellari & *Christianos*; sed vel cum exprobratione, quod tales quidem se jactent, at reipsa nunc non sint, verùm fuerint, fieri autem rursus debeant, sic Opratus Milevitanus dicit *Donatistas esse fratres, quamvis non bonos*, de schism. Donat. adversus Parmen. l. 1. vel cum conversionis iterata expectatione, quod nondum putarentur esse pertinaces & obstinati. Vid. Haberkorn. de Syncrēt. disp. I. p. 19. Dn. Chemnitium contra Syncrēt. Rintel p. 121. Nostrum Dn. L. Bosium in disp. de vers. 6. 7. 8 9. c. I. epist. ad Galat. Sect. II. q. IV. §. 76.

§. 14.



88  
 §. 14. Hæc sunt potissima Syncretistarum argumenta,  
 generalia, pro Syncretismo inter nos & Calvinianos ineundo;  
 deveniendum nunc ad specialia, quibus pugnant eidem fini ob-  
 tinendo. In his recensendis seqvar ductum infauſti colloqvii Caf-  
 fellani, in quo sancita est concordia Ariminensis. In isto Col-  
 loqvio primum locum occupat Articulus DE COENA. Hic  
 dicunt cum Calvinistis *ὁ συντηζόμενος* (1) *Consensum inter nos &*  
*adversarios esse de re ipsa, nempe de vera presentia corporis & sangui-*  
*nis Christi in Cœna, dissensum de rei modo, qui non sit fundamentalis.*  
 Resp. verbis B. Hülsemanni: Falsum est, & dolo prætexitur à  
 quibusdam Calvinistis (Syncretistis) *Controversiam inter Calvini-*  
*stas & Lutheranos esse solum de modo percipiendi corpus & sangui-*  
*nem Christi.* De reali existentia substantiæ physicæ corporis &  
 sanguinis Christi in cœna, & reali ingressu hujus substantiæ phy-  
 sicæ in corpus & animam sumentis, controversia est. Quod a-  
 gnovit Petrus Martyr, quando in Colloquio Posiſaceno noluit  
 subscribere huic articulo ad concilianda disidia proposito: *Cre-*  
*dimus & confitemur in Eucharistia verè & substantialiter*  
*adesse corpus CHRISTI.* Addita detractionis causa: *Respon-*  
*deo pro mea parte: Corpus Christi non esse verè & substantialiter alibi,*  
*quàm in cœlo.* Illa etenim imaginaria attractio substantiæ phy-  
 sicæ corporis Christi de cœlo in animam sumentis Eucharistiam,  
 sive etiam elevatio fidei in cœlum ad sphaeram corporis Chri-  
 sti, quæ per fidem sumentis fieri dicitur, est modus temerè con-  
 fictus, nullâ Dei Revelatione nixus. Nec enim vera fides, nedum  
 imaginaria, sed verbum & promissio instituentis Eucharistiam,  
 faciunt substantiam physicam rerum cœlestium in Cœna perci-  
 piendarum, tam communicantibus ipsis, tum ipsorum fidei sub-  
 stantialiter esse præsentem. Quod in ipso colloquio Posiſaceno  
 Claudius Espencæus rectè animadvertit apud Thuanum l. XXVIII  
 p. m. 124. & Laurentium Grotii Papifantis p. 157. seqq. Ideoq;  
 nec illud Ens Rationis de præsentia imaginaria debebat supponi  
 tanquam fundamentum substantialis præsentia corporis Christi  
 in cœna; multò minus, tanquam utrinq; ratihabenda hypothe-  
 sis mutui consensus circa hoc dogma inter Lutheranos & Calvi-  
 nistas. Hæc Hülsemannus Brev. Theol. c. XIII. suppl. §. 2. p.



210. ubi notat, Calvinistas nonnullos, substantialiter & spiritualiter presentem esse, dicere Synonyma, unde pateat eos ludere in verbis substantialis presentiae.

§. 15. Dicunt (2) Confiteri & nos illos, *spiritualem manducationem corporis Christi & bibitionem sanguinis, omnino necessariam esse, & sine ea usum Sacramenti nemini esse salutarem, convenire itaq; nos & illos in fundamento.* Resp. Per spiritualem manducationem & bibitionem intelligitur, juxta declarationem Colloqvii Cassellani, *actus vere fidei prout fertur in Christum crucifixum, seu in venerabile ejus corpus pro nobis in mortem traditum, & sanguinem pro nobis effusum, & utrumq; apprehendit, sibiq; cum omnibus Christi meritis applicat.* Jam dico, quia Calvinistae negant, Christum pro omnibus hominibus esse mortuum, adeoq; per ipforum dogmata nemo indubitato credere potest, PRO SE corpus Christum in mortem traditum, PRO SE sanguinem Christi effusum, (sine qua fide nulla spiritualis manducatio aut bibitio esse potest) collunt ipsam manducationem & bibitionem spiritualem. Nam, uti benè advertunt Dn. Theologi Wittebergenses, *ubi fundamentum tollitur fidei ac spiritualis manducationis, & bibitionis per fidem, ibi spiritualis manducatio & bibitio locum habere non potest, in epistola Sect. II. §. 1.* Cum igitur ita res sese habeat, neq; hoc in capite quoad rei substantiam nobiscum sincere consentiunt Calvinistae. vid. Dn. Seldii Syncret. Sect. II, c. 2.

§. 16. Sequitur Articulus gravissimus de PRÆDESTINATIONE. Hic dicunt (a) *Prædestinationem esse sublime mysterium, cujus penetrationem nec Deus ipse requirat, nec Formula Concordie probet. Errores igitur hic sine fraude & malitia per solam ingenii humani imbecillitatem commissos nos condonare debere, sicuti Deus est condonaturus.* Resp. Fatemur libenter esse maximum mysterium, quod intelligendo ut penetret, & exactè capiat, non requirit quidem Deus ab homine; requirit tamen, ut quantum ipse de eo per scripturas ad salutem revelavit, tantum discat & cognoscat, ne presumat sapere *ὡς ἐπὶ τὴν γένησθαι* 1. Cor. IV. 6. secus, quàm Revelatio habet, de eo sentiendo, quod dum Calviniani faciunt, Deum mendacii arguunt, & sententiam ipsius corrigunt. Non igitur adduci possumus, ut credamus Deum hos ipsis errores con



condonaturum, cum non procedant ex ignorantia simplici, sed  
tali κατὰ διάνοιν.

§. 17. Dicunt (β) In fundamento & quoad rei substantiam  
hic inter nos & Calvinistas plenum esse consensum, cum agnoscamus  
utrinq; easdem causas fidei & salutis, nempe GRATIAM DEI ET  
MERITUM CHRISTI. Resp. Falsissimum hoc est. Nam fidei  
& salutis nostræ causæ, principia & fundamenta, sunt UNIVER-  
SALIS DEI GRATIA & UNIVERSALE MERITUM CHRI-  
STI: Calvinianorum verò PARTICULARIS GRATIA &  
PARTICULARE MERITUM CHRISTI, quæ sibi invicem  
directè opponi nemo sanæ mentis negabit. Ac profectò quod  
rem ipsam attinet, fidei principia, causas ac fundamenta omni-  
nò oportet esse universalia, ut quilibet fidelis de in SE individuo  
possit firmiter subsumere. Hoc adeò verum est, ut ipsi Syno-  
dici Dordraceni fateantur *promissiones* quibus fides nititur, oportere  
esse UNIVERSALES sess. 98. ubi Pareus Syllogismum.  
Remonstrantium ex puris particularibus, se iudice, in hac ipsâ  
materia concludentem, perstringit. Vestram hîc conscientiam,  
Viri Calviniani, appello! Vos oro obtestorq; ut vobismetipsis  
attendatis. Si promissiones, quibus fides nititur, oportet esse  
universales, si particulares nihil concludunt, cur vos tam per-  
tinaciter asseritis: Christum non pro omnibus, sed pro quibusdâ  
solum hominib; nempe pro solis electis esse mortuum? Scilicet ita  
propria vineta cæditis, ita ex eodè ore calidû & frigidum efflatis.  
Dico, atq; iterû dico, nisi universale meritû Christi asseratur, mens  
humana ex nullo documento scire potest, quod ad SE illud perti-  
neat. Nam ponamus hanc asseritiônem: *Christus pro quibusdam homi-  
nibus, & quidem paucioribus, est mortuus*: Inde hæc emerget Con-  
clusio: *Ergo fieri potest, ut Christus pro me quoq; qui homo sum,  
mortuus fuerit*. Nonne dubia est hæc Conclusio? Ergo planè  
inepta ad fundandam fiducialem illam, & ad se in individuo  
applicativam, Christi apprehensionem. Sed scio quid hîc so-  
leatis obtendere, nimirum: *Discursum illum quamvis sibi non  
substernat universalitatem absolutam, & in specie hanc: Christus  
pro omnibus hominibus est mortuus, nihilominus posse subsistere, quòd  
præsupponat aliquam universalitatem scilicet: Christus pro OMNI-*

M 2

BUS



BUS ELECTIS, OMNIBUS OVIBUS, CREDENTIBUS est  
mortuus. Esto ita. Sit igitur hæc propositio: *Christus pro omnibus  
credentibus est passus.* Hinc si vera fides debet exoriri, te sic oportet  
subsumere: *Ego sum electus, Ovis, credens.* Et concludere: *Et  
Christus pro me passus est.* Jam à te postulo probationem minoris,  
& quæro unde constet, te esse electum, ovem, credentem, & quid te-  
neas eâ fide, quam tibi tribuis: Respondes: *Tibi de fide tua con-  
stare ex verbo Dei.* Quæro: ex quo verbo? Ais ex illo: *DEUS vult  
omnes credentes salvare, ovibus meis dæ vitam æternam, qui credi-  
derit, salvabitur.* Nego hæc oracula juvare rem tuam, nego pro-  
bare id, quod erat probandum, scilicet te esse in credentium numero,  
licet credentibus salutem promittat. Regeris: *Constare tibi ex testi-  
monio tue conscientie, te credere.* Insto, & appello tuam consci-  
entiam, cupioq; ut exponas, quid credas? Dicis, hoc credo: *Christus  
ME dilexit, & tradidit semetipsum pro ME* (quibus verbis Paulus  
fidem suam exponit Gal. II. 20. Ajo ego: unde probas quod Christus  
TE dilexerit, quod se pro TE tradiderit. Aistu: *Ex occulto dictami-  
ne, quod haud dubiè Spiritus S. tua menti suggerat.* Sed valde du-  
bium est an hoc procedat ex dictamine Spiritus S. annon potius ex in-  
stinctu Satane transformantis se in Angelum lucis, animamq; tuam,  
relictò verbi *ΕΧΕΤΕ* magisterio, audientem nescio cuius Spiritus  
dictamen, decipere satagentis. Excipis: *Te non negligere ac planè  
seponere hoc in negotio Verbum Dei, credere teipsum, nihil quicquam  
firmo & immoto assensu credi ab homine posse aut deberi, nisi fuerit  
à Deo in verbo suo prius revelatum.* Rectè sane hoc, sed o-  
stende quæso verbum, quod dicat, *Christus pro me* Johanne  
Calvino, Piscatore, Maccovio, pro me Theodoro Beza, Francisco Go-  
maros, pro me Maria, Magdalena, Christina, Loysa, est mortuus? Si  
tale verbum ostendere nequis, uti sanè nequis, fides tua erit  
potius delirium proprii sensus, opinio fidei, Enthusiastica per-  
suasio, domus super arenam posita, quàm vera solidaq; fides,  
petræ verbi innixa, stantibus scilicet tuis principiis, quod Christus  
pro aliquibus tantum mortuus sit, & quod loca, quæ gratiam Dei  
& meritum Christi universaliter esse docent, non sint universaliter  
accipienda, sed particularem habeant sensum ad solos electos re-  
strictum. Ut igitur fides sit, quod esse debet, nempe vera solida-  
que



33

que fiducia, seu fiducialis objecti salvifici ad quemlibet in indivi-  
duo applicativa apprehensio, aliter illa nec concipi, nec cognosci  
potest nisi unice ex hoc verbo universaliter intellecto & explica-  
to: *Deus vult omnes homines salvos fieri*. Et: *Christus morte sua gra-  
tiam omnibus hominibus impetravit*. Nam hoc positò quivis statim  
subsumit: *Ego sum homo*, & firmiter concludit: *Ergo Deus me vult  
salvum fieri*, Et: *Christus Dei gratiam MIHI impetravit*, quæ est vera  
Christiana & salvifica fides, quæ non potest concipi ex princi-  
piis Calvinistarum. Non tacendum est h. l. quod Hildebrandus,  
Calvinista Bremensis, in præfat. orthod. declar. p. 57. comme-  
morat. *Non nemo, inquit, ex Arctico angulo recenset generosum suum  
Dominum & Patronum fateri, se particularitatem Piscatorianam,  
quam quidam Piscatoris discipuli crudè admodum proposuerunt,  
nunquam concoquere potuisse. Obiurasse interdum aures in concio-  
ne; musitasse tamen & Doctores potius, quàm doctrine vitium impu-  
tasse. Imò sororem ejus natu maximam, & judicio supra sexum prædi-  
tam, eà de causa à Reformatâ Religione secessionem fecisse*. Hoc exem-  
plum Hildebrandus, Hypotheticus, universalitatis Gratia DEI  
& meriti Christi contra rigidiores Zvinglianos assertor, oppo-  
nit particularitatis defensoribus. Quid verò generosus ille vir  
de quo Hildebrandus, dicturus fuisset, si audivisset *πλὴν γε* *Φεν*  
illum Maresium doctrinam de universali gratia Dei & merito  
Christi blasphemè appellare VIRUS UNIVERSALISMI &  
profiteri, si eò se sentiret infectum, se velle illud revomere cum suo san-  
guine in respons. ad epist. Blondel. præfixa Epicris. Theol. in  
12. anno 1658. (\*\*\*\*\*) 3. Sed cave, mi homo, ne aliquando  
tremendus vivorum ac mortuorum, Jesus Christus, eò quòd tam  
irreverenter de sanctissimo ipsius merito locutus fueris, te præ-  
cipitet in infernum, ut ibi imbibas virus piceum ac sulphureum  
universalis damnationis. Dicis: *Cum nemo salvari queat absque  
fide vera, ego verò supra concessim, posse aliquos in Ecclesia Calvi-  
niana salvari, quomodo in illis generata fuerit vera & salvifica fides?*  
Resp. Non per dogmata Calviniana, sed per dicta & testimonia  
scripturæ de gratia Dei & merito Christi universali, quæ Calvi-  
niani, quæ tales, suis inhærentes Confessionibus & Hypothesibus  
variè pervertunt, & impugnant, in cordibus eorum, qui sunt in  
Calvi-



Calvinianorum Ecclesia, fides generata est, & adhuc generatur, cum homines, talia è scripturis recitari audientes, vel in iisdem legentes, ea prout sonant, in simplicitate fidei suscipiunt, insuper habitis Antistitum suorum *Φλαρίαις* & contortis ac pestiferis glosfis.

§. 18. Dicunt (γ) *Augustinum, Lutherum, & Philippum Melancthonem* asseruisse etiam absolutum predestinationis decretum, Deumque peccati autorem æquè fecisse ac fecerit *Zwinglium & Calvinum*, imò dogma de absoluta predestinatione ultra mille annos toleratum esse in Ecclesia. Resp. (1.) quod Augustinum attinet, nonnulli ex ipsis Syncretistis fatentur, illum hoc in negotio multa satis perplexè tradere, ita quidem ut in nonnullis haud obscurè sibi met ipsi contravenire videatur. Quod si ita res se habet, non tam audacter dicendum erat, Augustinum idem planè sensisse cum Calvinistis, vel hos suam de absoluta predestinatione, Deoque autore peccati sententiam ab illo hausisse. Nolumus autem hìc prolixè disceptare de mente Augustini, de qua profectò infinitæ propè lites sunt exortæ, sed remittimus Lectorem nostrum ad B. Micrælii Heterod. Calv. disp. IV. & Dn. D. Calovii Syncret. tract. spec. sect. II. p. 255. seqq. ubi sententia Augustini explicatur, atque orthodoxa fuisse ostenditur, & quidem egregiè, ut laudat Dn. Danhauer in Salve Reform. p. 737. Ego hoc tantum adjicio: Cum ipsi Syncretistæ fateantur, Augustinum hanc sententiam bonò animò arripuisse ut gratiam Dei adversus Pelagium assereret atque amplificaret, debere hìc illos cogitare vulgatum illud: *Duo cum faciunt idem, non est idem*. Aliud enim est error per incoGITANTIAM & studio gloriæ divinæ commissus, aliud *κακοζηλία* & pertinax ac perniciosa illius assertio. Omnis error, ab usu aliquo celebratus, donec est innocens, per commemoratum usum & in advertentiam excusari solet; postquam autem ferax esse cœperit in commodum, & usu priori exciderit, vituperiò, & quò nocentior, abominatione dignus est. Resp. (2.) Quod Lutherum attinet, tantum abest ut ille vel universalitatem gratiæ Dei, meriti Christi, & vocationis ad salutem negaverit, qua in quæstione tamen omnis pene controversia in hoc negotio volvitur, vel absoluta Dei decreta, quibus necessitas peccandi imponitur, asseruerit,



93  
ruerit, ut potius in eo totus fuerit, ne vel gratiæ amplitudo contraheretur, vel nostra peccata quoquo modo in Deum rejicerentur. Quas ex libro de servo arbitrio, spiritu sanè sublimi scripto, phrasēs duriōres proferunt adversarij, compositiæ cum scopo Lutheri, qui erat contra *Erasmum*, libero arbitrio nimirum tribuentem docere, quod nulle nobis in negotio salutis, & in rebus spiritualibus sint vires, quod liberum in nobis arbitrium nihil nisi malum possit, quodque in solidum nostra conversio & nostra in bono perseverantia debeatur Deo, exuunt omnem, quam primâ fronte præ se ferre videntur, duritiem & σκληρότητα. Vide hanc ipsam in rem librum de servo arbitrio cum notis Dn. D. Schmidii, & dissertat. peculiarem Dn. Haberkornii, Confer. disp. V. Micrælii de Heterod. Calv. § 22. seqq. Sed fac Lutherum ita per omnia docuisse in hoc negotio uti docent Calviniani, num propterea hi erunt excusati? num pro fratribus habendi? Iterum dico: Duo cum faciunt idem, non est idem. Lutherus cum illam sententiam proponeret, recenserat egressus ex Papatu, versabatur inter suos extra forum contradictionis, res ipsi erat cum adversario, de gratia conversionis cum Pelagianis minus recte sentiente, nemo ipsum monebat de incommodis, per bonam consequentiam ex ipsius sententia secuturis, & in veritatis præjudicium redundaturis. Sustinebat igitur illam, quod putaret facere ad gratiæ divinæ solidiorem adstructionem. Sed Calvinistæ toties sunt admoniti de periculis, iisque inevitabilibus hujus sententiæ consecutariis, ut non potuerint non vim veritatis agnoscere, nisi constitutum eis fuisset, aures & animum adversus objectiones in eluctabiles obturare. Nec prætexere possunt Calviniani bonam intentionem seu studium amplificandæ gratiæ Dei. Nam hic prætextus amplius locum non habet, postquam verum fundamentum asserendi illam demonstratum est, ut taceam non esse facienda mala, ut eveniant bona. Distinguant itaque Syncretistæ tempora & personas, observentq; utile monitum fratris sui in Christo, Spanhemii qui parte 3. Dub. Evangel. 96. p. m. 495. sic loquitur: *Distinguenda tempora captivitatis, à temporibus liberationis, nec ostio apertò facere licet, quod licebat illò opertò & clausò. Palpationi loci in tenebris non in luce. Nec illic inter leprosos & pestilenti afflatu correptos vivendum,*



*dam, quibus inter sanos vivere licet.* Resp. (3.) Quod Philippum at-  
tinet, ejus autoritas apud nos admodum cœpit vilescere ex quo  
post obitum B. Lutheri in Religionis negotio cœpit cum hostibus  
veritatis colludere, exhibendo se arundinem, quolibet ferè do-  
ctrinæ ventulò mobilem. Vid quæ dicit B. Chemnitius p. I. L. C. de  
causa peccati c. 6. Sigvartus contra Irenic. Parei p. 294. B. Hutte-  
rus contra idem, & passim in Concordia concorde. Dn. Calovius  
Syncret. tract. spec. sect. I. p. 205. Quod verò dicunt Syncretistæ  
ultra mille annos in Ecclesia toleratam sententiam de absoluta  
prædestinatione, id falsum esse docet Dn. Calovius l. c. ostendens,  
dogma istud in diversis Synodis diversis temporibus damna-  
tum. Confer Vossii historiam Pelag. I. VII. part 3.

§. 19. Dicunt (d) Calvinianos modernos non probare nec  
amplecti horrida illa de absoluta prædestinatione dogmata, sed penitus  
fecisse missa, id quod satis appareat ex decretis Synodi Dordracena, Con-  
fessione Thoruniensi, & colloquio Castellano. Resp. Fateor Calvinianos  
in Synodo Dordracena, & post eam de absoluto decreto mitius  
loqui, ac multos infra lapsum subsistere. Sed profectò hoc tanti  
faciendum non est, cum linguam duntaxat mutarint, non men-  
tem. Nam veteres & recentiores Reformatos non tam re, quàm ex-  
plicandi modò dissentire non tantùm Rivetus & Spanhemius disp.  
de prædest. ac Polyander contra trigam disp. Mentzeri, sed & illi  
fatentur, qui præ aliis Syncretismū urgent, utpote D. Bergius disp.  
de provid & c. innuentes, quod ideò noluerint Dordraceni Zwinglii,  
Calvini, Piscatoris, aliorumque duriores locutiones rejicere, ne etiam  
doctrinam orthodoxam ipsorum pariter damnassee viderentur. Hocci-  
ne verò est penitus missa facere horrida de absoluta prædestina-  
tione dogmata? Dignus est, qui hîc audiatur Arnoldus Pœlen-  
burg, Curcellai successor, & Remonstrantium in Belgio h. t.  
Antistes, quem ipse Arminianorum hostis d. omv. 1. 2. 3.  
Maresius à moderatione & sapientia commendat Exam, dissert.  
2. Curcell. Sect. I. §. 5. Pœlenburgius iste, cum recitasset nonnulla  
ex judicio Calixtino de tolerantia Reformatorum, nempe,  
per contentiones in Belgio cum Arminianis agitatae factum, ut si non  
OMNES, certè PLERIq; horrida illa de absoluta prædestinatione  
dogmata missa fecerint, ita mentem suam exponit; Nobis autem hic  
exiguum



97

exiguus videtur profectus, aut potius nullus, præsertim cum illi qui  
*infra lapsum in his regionibus subsistunt, ex primo Adami peccato in-*  
*evitabilem peccandi atque in æternum pereundi necessitatem in omnes*  
*reprobos inducant, statuuntq̃, meritum mortis Christi nihil his prodes-*  
*se posse; atque insuper concedere debeant, Adamum respectu decreti*  
*divini necessario lapsum fuisse. Præterea Calixtus cum putat PLE-*  
*ROSq̃ horrida illa placita deseruisse, longius progreditur quàm*  
*par est. Non enim ignorare debuit vir pacis nobisq̃ (Arminianis)*  
*dilectus, in hoc Belgio nostro horridi istius placiti defensores COM-*  
*PLURES superesse, eos maximè, qui aliquot abhinc annis ex Aca-*  
*demia Ultrajectina, tanquam ex equo Trojano, prodierunt. Hæc*  
*ille, in epistola præfixa refutationi disputationis inauguralis*  
*Spanhemii Junioris de V. Articulis. Idem autor in epistola, quæ*  
*respondet ad præfationem maledicam Leonhardi à Ryssen, in-*  
*nuit longè plures hodiè in Belgio esse absolutæ prædestinationis*  
*patronos, quàm fuerint tempore Synodi Dordracenæ. Verba*  
*hæc sunt: Nunc longè aliter, atque olim Synodi Dordracenæ tempori-*  
*bùs Supralapsarii, qui tunc erant oppidò pauci, in tantum excreverunt*  
*numerum, ut omnia præcipuarum subsellia Academiæ obsederint,*  
*unde ingentia Supralapsariorum agmina, tanquam ex equo Trojano*  
*jamdin prodierunt: adeò quidem, ut hic (Ryssenius, contra quem i-*  
*sta scribebat) audeat in fronte libelli sui dicere, se REFORMA-*  
*TORUM SENTENTIAM demonstraturum. Immo id etiam per-*  
*suadere conatur, id agit, ut nobis omnes suos ex Infralapsariis faciat*  
*Supralapsarios. Quod si verum sit, nostris (Remonstrantibus) datur*  
*tantò major ac iustior offensionis gravissimæ causa, tantoq̃ minor hinc*  
*apud nonnullos oriri potest propensio de novo cum illa Ecclesia coalescen-*  
*di, quæ PROFICIT IN PEJUS, & deterior est, quàm fuerant opina-*  
*ti. Interea laus est tribuenda huic fervori, quod ulcera suorum, ma-*  
*le jam dudum obiecta, denudet nunc ipse, in crustamentis à pariete in-*  
*tergerino revulsis. Sæpè dixerant nostri, Infralapsarios ad Suprala-*  
*psariam sententiam haud difficulter redigi posse, quanquam illi acer-*  
*rimè renitebantur, ipse verò eos esse Supralapsarios iudiciò suo irrefra-*  
*gabiliter demonstrat. Cum enim aliquid, in quo omnes conspirant,*  
*potuisset, subicit: quò positò nullam amplius superesse controversiam, ego*  
*coram quovis demonstrare paratus sum. Epistola, in qua hæc ha-*

N

ben-



bentur, extat inter Armin. p. 900. vid. p. 912. Vera hinc dixisse Pœlenburgium inde colligo, quoniam Ryssenius, qui satis aculeatum epistolæ isti opposuit responsum, ea quæ spectant Supralapsarios, sicco pede præterit, id non facturum, si aliquid à vero alienum dixisset Pœlenburgius, in quem aliàs vehementissimè debacchatur, & simul bilem suam effundit in epistolas, quas vocare soleo Arminianas, pronuncians, *earum materię Theologicę vix speciem habere, facundię parum, modestię ne hilum quidem*, qua in re ipsum splendide mentiri, inspectio & lectio laudatarum epistolarum docet, Rysseni responsio ad epistolam Pœlenburgij subiecta est Synopsi impurę Theologię Remonstrantium. Falsum est itaque vel in Synodo Dordracena absolutam prædestinationem disertè rejectam, vel post eam penitus abdicatam. Revocet hinc sibi Lector in memoriam vehementem de genuina sententia Synodi Dordracenę concertationem Voëtii & Maresii, quorum alter, Voëtius, Synodum reprobationis decretum ante vel supra lapsum Adami constituisse defendit, alter eidem Apologiam pro Synodo Dordracena opposuit. Id vero inde est, quia ejus decreta ita sunt concepta, ut tùm Sub- tùm Supralapsarii possint iis subscribere, prout etiam in ipsa Synodo absoluta prædestinatio à Francisco Gomaro fuit defensa & ille pro fratre orthodoxo habitus. CONFESSIO THORUNIENSI non est, quod nos moveri patiamur. Nam admodum lubrica ea est & captiosa, quod ostendit in ejus examine B. Hülsemannus. Confer Calovium in de Syncret. p. 228. & vide quæ suprà hac ipsa de Confessione dixi. Marpurgenses hoc in negotio melius sentire cæteris Calvinistis, nullo nobis certo constat indicio. Infra sive Sublapsarios eos esse ipsi Rintelenses concedunt in Epistol. Apol. p. 36. nec diffitetur Calvinista Curtius in de art. fundam. Sect. VII. §. 5. Cum verò, ut paulo ante indicatum, & Supra & Sublapsarii tantùm dissentiant in modo loquendi; convenient autem in re ipsa, fatentibus ipsis Calvinistis Riveto, Spanhemio, Polyandro, Bergio, eodem loco habendi sunt Marpurgenses Sublapsarii, quo habemus Supralapsarios Belgas, scil. pro desperatis hæreticis, & fraternitate spiritali indignis hominibus. Si hinc velint Syncretistæ nobis objicere Hypotheticos, Cameronem, Amyraldum,

Testar-



99  
Testardum, Crocium, Bergium, Hildebrandum, aliosque, & dicere, illos in negotio prædestinationis nobiscum conspirare, asserendo gratiam Dei universalem & meritum Christi universale, de plano pronunciamus, Calvinistas istos ὁμοίαν μὲν λαλῶν, ἀνέμοισι δὲ φρονεῖν, ac planè ἀσύγκλητα συγκληθεῖν, id quod Amyraldo subinde objecit Spanhemius, dictitans, eum statuendo Deum omnium velle misereri, si omnes credant, vel credere possint, ex se scilicet asserere gratiam *histrionicam, illusoriam, derisoriam*. Vid. Dn. Calovius in de Syncret. p. 230. B. Micrælii Heterodoxia Calvin. de prædest. disp. I.

§. 2. Dicunt(e) prava, quæ hic foveant Calvinistæ dogmata, apud paucos admodum pestilens virus suum solere in vim transferre, eò quod illa, in quantum aliquid periculi secum trahant, aut taceant, aut cautissime & mollissime efferant. Resp. Næ hoc est αὐτοκαταχρηστῶς facere illos, quorum causa hic agitur. Si placita, quæ hoc in puncto foveant Calviniani, in se sunt prava, si ex sua natura venenata, quod non obscure concedunt Syncretistæ, etiam si paucis noceant, non sunt tacenda, nec mollibus verbis incrustanda, nec ad eorum defensionem vel excusationem torquenda verba & testimonia scripturæ, quandoquidem Christus & Belial non possunt in una sede morari, nec luci ullum cum tenebris est commercium II. Cor. VI. 15. Neque possunt adeò cautè tractari, quin subinde virus suum exerant, nam paulum fermenti totam massam corrumpit Gal. V. 2. 4. Matth. V. 18. *Quicumque solverit vel unum apicem de hisce, quæ in lege extant, minimus erit in regno celorum*, ubi verbum *solvere* notare non solum violationem, quæ moribus & factis, sed illam quoque, quæ falsâ doctrinâ, sive interpretatione fit, ex parallelo constat Joh. X. 35, quando iudices seculares Filii Dei dicuntur, non solvitur Scriptura. Sed Calvinistæ ipsi quoque adhinnientes Syncretistæ malunt in tenebris micare, malunt simulare, malunt dogmata pestifera incrustare, quàm Deo dare gloriam, & errores agnitos in proskenio Ecclesiæ sincerè recantare. Næ si nullos hic agnoscent errores, si nullum periculum Calviniani, cur formidant mentem suam apertè exponere? Cur adeò titubanter loquuntur? cur tam sollicitè cavent, ne quæ mysteria hæc dispalescant? Nobis certè beneficium nullum majus potest of-



ferri ; quàm si adversarii sententiã suam sine fuso & fallaciis more majorum plebi suæ simpliciter exponant. Sed Calvinistæ moderni prudentiores sunt, quàm ut hoc faciãt. Quod si quis minus providus arcana doctrinæ suæ palàm populo conspicienda præbuerit, illicò magna animorum perturbatio existit, quod post Synodum Dordracenam Roterodami in Hollandia contigisse memorat in suprà citata epistola Pœlenburg, usque aded, ut novi schismatis periculum metueretur. Verum carnalis hæc prudentia, conscientia cauteriatæ index malè cessura est olim Calvinistis, sicut susceptum illius patrocinium excusatione minimè levi expiandum veniet Syncretistis : *Væ justificantibus impium* Esa. V. 23. *Qui tepidi sunt, nec fervidi, nec frigidi, illos evomet Dominus ex ore suo* Apoc. III. 16.

§. 21. Dicunt (2) Calvinistas integras atque illibatas servare regulas Practicas, justificationem & salutem eternam adscribentes fidei, nepe, qui crediderit & baptizatus fuerit salvus erit, qui nō crediderit, condemnabitur. Ope harum regularum posse efficacissimè erigi de sui ad vitam prædestinatione dubium. Resp. Vi absoluti decreti nulla firma consolatio, velex verbo Dei, velex Sacramentorum usu, pro erigendis tentatis conscientis de sumi potest, adeoque in syllogismo Calvinianorum consolatorio practico, major propositio in prima figura semper fit particularis, vel si universalitas quædam respectu credentium constituatur, minor semper petitione principii laborat. Unde non nisi meræ dubitationes & tandem desperationes consternatis & tentatis conscientis suboriuntur. Siquidem à posse ad esse nulla firma consequentia necitur. Repete quæ suprà dixi § 17.

§. 22. Articulum de Prædestinatione in Colloquio Cassellano excipit articulus de Christo. Hic dicunt Syncretistæ (1) Calvinianos nobiscum convenire in doctrina de unitate personæ & dualitate naturarum secundum hypostasin unitarum, sive doctrina de unionis personali. Resp. breviter : Calviniani ponunt quidem unionem personalem quantum ad vocem, quoad rem ipsam verò eam evacuant, quando per sustentationem *ὁ θεὸς τὸν υἱόν* explicant. Nam sustentatio carnis est actus omnibus tribus Personis communis, communis itidem omnibus creaturis, at λόγος  
sic



201  
sic sustentat carnem, ut solus, ut solam. Ideò rectè B. Lutherus  
huiusmodi philosophiam appellat hæreticissimam, quæ negat  
Filium Dei esse hominem actu primo, sed fingit carnem solum  
sustentari actu secundo. Quamvis igitur Calviniani juxta no-  
biscum profiteantur, quoad verborum sonum, divinam & huma-  
nam naturā reverā & personaliter esse unitas, sic ut Christus Deus  
& homo sit in personæ unitate, tamen hoc rectè, sanctè & sincerè  
non credunt, nec credere possunt ob causas, à Dn. Theolog. Wit-  
teberg. in Epicrisi ad art. 3. de pers. Christ. §. 1. allegatas.

§. 23. Dicunt (2.) Calvinistas prædicationes personales, non  
amplius facere verbales, sed iam nobiscum fateri Reales. Resp. Valde  
vereor, ne quam in aliis capitibus, hîc quoque adhibeant *κνβελαν*  
Calviniani, qui quâdam phrasewn latitudine, ex consilio syncre-  
tistico Josephi Halli, sibi quam proximè accedendum putant ad  
adversarios. Nos propositiones personales olim & nunc ap-  
pellare consuevimus Reales à reali communicatione naturarum  
& proprietatum in persona Christi *θεωσφάντα*, minimè verò ge-  
nerali quodam respectu & intuitu personæ præcisè sumptæ. Jam  
dicant nobis Syncretistæ, quo respectu, priorine, an verò poste-  
riori Calvinistæ prædicationes personales appellent Reales? Si  
illo, necesse est, ut agnoscant nobiscum realem communicatio-  
nem naturarum & proprietatum in persona Christi, sin hoc, reti-  
nent utique, quicquid excipiant & perplexentur, *ἀλλοίωσιν* Zvvin-  
glianam Calvinistæ, nec melius sentiunt suis maioribus, licet spe-  
ciosius loquantur. Id quod notandum non tantum contra Au-  
torem, qui anno superiori Francofurti edidit meditationem de  
controversia circa personam Christi inter Evangelicos, ut ipse  
loquitur, agitata, quâ demonstrare satagit, eam in solis loquendi  
formulis & terminorum Scholasticorum ambiguitatibus confi-  
stere, adeoque revera nullam esse, verum etiam contra Calvinis-  
tam Curtium, qui de artic. fundam. Sect. VIII. 9. negat prædica-  
tiones personales secundum ipsos (Calvinistas) esse verbales,  
cum unio personalis, quæ istarum prædicationum fundamentum est,  
ipsis non sit verbalis vel titularis, sed REALISSIMA. Itane verò  
mi Curti, unio personalis vobis est realissima? At verò in omni  
hypostatica unione requiritur quadruplex communio (1) Hypo-



staseos, in qua fit naturarum diversarum unio (2) naturarum uni-  
endarum (3) idiomatum (4) operationum, quæ naturas insequun-  
tur. Ubi quatuor hæc requisita adsunt, ibi demum unio est re-  
alis. Quid tu hîc ais? Num hæc nobiscum sincerè credis & con-  
cedis? Num tu unionem personalem ita describis, ut realem  
communicationem naturarum & idiomatum coadmittant? Mi-  
nimè verò. Itaq; quā diu ita ut sentiat, à vobis impetrare non po-  
testis, tam diu dicim; vos merè verbales & titulares facere prædi-  
cationes personales, cū ipsis substernatis non verū ac reale funda-  
mentū, id est veram & realem unionem, sed merum ens vestra Ra-  
tionis, adeoq; fundamentum planè falsum & commentitium.

§. 24. Dicunt (3) Calvinianos nobiscum agnoscere etiā Maje-  
statem Christi secundum carnem, fatendo, humanam Christi naturā ad  
dextram Dei sedentē ad summā gloriam evectam esse, &c. Non agnos-  
cunt sincerè, quandoquidem præfractè negant, idiomata, ἀ-  
νθρώπου & αἰώνια verè divina ad communem possessionem,  
usurpationē ac denominationē carni Christi reverā esse comuni-  
cata, ita, ut de illa non tantū in abstracto utcūq; possint præ-  
dicari (nā hoc non nunquā Calviniani profitentur, dicentes: Hu-  
manam naturam esse omnipotentem, sed personaliter, vel in persona  
Filii Dei citra communicationem veram & realem) Sed verè, rea-  
liter, ac intrinsecè personaliter sive per & propter unionem per-  
sonalem. Cum verò dicunt Calviniani, humanam Christi natu-  
ram, ad dextram Dei sedentem, ad summā gloriam evectam  
esse, non intelligunt gloriam & Majestatem verè infinitam, im-  
mensam ac increatam, sed hāc inferiorem & summā saltem,  
in genere suo, quanta scilicet, in naturam creatam cadere potest. Sed  
uti hæc opinio contravenit Scripturæ & libris nostris Symbolicis  
(vid. epit. Conc. art. VIII. n. XVI.) non agnoscentibus glori-  
am divinam, & summā nisi unico Filio Dei propriam, huma-  
næ naturæ communicatam, ita Calvinianos à nobis longissimè  
sejungit.

§. 25. Dicunt (4) Calvinianos suscipere nobiscum Confess.  
Concili Chalcedonensis, & Anathematismos Concilii Ephesini, damna-  
re ac detestari Eutychis, Nestorii aliorumq; hereticorum errores, in-  
ter nos igitur & illos consensum esse in hoc in articulo fundamentalem.  
R. pro-



103  
R. Profitentur quidē Calvinistæ se hoc in negotio sequi, ac recipere sententiam Conciliorum Chalcedonenſis atq; Ephesini, hinc illius confessionem atq; huius anathematismos Curtius inseruit tractatui, quem edidit de artic. fundam. sect. 3. Sed profectò reverà non suscipiunt, nec sincerè sequuntur, quia contra regulam Chalcedonenſis Concilii: *In operibus officii una quæq; natura agit quod suum est.* Sed cum COMMUNICATIONE ALTERIUS, disertè negant, humanam naturam in operibus omnipotentie agere sive operari eadem virtute, quâ operatur divina natura, quod est dicere: illam agere absq; communicatione divinæ naturæ. Sic susq; deq; habitò anathematismò XI. Concilii Ephesini negant *Carnem Christi ex unione personali esse vivificam.* Sic & contra anathematismum octavum negant, *carnem Christi esse adorandam.* Excipere h. l. neutrò Anathematismò feriri Calvinistas, utrumq; oppositum fuisse Nestorio, qui planè unionem personalem dissolverit, & omnem communicationem negarit, *ὅτι ὁν φέρουσιν* est. Nam licet Calviniani moderni non tam apertè ac Nestorius unionem personalem dissolvant, nec tam crassè de idiomatum communicatione philosophentur, subinde tamen in ipsius castra concedunt, iisdemq; quibus ille argumentis, orthodoxam de communicatione idiomatum doctrinam impugnant, adeoq; utroq; anathematismò non minùs feriuntur, quàm Nestorius, cū quo idem docere in hoc capite Calvinistas probatum dedit Micrælius in Heterodox, Calvin. de Christo disp. VI. & VII. & B. Schröderus contrà Grabium peculiari libro de Nestorianismo.

§. 26. Ultimū in Colloquio Castellano locum occupat articulus de Baptismo. Hic dicunt Syncretistæ Calvinistas perinde ac nos baptismum agnoscere pro medio ordinario regenerationis, adeoq; nobiscum in re ipsa consentire. Resp Calvinistæ baptismum reverà non agnoscunt nec habent pro medio, per quod Spiritus S. ordinariè operetur regenerationem, siquidem infantes etiam ante baptismum sanctos esse statuunt, illiq; solum tribuunt testimonem, significationem, obſignationem remissionis peccatorum & interioris ablutionis. Hinc patet nullum esse inter nos & illos quoad substantiam rei etiam hoc in capite consensum. Nam  
nos



nos docemur & confitemur infantes esse baptizandos ut Christo inferantur, & spiritualiter regenerentur, adeoque sancti fiant: Calvinistæ verò asserunt, infantes etiam ante baptismum esse sanctos. Licet verò libenter largiamur Christianorum liberos gaudere, *sanctitate Ecclesiasticâ & externâ*, prout privilegium adeundi Ecclesiâ ad impetrandum baptismum habent; negamus tamen eos gaudere *sanctitate spirituali atq; internâ fœderali*, quâ actu quis fruitur beneficiis, atq; ita in gratia Dei & fœdere cū Deo non sunt ante baptismum, quantum ad actum, quia fide destituuntur, quæ ad stipulationem cum Deo requiritur, ac sine interioris cordis motu non est, quum fide corda purificentur Act. XV. 11. Habent jus ad rem, ut Icti loquuntur, ad fœderis hæreditatem consequendam, sed non in re, ut actu contineantur in fœdere Dei, sint in gratia Dei, adeoque filii Dei sint ante baptismum, & hæredes vitæ æternæ. His, uti decet, observatis facile respondere possumus Calvinistis excipientibus etiam nonnullos è nostratibus dicere infantes esse sanctos ante baptismum. Nempe nos facile damus, Deum huic ordini non ita esse adstrictum, ut nolit aut nequeat, siquidem per absolutam atq; extraordinariam potentiam agere ipsi placeat, infantes ante baptismum sanctificare, cū a. Baptismum dicimus ordinariū mediū regenerationis, hoc saltē volumus, neminem ordinariē concipere fidem, quā sumus Filii Dei, nisi per Sacramentorum usum, & verbi auditum eam accipiat. Hoc, inquam, volumus, quod dum non satis observant Calvinistæ, nec extraordinarium sanctificandi modum ab ordinario distinguunt, meritò illos accusamus ignorati elenchi, ac præterea impietatis, negantes verâ, propriâ atq; actuâ fide esse præditos infantes. Nam hæc ratione infantibus tribuetur salus citra fidem actualem. Hoc ipsum verò clarissimis scripturæ dictis adversatur, fidei omnia in negotio salutis transferentibus vid. Gal. III. 29. Ebr. XI. 6. Joh. I. 12. Rom. V. 12. & regulis prædictis, quas necessarias ipsimet Calviniani agnoscunt, & ad fundamentum salutis referunt, salutem & justificationem à vera fide suspendentibus, *Qui crediderit, & baptizatus fuerit, salvus erit, qui non crediderit, condemnabitur.*

§. 27. De exorcismo, quem nonnulli Pseudo-Lutherani, falsi



405  
falsi fratres ac Syncretistæ in gratiam adversariorum Calvinianorum abrogandum vel intermittendum sciscunt, tenendum, esse Ceremoniam liberam Baptismi, habentem significationem non inutilem de qua B. Gerhard. Tom. IV. LL. de Bapt. §. 263. seqq. minimè verò omnium usum ejus esse liberationem infantis ab obsessione diaboli. Liber iste ritus cum satis diu observatus fuerit in Ecclesiâ, quod nonnulli ex ipsis Syncretistis urgent, derivantes illum à constitutione Apostolica, ac præterea in se sit innoxius, in gratiam Calvinianorum, qui sanctos esse fidelium liberos, & in fœdere gratiæ ante baptismum statuunt, neq; planè abrogari debet, neq; ratione sui formalis in expressas preces commutari, quin potius standum in libertate, in quam per Christum sumus vindicati Gal. V. 1. neq; falsis fratribus, cum adversariis colludentibus, eorumq; causam agentibus ad horam cedendum Gal. II. 4. ne pars adversa in opinione sua cõfirmetur, & scandalum præbeatur infirmioribus, mutationem Ceremoniarum interpretantibus pro mutatione dogmatum.

Θέσις IX. Calvinismus est irreconciliabilis, & Syncretismus cum Calvinistis quæ talibus, Theologicè & Politicè malus.

Εκθέσις. Præceptor meus b. m. Dn. D. Hülsemannus (cujus eruditæ lucubrationibus uti in multis gravissimis controversiis Theologicis, sic etiam hac ipsa in materia me plurimum adjutum, publicè hic profiteor gratus discipulus ac dissimilimus eorum, qui incomparabilis Theologi honori, scriptisq; cedro dignis, infubidis suis judiciis valdè invecundè atq; improbè detrahunt, quod fieri mirarer, nisi scirem invidiam, ingratiitudinem atq; ambitionem cum inscitia conjunctam ubiq; ferè regnare ac mortuo leoni lepuseulos etiam barbam vellicare) edidit librum, continentem delineationem causarum earumq; applicationem ad Calvinismum, propter quas Josephus Hallus Papismum censuit esse irreconciliabilem. In libro isto demonstrat, Si obex ponitur in Papatu per fabulam infallibilitatis de impeccantia judicii in Papa, illum etiam inveniri in eo, quod rationem ultimam interpretandi sa-

O

cras



*ras literas in congruentia cum sensibus & Ratione congenita quarant Calvinista; Si ibi peccatur in modo & forma justificationis, dum ponitur in infusione, non imputatione; hic non minus peccari in causa justificationis meritoria, dum Christus pro omnibus negatur mortuus. Si ibi libero arbitrio nimis datur, hic gratiam fieri irresistibilem & imponi necessitatem: Si merita ibi gratie divinae assuuntur; hic omnem gratiam fieri particularem; Si ibi operibus praevisis aliquid datur in electione; hic reprobationem fieri absolutam; Si ibi sanctis nimis tribuitur; majestatem hic Carnis Christi imminui: Si ibi transubstantiatio statuitur, hic rem caelestem ex Eucharistia tolli; Si ibi invocantur mortui; hic adorationem ad solam divinam naturam in Christo restringi. Hæc est summa libri, qui inscribitur: Calvinismus irreconciliabilis. Libri hujus autorem fuisse non Christianum Calvinista quidam Polonus dixisse fertur, ut ex ipso B. Hülsemanno aliquando audivi. Sed profectò nihil in eo asseruit, quod non luculenter ex ipsis Calvinistarum scriptis probatum dederit Beatus Præceptor. Quamobrem ipsi planè assentior, idemque pronuncio. Quod si & mihi propterea necesse sit apud Calvinistas excidere titulo Christiani, valere illos jubeo. Si Deus & veritas pro nobis, quis contra nos? Rom. VIII. 31.*

*§. 2. Per Syncretismum intelligo unionem, concordiam & societatem cum adversariis, non obstante utrinque dissensu ac dissidio in negotio religionis, initam vel incundam, conjunctam cum tolerantia heterodoxorum dogmatum, ut communes adversarios armis tam Ecclesiasticis quam Politicis eò facilius ac felicius coerceamus ac debellemus. Talem societatem spirant ac sperant invitantes nos ad pacem & concordiam Calvinistæ, quamvis Johannes Duræus, qui maria & terras est circulator, ut faceret profelytos Syncretismi, nolit videri esse in eorum numero, qui factionem aliquam Politicam contra Pontificios formandam, sub Syncretismo aliquando quæsierunt. Sed verba sunt. vide prodrom. Irenic. p. 25. & pag. 151. Pareus celebris ille Calvini Hyperaspistes contra nostrum Hunnium Irenici sui famosi c. 7. p. 66. Nos, inquit, pro Syncretismo adversus communem hostem Antichristum, studia consiliâ, jungamus. Sic Caspar Stresio, non ignobilis Calvinianus, suadet pacem quæ consistat*



107.  
fistat in confociatione & communione tūm SPIRITUALIS, tūm  
CIVILIS OPERÆ advers⁹ apertas hereses, AntiChristum & com-  
munes veritatis hostes. §. 4. Epistolæ quæ habetur inter Armin.  
p. 749. Huc etiam alii Calvinistæ eunt, qui se pacis inter  
nos & ipsos ineundæ proxenetas ac pararios profiten-  
tur.

§. 3. Sed quicquid hujus sit, dico ejusmodi unionem, pa-  
cem, & Societate esse malam (1) Theologicè. Nam (2) Syncretis-  
mus in Religionis negotio in S. Scriptura prohibetur tūm mysti-  
cè, cum interdicitur usus vestium ex lino & lana confectarum Deut.  
XXII. 9. & commixtio animantium Lev. XIX. 19. tūm apertè; cum  
Paulus nos non vult jugum trahere cum infidelibus 2. Cor. IV. 14,  
Cum docet unum esse Dominum, unum Deum, unum baptisma, u-  
nam fidem Ephes. IV. 5. Cumq; Christus tepidos in fide respuit Apoc.  
III. 15. Deinde (3) Hoc ipso adversariis occasionem præbemus  
errores suos hominibus proponendi, instillandi, latiusq; disse-  
minandi, quo pacto hæresi cooperamur moraliter & nosmet-  
ipsose exponimus damnationis periculo. *Qui non est mecum, con-  
tra me est, & qui non colligit mecum, dispergit Luc. XI. 23.* Dicis, hoc  
principio facillè moveri posse Magistratus Calvinianos ut ejici-  
ant, quos hæcenus in suis territoriis tolerarunt, Lutheranos. R.  
non possunt, nec debent moveri hoc principio, siquidem ipsi  
Doctores Calviniani nos absolvunt ab erroribus fundamentali-  
bus & hæresi, ac testimonium perhibent nostræ Religionis, quod  
sit vera & salvifica. Hinc ejusmodi in Synodo Nationali Cha-  
rentonenſi 1631. celebrata decretum factum; *Cum Ecclesiæ Con-  
fessionis Augustanæ conveniant cum aliis Reformatis in principiis &  
punctis fundamentalibus Religionis, statuit Synodus, fideles dictæ Con-  
fessionis posse nullâ præmissâ abjuratone opinionum, quas tenet contra-  
riarum fides dictarum Ecclesiarum nostrarum, admitti ad cœnam.*  
Ita, inquam Charentonenſes Synodici in Gallia statuerunt, & hoc  
ipso nos ab hæresi absolverunt. *Nam cuicunq; Sacramentum Cœ-  
næ porrigo, inquit Caspar Stresø, ei testor, quod nihil videam, quo  
minus absolute possim ei addicere & obſignare vitam æternam.* in  
epist. Arm. p. 742 Quoniam igitur ipsi Reformati per ad-  
missionem nostræ Religionis hominum ad sacram cœnam, &



oblationem fraternitatis spiritualis, (satis testantur nostram  
 Religionem ab hæresi salutis noxia immunem), tantum abest ut  
 Reformati Magistratus nostræ Religioni addictos hoc nomine  
 licite possint expellere, ut potius Theologos suos adigere debe-  
 ant ad sincere amplectendam, & publice profitendam eam Re-  
 ligionem, quæ ipsorum testimoniò jam adepta est veritatem sal-  
 tem probabilem. Imò ipsi Magistratus Reformati huic ipsi Re-  
 ligioni sese debent omni abjectâ morâ applicare, & cæteris pa-  
 ribus, facere quod fecisse memorant Heinricum IV. Galliarum  
 Regem. Cum Ministros suos interrogaret, utrum Papista in sua  
 Religione salvari possent, & si negare non auderent, contra verò à Pa-  
 pistis asseverantissime audiret, si in hæresi, quam sectabatur, morere-  
 tur, absq[ue] ullo dubio in æternum damnatum iri in inferno, hanc inde ne-  
 cessarium conclusionem elicit: Longè sibi tutius esse eam Religionem  
 profiteri, in qua salvari se posse utraq[ue] pars consentiret, quàm illâ, quâ  
 altera duntaxat probaret. Ita ferè re ista commemorat Spodanus ad  
 annum 1593. n. 12. Sic cum audiunt Magistratus Calviniani suos  
 Theologos dicere, nos posse in Religione nostra salvari, esse eam  
 immunem ab erroribus fundamentalibus, nos verò contra pro-  
 bare, ipsorum Religionem esse erroribus fundamentalibus con-  
 taminatam, eidem addictos versari in præsentissimo damnatio-  
 nis periculo, ita secum debent constituere: Longè sibi tutius esse Re-  
 ligionem Lutheranam amplecti, in qua salvari se posse utraque pars  
 consentiat, quàm sequi Calvinianam, quam ducere in infernum al-  
 tera pars luculenter probet. Confer D. Johannis Bergii Tracta-  
 tum, inscriptum *Unterschied und Vergleichung* p. 210 seqq. Instas:  
 si vel maxime hujus principii assertio innoxia futura sit Luthera-  
 nis, sub imperio Magistratum Reformatorum viventibus, me-  
 tuendum tamen, ne Magistratus Pontificii, extimulati à turboni-  
 bus Jesuitis, habentibus nos pro pessimis hæreticis, ejiciant ex  
 suis ditionibus Evangelicos, ne dici queant moraliter cooperari hæ-  
 resi. Respond. tum demum aliquis moraliter cooperatur hæ-  
 resi, cum permittit usum & exercitium Religionis cacodoxæ,  
 quod impedimentò congruò & licitò posset ac deberet impedi-  
 re. Est enim causa moralis, quæ non obstat, cum possit ac  
 debeat. Jam posito nos esse hæreticos, quod tamen probari ab  
 adver-



108  
adversariis nonquam poterit, non tamen Magistratus Pontificii, nostræ Religionis exercitium in suis terris permittentes, dicendi essent moraliter cooperari hæresi, cum impedimento congruo & licito propter pacta conventa, sanctissimis juramentis confirmata, illud amplius impedire de jure nequeant, nisi se tueri velint infami illo axioma: *Hereticis non esse servandam fidem*. Vide hanc in rem triumphum fœderatæ pacis secularis, seu anacrisin criseos Lojolicæ à Dn. D. Dorschæo oppositam Anticrisi judicii Theologici Ernesti de Eusebiis super quæstione; An pax qualem protestantes desiderant, de se sit illicita? Confer Dn. Danhaueri partis secundæ specialis Theolog. Casual. Dialog. 3. Sect. 2. p. 620. seqq. & quæst. 15. p. 659.

§. 4. Quod igitur Elias olim Baalitis dicebat: Usque quò claudicatis in duas partes? &c. I. Reg. XVIII. 21. Idem respondere possumus ac debemus iis, qui Calvinistas in Rempubl. recipiendos, vel tolerandos suadent, vel Syncretismum in Religione à nobis expetunt, ut contra communes hostes Pontificios conjunctis viribus stare possimus. Benè Dn. Hülsemannus: *Propter futuram spem uniendarum vocum & calamorum scriptoriorum adversus Papistas non est efflagitanda sive suscipienda conciliatio cum Calvinistis, si materia controversatione indolis suæ, & salva veritate divinitus revelata, non est conciliabilis. Merentur Calviniani scriptores suam laudem, ob Zelum & industriam in profligandis Papistarum dolis & commentis: Veruntamen neque nititur veritas quantitate numericâ propugnantium Scriptorum, aut quantitate extensivâ multorum Tomorum, quæ Armatura Hispanica ut in populi fidem nihil potest, ita Doctoribus non fidem facit, sed laborem solum creat, & diligentiam excitat: Nec in societatem illam spiritualem, quæ οὐκ ληγονόμος ejusdem gratiæ & gloriæ complectitur advocandus est Draco Egyptius, uti sacra nostra adversus Babylonium Tyrannum parilibus armis tueatur. Jcf. XXX. 2. 3. Jer. II. 18. c. XXXVII. 7. Exod. XXXIV. 12. seqq. II. Chron. XIX. 2. 3. seqq. in Calvinis Irreconcil. p. 209. In eandem sententiam magnus ille Martinus Chemnitius scribit in Harm. Evang. c. 83. Urgent subinde Calviniani, & in eo sæpenumero ipsis ad stipulantur quidem Politici, ut nos Lutherani ipsis contra Pontificios nos jungamus. Sic enim nos cum illis conjunctos hisce terribiliores*

O 3.

futuros



*futuros. Et quidem quod Politicam conjunctionem attinet, eam suo loco relinquimus. Si tamen quod res est dicere velimus, satius est nos solos ab omnibus derelictos, Christo & ipsius veritati adherere, quam alterutri parti contra alteram adstipulantes, nostræ Confessioni eam notam inurere, quasi Christus citra Belialis patrocinium consistere nequeat. Per nos autem Jesuitæ & Calviniani, cum Anabaptistis & Schwenckfeldianis, quandocunque & quomodocunque voluerint, in unum contra nos cœant: Indicium enim hoc est, eos Phariseorum, Saduceorum, & Herodianorum vestigiis insistere, nos vero cum Christo ipsorum relictis & machinationibus objectos esse. Hoc ipsum cum perpenderet prior ille Martinus, suò potissimum effecit iudiciò, ne Zvingliani ullò modò in fœdò Smalcaldicum reciperentur, cum ejus confederationis finis esset, ut Evangelii doctrina ejus præsidio defenderetur, si qua vis à Pontificiis inferretur. Sic etiam piissimus Elector Saxonie Johannes in conventu Francofurtensi Helvetiorum legatis respondit, non se quidem latere, quanti sit facienda ipsorum conjunctio propter vires atque potentiam, sed tamen eo sibi minime respiciendum esse, ne tristis inde sequatur exitus, quod is accidisse scriptura testetur, qui muniendi sui causâ hujusmodi malorum usi sint præsidis, ut refert Sleid. l. 6. & 8. Sic constantissimus ille Christi Confessor respondit eò tempore, quò furie omnes in bustum Evangelii redonati conspirabant, quò Religio in acie novacula erat constituta, quo maximè fulcienda videbatur humanis præidiis. Sed malebant Majores nostri, Cordatissimi mortales, in Deo confidere, quam in hominibus; malebant soli incedere, quam jugum ducere cum infidelibus; malebant à Deo expectare opem, quam Syncretismo, tanquam Medusæ capite perterrefacere, qui luci restitutæ adversabantur.*

*§. 5. Deinde Syncretismus cum Calvinistis QVA TALIBUS, etiam Politicè malus est. Calvinistas quæ tales, Theologicè consideratos supra ex Hoëo descripsi. Quæ tales Politicè, sunt ut plurimum homines inquieti ac turbulenti, quod sub finem superioris seculi hæ ipsæ regiones sunt expertæ, cum Crypto-Calviniani omnia factionibus replerent, cælum terræ miscentes. Legi potest hac de re Comædia Mifnica D. Georgii Mylii. Sed ne quis ejus testimonium elevet ut hominis ἀλλοφύλου & Re-forma-*



191  
formatis non satis æqui, producam testem domesticum e schola  
Reformatorum, quos inter etiam diem suum supremū obiit Am-  
stelodami. Is est Casparus Barlaeus, qui in fide imbelli, sive episto-  
la parænetica ad illustrissimos & potentissimos Confœderata-  
rum provinciarum Ordines, Calvinistas vivis coloribus depin-  
git, ita scribens: Calvinistæ primum in pretio habent Magistratus suos,  
quoad consiliis suis suffragantur. Si dissentiant, in promptu est prævari-  
candi pretextus. Adhuc proprium est huic genti ita sacra sua curare, ut  
quæ ad tranquillitatis publicæ conservationem faciant, non curent. In  
patriæ commoda curas non intendunt, & dum pro Ecclesiæ salute decer-  
tant, Reip. mala suâ, deq. habent. Et quia regnum suum de hoc  
mundo non esse contendunt, imperia corrumpere, regna vastari, vacuas  
reddi possessiones malunt, quàm alterius arbitrio stare, aut in regni sui  
societatem Casarem admittere. Tertio ubi rerum potiti sunt, & superi-  
ores facti, consortis impatientes sunt, & Magistratus in obsequentes in  
ordinem cogere, dissentientes à gubernaculis deicere, solis sibi ut cæli,  
ita & terre usurpare possessionem, religionis iura interpretantur. Que  
sequitur Calvinum turba, ex quavis ferè rebellionem compendium ca-  
ptat, & Principes, qui Jesuitarum hactenus mos fuisse creditur, bellis  
quoq. implicare novit. Galliam contemplamini, cuius turbato statu in  
suum bonum uti didicerunt. Si vel levissimè illos offendat Rex, ad ar-  
ma convolat, conciliabula sacra convocat, de rebus regni deliberant, &  
quam Christianâ patientiâ debebant, aperto Marte ulciscuntur injuri-  
am. Nec displicent transmarinæ appellationes, & exterorum subsidia  
adversus proprium Regem perfidè subinde exposcuntur. Comes Emb-  
danus, vigente sub Albano persecutionum aestu, profugis ipsis hospitium  
& asylum perquam humaniter præbuit. Nunc numero potiores, &  
Curibus parvis ac paupere terrâ in curiam evecti, ipsum, cum libet, Co-  
mitem in custodia compingunt, & libertatis donatorem ad obsequia  
compellunt. Accidit idem Aquis-grani celeberrimo Germaniæ oppido,  
in quo tenerrimè habiti dignum aliquid suâ indole dederunt, exactio-  
nemq. Magistratu, & Lojolitarum catibus. Antverpia testis esto,  
uti per gradus regnū sibi struxerint, & extortâ armatis precib. libertate  
totum Ecclesiæ Romanæ clerū urbe expulerint. Annales Belgicos evol-  
vite, cōperietis maximū semper homines hosce negotiū facescisse Prin-  
cipi Auriaco, cuius nisi obstitisset prudens moderatio, par cum Catholicis  
fuiſſet.



fuisse Anabaptistarum & Lutheranorum in patria nostra fors. Didicit jam  
Cesar, quid possit sub Religionis specie imperandi libido. Non aliis Au-  
roribus principatum Bohemia, Moravia, Silesia, Lusatia sibi conferri  
passus est Palatinus. Et jam Saxoni quoque dictus fuerat dies. IN DU-  
CATU BRANDENBURGICO, UBI HACTENUS VIGUIT  
AUGUSTANA CONFESSION, NUNC PRINCIPEM SUUM  
ALIAM EIDEM AMPLEXVM AD INNOVANDA MA-  
JORVM SACRA SOLLICITANT. (Vid. B. Hutteri Calvi-  
nista Aulico-Politicus Alter. Id ipsum etiam hodie facit contra  
Instrumentum pacis, cuius hæc sunt verba art. VII. Vnanimi  
quoque Cesarea Majestatis consensu placuit, ut quicquid juris aut be-  
neficii cum omnes alie constitutiones Imperii, tum pax Religionis & pu-  
blica hæc transactio, in eaque decisio gravaminum ceteris Catholicis, &  
Augustane Confessioni additis statibus & subditis tribuunt, id etiam  
iis, qui inter illos Reformati dicuntur, competere debet. Salvis tamen  
semper Statuum, qui Protestantes nuncupantur, inter se & cum subdi-  
tis suis, Conventis, pactis, privilegiis, reversalibus & dispositionibus aliis,  
quibus de Religione, ejusque exercitio & inde dependentibus cujusque  
loci Statibus & subditis huc usque provisum est, salva itidem cujusque  
libertate, APPENDIX NOTABILIS! ) In Scotia non minus in-  
clementer Principes suos habuerunt, Mariam primam, mox & Jaco-  
bum. Illa postquam Reformatæ Religioni regnū suum patefacere coacta  
fuisse, tantum ab ejus Doctoribus impetrare non potuit, ut intra priva-  
tos aulae parietes missam sibi celebrare liceret. Hic non minus ab ipsis in  
ordinem reducta, tunc cum Scotia solum imperaret, nunc duplici sceptro  
aucta, multorum in exilio petulantiam istam ultus est. Ita comparata sunt  
Calvinistarum ingenia, ut aut servire, aut imperare debeant. Si servi-  
ant, lenes sunt, officiosi, humiles, obsequentissimi Dominorum suorum cli-  
entes. Verbo dicam, Christiani sunt. Sin altius proveci jugum Magi-  
stratus excefferint, Jovis instar totam Rempubl. superciliorum suorum  
nutu concutiunt, rectoribus suis insultant, & si pastorali pedo subigi se  
patiantur, invissimos reddunt. Itur ad populum, de Magistratus in rebus  
Religionis negligentia, incuria, impietate querela publice instituntur.  
Plebs, uti rerum novarum studio tenetur, talium imperia fastidians,  
dignos non putat, qui sibi imperent, qui tam religioso ordini displiceant.  
Hæc Barlaeus in epistola citata, quæ tota legi meretur. Extat infer

Ar-



113

Armin. p. 589. pag. 609. hæc verba legas: *Quotquot Confessionis Augustanæ favent Principes, Synodi vestre (Dordracenæ) Canonibus anathema scribunt, & quâ fide à Pareo alijsq; Theologis oblata ipsis, fuerit societatis dextra, jam didicerunt, nempe, ut in societatem admittantur aut contrâ, quàm sentiunt, credant, aut muniis publicis tum sacris, tum profanis, Remonstrantium exemplo, decedant.* Rectè sanè hæc observas Barlæ, Hoc ipsum est, quod nos movet, turbat ac terret, quod cautiore & ab infidiosa pace alieniores reddit. Sic enim colligimus: Si Calvinistæ noluerunt tolerare Arminianos, dissidentes à setanturum in V. articulis, ac præterea pollicentes se omnia revocatu ad sententiâ Melanchthonis, neq; limites istos unquam egressuros; Si autores fuerunt supremis potestatibus, ut propter meram dissensionem in iis articulis, in quibus tolerantiam antea Lutheranis non semel obtulerant, Remonstrantes non modò Ecclesiis suis extruderentur, verum etiam tanquam κατάρματα atq; βδελύγματα patria sua proscriberentur, in ergastulo nebulonum compingerentur, æternis carceribus manciparentur, & cum familiis liberisq; aut fame inediaq; necarentur, aut prodigioso silentii promisso conscientiam & bonâ mentem ejurare, cogèrentur, uti conqveruntur Remonstrantes c. XXV. Apol. p. 302. multò minò nos, in plurib; articulis ab ipsis vehementer dissentientes, tolerabunt, ac benignè tractabunt rerum potiti, vel pacificè inter nos vivent, in civitatem recepti, & nobiscum conjuncti. Hugo Grotius in exam. animadversionum Riveti pro suis notis ad consultat. Cassandritit. de hæreticorum pœnis, ait, *Calvini discipulos, ubicunq; invallere, omnia turbare imperia.* Rivetus, qui alias minutissimas objectiones sui adversarii operosè diluit, vi veritatis pressus frigidissimè hîc respondet: *Nihil durius dici potuit. Condonet ipsi Deus. Possem, nisi ab ira temperarem, aliud ei, & iis quibus favet, regerere.* Scilicet adeò perfunctoria responsionem transmittendum erat gravissimum ἐγκλημα. Sed aliter facere non potuit, nisi & veritati & suæ conscientiæ vim inferre vellet Rivetus. Idem Grotius in prolegomenis voti pro pace, quædam habet ἀφειρμνιόνευται, hîc legi digna. Dicit: *Hoc præcipuum fuit quod Joanni Dureo concordiam inter Protestantes bono animò molienti, respondere & Argentoratenses & Svedi: se in Synodo*

P

Dor.



Dordrechtana non minus damnatos, quàm qui cum Arminio sensissent. Qui se plus cæteris Reformatos ducunt, antehac, si quæ illis objicerentur e Calvino, Beza & aliis, solitos dicere, privatas esse Magistrorum sententias; nunc omnes, qui ejus essent partis, publica voce Synodi sue teneant; nullum esse effugium: neminem esse qui non teneatur horribilia ista, (ut Calvinus ipse loquitur) decreta defendere. Neq; se credere alio animo benigne fraternitatis verba usurpari à Calvini discipulis, quàm ut quocunq; modo irrepant, ubi satis invaluerint, ejecaturi alios, sicut ex Batavis eos, de quibus jam diximus: Lutheri autem discipulos ex Palatinis terris bis ejecere. Quid ad hæc Rivetus? Tergiversatur & nescio quod querit *ἡμεῖς οὐκ ἔχομεν*. vid. ipsius Apologeticum pro vera pace Ecclesiastica, sive respons. ad Votum Grotii Tom. III. Oper. fol. 1064. seq. Interim quæ l. c. Grotius habet, nostram sententiam egregiè confirmant, scil. insidiosam à Calvinistis nobis offerri pacem, adeoq; non esse ineundum cum illis Syncretismum conjunctum cum tolerantia, vel receptione eorum in civitatem, nisi velimus ab admis sis hospitibus durissimas accipere leges, nostramq; turbari ac subverti Rempubl.

§. 6. Adde quod ejusmodi Syncretistica confociatio solida non sit, nec ætatem ferat. Ut boves instante lupo coeunt, capita & cornua jungunt, post cornibus se iterum petunt: ita qui Syncretismo coaluere animi, periculo exempti, ad ingenium remigrant. Manebit, verba sunt Dn. Danhaueri in Sigal. p. 160. pristinum sectarum ingenium, ad desuetudinem difficile: manebit cicatrix. Etenim auctore Plutarcho in Moral. amicitia post convitia mutua & famæ lacerationes aut non coeunt, aut cicatrosæ coeunt. Manebit aliquod discrimen, & electio, manentibus adhuc controversiis. Erunt adhuc conciones publicæ, ubi non semper sibi temperare poterit, quin in elenchum excurrat, etiam mansuetudine ovīs. Magis periculum rei Christianæ imminet à charitate infida, quàm bello penigero. Gliscet ignis sub cinere do-  
loso: erunt qui ventum assecuti propitium, excitabunt latentem; erunt qui annales Ecclesiæ lustrabunt, qui in superiora Ecclesiæ certamina incident, qui Zelotas pro veritate laudabunt, eorum pro fidei puritate, exilia, martyria pensitabunt, mirabuntur tam levi impetu bella Domini confidere potuisse; nec esse qui pro  
Deo



115

Deo discrimen amplius subeat. Erunt homines Saturnii queruli, *δυκεραλοντες*, erunt aculeones, curiones, faces &c. qui idolo irenico noluerit genua incurvare, victima cadet, qui pro ovili contra hyemem vigil steterit, canis dicetur rabiosus, ad Garamantas expellendus, aut in novam Zemblam relegandus, ut ibi silentium & moderationem frigore magistro addiscat, suffecto in excubias moderato, hoc est, muto custode. Ita enim veluti ex tripode pronunciat Dieltius quidem Duysburgensis in dissertat. irenic. p. 217. *Ecclesie munus erit, convitiantes & rixantes post unam aut alteram admonitionem clavibus regni colorum ligare, tandemq; contumaces a sacris arcere, nec illos Ecclesie proficere Doctores, nisi viros pacificos, rixarum & convitiarum ofores, quique dissidentes a se Evangelicos ob dissensum non fundamentalem non execrentur, & persequantur, sed fratres agnoscant. e. g. si Calixtini, & his animi lenitate & modestia similes, rigidioribus Wittebergensibus, eorumq; similibus, qui quasi Βοαεργες videri volunt, preponantur. Magistratus item Politici hic munus erit, eosdem turbones, pacisq; Ecclesiastice adversarios, ante a se sancita refractariis multa senerè coercere, eamq; crescentibus delictis augere, eosdem ab omnibus muniis publicis arcere, quin & subditorum suorum liberis, studiis operam daturis, turbonum atq; durissimorum illorum hominum institutioni se committere sub pena denegande omnis ad Politicam vel Ecclesiasticam munia promotionis serio interdiciant.*

§. 7. Cum itaque ejusmodi infida & Syncretistica concordia Rempubl. non patiatur esse tranquillam, dixi Syncretismum cum Calvinistis etiam malum esse Politicè. Ex hoc inquam capite malum dico Syncretismum Politicè, non quasi omnis cum Calvinistis societas & conjunctio Politica mala sit atq; illicita, aut quasi eis pacem civilem & tranquillitatem politicam invidiam, omniaq; humanitatis & amicitiae officia deneganda censeam, aut quasi hoc ipso subditorum sub Magistratu Calviniano viventium animis faces seditionis subdere, aut turbas & tumultus inter illos ciere velim, aut dissuere inita cum Principibus Reformatis a nostris pacta & conventiones. Absit. Nam hoc adeo non intendimus, ut potius Principes nostrates, ex Theologorum nostrorum consilio, cum Magistratibus Reformatis non



rantum pacificè vivant, verùm etiam confraternitatem Politicam inierint, spectantem eventualem successionem in eorum provincias ; imò quantum in ipsis fuit, annisi sunt ut pace civili ac politicà constanter fruerentur Reformati. Quin & fœdera politica cum Calvinianis, certis circumscripta limitibus, scil. ad patriæ duntaxat defensionem, communisque periculi evitacionem, minimè vero ad Religionis utriusque tuitionem & propagationem, contrahi posse, nostrates Theologi concedunt. Vid. Hurteri tractatum de fœderibus. D. Johannis Tarnovii disput. de quæstione : Num, & quæ fœdera cum diversæ Religionis hominibus, & præcipuè à Lutheranis cum Calvinianis salvâ miri possint conscientia?

§. 8. Notanter autem dixi, cum Calvinistis QVA TALIBUS, Syncretismum esse malum. Nam si desinant esse tales Theologicè, hoc est, si nuncium remittant impiis ac perniciosis, quæ foveant, dogmatibus, quibus & Deo honorem suum detrahunt, & hominibus excutiant eam, quæ hac in vitâ viventibus necessaria est, sollicitudinem, si sincerè nobiscum amplectantur Augustanam Confessionem, & sacratissimum Concordiæ librum, tum proruemus in mutuos amplexus, tum dicemus eis Ave, quoniam Deus non amplius dicit Cave. Si desinant esse tales Politicè, hoc est, si exuant genium & ingenium sanguinolentum, Calvinisticum, turbulentum, Contra-Remonstranticum, Puritanum, cujus hoc esse proprium Rex Jacobus olim conquestus est in sua monitoria præfatione ad Imperatorem, Reges, Principes: *Ego, inquit, à Puritanis non solum à nativitate continuo vexatus fui, verùm etiam in utero ipso matris propemodum extinctus, antequam in lucem editus essem.* (Rivetius in Jesuita vapulante c. XIII. Tom. III. oper. f. 540. excipit hanc dicam potissimum scriptam Anabaptistis, sed eventus docuit, quos sub nomine Puritanorum, cavendos designârit Serenissimus Rex) tum facilius nobis & illis convenire poterit.

§. 9. Uti Syncretismus cum Calvinistis Theologicè & Politicè malus est, sic etiam cum Papistis, quâ talibus, propter easdem rationes omninò malus est. Nam Papistæ sunt idololatæ & hæretici Theologicè considerati, dum sanctos invocandos sciscunt



447  
ciffunt, opera meritoria salutis statuunt, sacratissimam Domini  
cenam mutilant & plures alios gravissimos errores foveant ac  
pertinaciter defendunt. Iidem sunt irreconciliabiles Politicè  
considerati, quoniam à se dissentientes non ἐλέγξουσιν, ex scriptu-  
ra petitis, convincunt, sed premunt validissimis illis argumentis  
Hispanicis, quorum præmissæ ex inquisitione & tortura constant,  
& mors necessariò ingreditur conclusionem. Quamvis jam in-  
cipiant adversù nos ratiocinari vel in Barbara, id est, nostros ine-  
scare sub spe splendoris matrimonii, rerum scilicet mundanarum, di-  
gnitatis, favoris, & divitiarum ex Matth. IV. *Hec omnia tibi dabo,*  
*si me adoraveris.* Vid. Gibbon, de Burgo disp. IV. quæst. ult. §. 15. vel  
in Celarent, errores suos occultando, vel etiam extenuando, quod  
fecit Masenius in meditata concordia, & Gothofredus Adolphus  
Volusius in aurora pacis Religiosæ. Sed quoniam, quod ego qui-  
dem sciam, nemo sit, qui suadeat ineundum cum Papistis Syn-  
cretismum, nolo jam ex professo hac de re agere, satis habens o-  
stendisse Syncretismum cum Calvinistis sanciri nec posse, nec de-  
bere. Quod dum dico, non me profiteor Concordiæ & paci infe-  
litum, sed veritati lito, interim verò cum Riveto lubens & ex ani-  
mo hæc Hieronymi verba usurpo: *volumus & nos pacem, sed pa-*  
*cem Christi, pacem veram, pacem sine inimicitiis, pacem in qua non sit bel-*  
*lum involutum, pacem quæ non ut adversarios subiciat, sed ut amicos*  
*jungat.* Alioqui cum Nazianzeno censeo, *melius esse dissidium*  
*pietatis causâ ortum, vitiosâ concordia.* Vid. Præfat. Riveti  
animadvers. in annot. Grotii ad Consult. Cassan-  
dri Tom. III. fol. 925.

Votum Christi, votum nostrum:

Pater sanctifica eos in veritate: Sermo tuus veri-  
tas est: Joh. XVII, 17.

Bellum



118

Bellum auspicari ab arcē quatiendâ, cui  
Præcipua fulcra roboris debet sui  
Truculentus hostis, nemini in mentem venit,  
Nisi fortis æquè ac militandi sit sciens.  
Nec facile talem prosperorum eventuum  
Fortuna datrix deferit, Sic Fulvio\*  
Ambracia capta, gentis Ætolæ caput,  
Mox universam dedit provinciam.  
Hâc arte, FRANCI, video te vulpeculas,  
Quæ pacis oleam fronte gestantes, Dei  
Vineta vastant, aggredi. Concordiæ  
Primum dolosæ subruis mendacium.  
Insiste! certam spondeo victoriam.


Flor.  
1.11.c.9.

M. Jac. Thomasius,  
P.L.C. Eloq.P.P.




26.354



























005647261





CENTRO DI RESTAURO  
LIBRI ANTICHI  
C.P.R.C.A.  
VOLTERRA (PI)  
Tel. 0588 86200